



Год был вод был

2. 2001



Кызы вит во сайын, 1976 вося февраль тӧлысын, Австрияса Инсбрук карӧ XII тӧвсӧ Олимпиада вылӧ Комиыс ветлисны Н.С.Бажуков, Р.П.Сметанина да В.П.Рочев. Николай Бажуков босьтис сӧни зарни медаль, а Раиса Сметанина — кык зарни да зысы медаль.

Г.Лисецкийлӧн снимокъяс вылын: Раиса Петровна Сметанина — нӧлысыс олимпийской чемпионка, сизимыс мираса чемпионка да мираса Кубок шедӧдыс, спортын СССР-са заслуженной мастер. Р.П.Сметаниналӧн Инсбрукса наградаяс.





Войвыв кодзув

2

**ФЕВРАЛЬ
(УРАСЬЁМ)
2001**

ПЕТО 1926 ВОСЯНЬ



ЛЭДЗЁНЫ:

КОМИ
ГИЖЫСЬЯСЛОН
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ



СЫКТЫВКАР



ТАЙО НОМЕРЫН:

Владимир ТИМИН. Тайо аныс, коді муса... Кывбурьяс . 3
Виктор НАПАЛКОВ. Эзысь перна. Роман. Мёд юкөн . . . 5
Татьяна КАРМАНОВА. Кывбурьяс 47
Андрей ПОПОВ. Кывбурьяс 48
Борис ШАХОВ. Клим Самарин да мукд 50
Виталий УЛЯШЕВ. Кывбурьяс 55
Татьяна КАНОВА. Кывбурьяс 56

РЕСПУБЛИКАЛЫ 80 ВО ТЫРИГКЕЖЛЁ

А.В.ДЕМИН. Төвся гым-чард бёрын 57
Т.А.КУРМАНОВА, Т.М.ХОРУНЖАЯ. Семья вёсна төждлунён 63

ПИСЬМӨАСЬОНЫ ГИЖЫСЬЯС

Владимир БЕЗНОСИКОВ. Пыр ышдөдіс-өзйөдіс 68

ВАЖСА КЫВВУЖЪЯСНЫМ

Иван ПЛОСКОВ. Войпель, пам, өксы... 75
--

СЕРАМБАНА ВИСЪТЪЯС

Иван НОГИЕВ. Гөститисны 78
Александр НЕКРАСОВ (Гамса). Роч Вань 79



СЕВЕРНАЯ ЗВЕЗДА



*Ежемесячный
литературно-художественный
журнал*



Учредители:

СОЮЗ ПИСАТЕЛЕЙ РЕСПУБЛИКИ КОМИ

УПРАВЛЕНИЕ ПЕЧАТИ
РЕСПУБЛИКИ КОМИ



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Альберт
ВАНЕЕВ

Виктор
НАПАЛКОВ

Ответственный
секретарь

Алексей
ОДИНЦОВ

Зам. гл. редактора

Александр
ПЕТРУНЕВ

Владимир
ТИМИН





Владимир ТИМИН

Тайё аньыс, коді муса...

* * *

Тайё аньыс, коді муса,
Абу менам...
Сомын кыдзи ышмём съёлёмс ме вена?
Медым, аддзусиг, не сёйны сійос синмён,
Мед и ачыс синнас пьдіддз эз инмы.
Ог куж шуны өні, кыдзи тайё лоис,
Мый мем съёлём вылө та выяөдз воис.
И кор шмоньён шулі коркө өттор-мөдтор,
Мыйла менө сійө пырысь-пыр эз өдтор?
Йиджис меө сьлөн авьялуныс, нюмыс
Да и водзө вылө гөгөрвотём думыс.
Со и ветла вошөм юрөн стенись стенө:
Тайё аньыс, коді муса,
Абу менам.

* * *

Синмө шыбитчана ань,
Месянь кутчысян тэ ылын,
Но и весиг ылісянь
Тэнсьыд съёлём тіпкөм кыла.

Нинөм миянөс оз йит,
Сомын синъяс аддзусьлөны,
Эн зэв дивит и эн вид,
Мый ме аддза тэнө сомьн.

Вөчан тыдалана удж —
Нима йөзкөд кыан сёрни,
Тэ гөгөрсө визь ог вудж,
Да и, мөвпыштны кө, сёр нин.

Тэнсьыд оланног ог торк,
Аслад туйөд восьлав бура,
Мед и волө унатор
Менам съёлёмө да юрө.

* * *

Наян асланьыд да ёсь,
Но и шуны позьтõм мича,
Помõдз вощыны оз позь —
Тэ водзын õд сõмын личав.

Пыр и кыян, ворсiгмоз,
Ставнад вильыш рун õзьян,
Сэсся, лõсялõ кõть оз,
Пõттõдз шуасян, мый кõсьян.

Ышловзыла сõмын: э-эк!..
Важõн тõда тэнсьыд рутõ,
Бара юрõ волõ сэк:
Мый пõ мянõс и кутõ?..

Саридз дорын...

Лõз парма ки пыдõсын чужи
И сэнi шудтõмõн эг коль,
Вõр-васõ гõгõрвоны кужа,
Кõн быд пу ловья и быд ёль.

Но мыйлакõ лõз саридз дорын
Тшõтш йиджõ лолõдз ывла выв,
Важ тõдсаõс моз саридз корõ...
А ме ог тõд нин сылысь кыв.

* * *

Сьõлõм асывсянныс «дурõ»,
Корся ёнтан дойысь мезд,
Талун пõ «магнитнõй буря»,
Кыла радио пыр ме.

Гашкõ, гашкõ, ме ог вензы,
Енэж вынъяссõ он тõд,
Сõмын Шондiс-õ менсьым
Содтõ сьõлõм тiпкан õд?

Унджык ас костсьыным сюрõ,
Лун кõть асыв, рыт кõть вой,
Олõм турõб, олõм турõб,
Тэ мем унджык вõчан дой.

□ □ □

ЭЗЫСЬ ПЕРНА

РОМАН

Мөд юкөн

СУЛАЛІС АРСЯ лесөб поводдя. Вежон-мөд сайын чужан муыскөд янсөдчисны юсыяс, турияс, уткаяс. Шуштөммис, гөлөстөммис вөр. Луннас шлапкас-усяс уль лым, а войяснас сзэьдылө: кодзувъяс пөвстын мыгчысьлө кулом морт чужома кельяд төлысь. Няйт, букыд плеша поводдяыс дөзмөдлө крестьянинөс. Уна вөлөстын, но эз быдлаын, водз пужьявліс да, кокни шептаоьс вөліны ид да сю, этша чукөрмис град выв пуктас. Сэж жө, тырмымөн солалісны ельдөг да ягсер, косьтісны гөрд гоб да иванчик, льөм, чөд да мукөд вотөс. Ывла бипур весьтын, чугун пөртъясын, пуисны кочан. Йөз начкалөны этша йөла да пөрысьмөм мөсьясөс, яй вылө тшөгөдөм өшгьясөс. Зіль крестьянинлөн улыс кумын черийяыд лоө вит-квайт пөлөс — пачын да паччөрын, лэбулын да төв йылын косьтөмыс, солалөмыс и солавтөмыс. Юяс кынмөм бөрын йисө жугласны пыридызьясөн и катласны пөгребьясө көзөд пыдди.

Но быд поводдя дырйи личлэдзлытөг шычкертөны гөльяслөн комитетса шленгьяс, налөн властьюс Сөветгьяслөнысь на ыджыдджык. Комбедлы отсөг вылө пыр дасьөсь воны чрезвычком да ревтрибунал, весиг гөрд армеечьяслөн отряд. Властьлөн быд выль орган юр весьтад өшалысь сабля кодь. Оти татшөм органын и уджаліс большевик Павел Налимов. Австро-германечьяскөд мирной договор кырымалөм бөрын, кор салдатгьясөс лэдзалисны гортаныс, мездісны пленысь, сійө чайтліс: Россияын, тшөтш и Коми муын, пуксяс выль олөм — өд властьюс асланыс киө босьтісны уджалысь йөз. Сэсся и, фронт вылын унджык салдатыс сетчисны большевикгьяслань. Сетчисны сы вөсна, мый найө чукалісны дугөдны война, чукалісны кырымавны германечьяскөд мир. Войнаыс эз ков ни рабочөйяслы, ни крестьяналы. Ичөт грамотаа прапорщик Павел Налимов лоис большевикөн, но некыз эз гөгөрво, мыйла партияыс шусьө Россияса социал-демократической рабочөй партиян*. Мыйла сөмын рабочөй? Мыйла абу рабоче-крестьянскөй партия, өд Павел Налимов крестьяна вужйысь и ачыс крестьянин?

Өні сійө пукаліс гортас, шоныдөн оналысь керкаын, нускис-гижис Усть-Сысольскөй уездса ЧК-ө аслас удж йылысь отчет. Кабалаыс жаль, сы мында нин тшыкөдіс да. Сэсся тай, быттьөкө, гижис медся коланасө-а. Медводз индалис, кутшөм вөлөстыясө да

* Россияын марксистскөй партиалөн нимыс аслас котыртчөмсянь вежсылас не-кымынысь (РСДРП, РСДРП(б), РКП(б), ВКП(б), КПСС), но крестьянин некор эз вөв тыр правоа сөветскөй гражданинөн. Сөмын сюрс өкмысө ветымынөд вояс помын Ком-партияөн журнадысь, олөмө быд сикас вьльгорьясө — туянасө и туйтөмсө — пыртысь Н.С.Хрущев сетас крестьяналы паспорт.

грездьясö воліс, сэсся веськыда пасйис: «...По приезде в деревню или волость я замечал везде настроение недоверия к новым властям, чувствуется даже скрытая враждебность. Главная причина в том, что комбеды повсеместно проводят реквизиции и конфискации лошадей, коров, имущества не только у кулаков и зажиточных крестьян, но и у середняков, при этом превышая свою власть, нарушая функции, определенные декретом ВЦИК. Волостные комиссии чрезвычкама принимают все меры, чтоб в населенных пунктах установить полный порядок.

Вместо сознательной революционной борьбы отряд Мандельбаума* на Вычегде занимался бесчинствами, расстрелами без суда и следствия, открытым грабежом мирного населения, не относящегося к классу эксплуататоров. Такая политика и жестокий террор в отношении крестьянства взбудоражили жителей Верхневычегодского края. Обстановка тяжелая. Чтобы разбудить массы, нужна широкая агитация, нужны грамотные работники для волостей, а их нет...». Лыддис отчётсö кывйысь кывйö, шöпкöдіс: «Шань. Таысь шыльдысö оз артмы». Мичаджык роч кывъяссö корсяліс «Зырянская жизнь» газетысь. Некымын номер вайис гортас Шорчомса да Веждімса волисполкомъясысь. Дас кымын газет куйлö пызан вылас, лыддытöмыс строка нин эз коль.

Аски лэччылас Веждімö и сэсянь отчётсö письмöөн мөдöдас Сыктывдинкарö Кудинов ним вылö, кодкөд төдмасис юль помын Кулөмдінын Эжва катыдса активистьяскөд аддзысьлігөн. Буретш сійö ляс ныра, кыз голиа Кудиновыс, коді тшөктыліс арестуйтны Рассыхаевöс, Павел Налимовлөн начальныкыс. Сэки, Матвей ордö шойччыны мунтöдз, Налимов да Кудинов воча ныр мый йылысь кө пöся варовитісны. Ас дінаныс чукöстлісны и Шорчомысь волисполкомса секретарь Гичевöс. Тыдалö, Кудинов и тшөктіс Налимовöс сюсьджыка видзöдны Шорчомын лоөмторъяс бөрся, стрöга мыждыны найöс, кодъяс торкалöны уездса да шөр властьяслысь индöдъяс. Но Налимовлөн оз ышты сёлöмыс, мед кодöскö мыйыскö стрöга мыждыны судтөг да следствиетөг. Таөн торъялö сёлөн видзöдласыс сэтшөм чина войтырысь, кодъяс вермöны мыждыны и весиг лыйлыны мортöс сөмын асланыс чайтөм серти.

Буретш сійö лунас, кор Налимов нельöдысь выль пөв гижис отчётсö еджыд лист вылö, Шорчомын кылісны лыйсьöм шыяс. Сэні лоөмтор йывсьыс сылы кывсяс лун-мөд мысти, а öні киас кусөм каляна сулаліс öшинь дорас, видзöдіс йöзтөм, лөнъ ывла вылö. Мыйлакö, чужан грездыс, ичөтик Пармачуркыйыс, öні кажитчис сылы ыджыд вөр керка кодьөн, көні йöзыс, көлена бөрся көлена, олöны сьодас-пемыдас. Сійö, Павел Налимов, царскöй армияса вöвлөм салдат, көть аддзыліс паськыд ен вевт увсö, аддзыліс ылі муяс, а мый аддзылісны Митрей вокыс да Öксинь чойыс пармаса зверь-пöткаысь да Веждімысь öприч? Некоднанныс на весиг эз вöвны Кулөмдінын. Колö ловзьöдны сикт-грездьясын культурнöй олөм, а та могысь быдлаын восьтавны школаяс, көні эськö быдтісны-велөдісны выль олөм — социализм — стрöитысьясöс. Видзöдö Налимов пöрысьмөм чужөма ывла вылас, а сёлöмыс öзйö югыд аскиö эскөмөн. И нюмыс весиг мыгчысьліс, кор син водзас сувтöдіс öшинь увтіыс школаö котөртгысь челядьöс — долыдöсь, мича

* Кадсö неуна панийөмөн пасья: сюрс öкмыссё дас öкмысöд вося апрельын Мандельбаумöс вöлі арестуйтöма. Рытыввыв фронта военной революционной трибунал шуис пуксьöдны сійöс виг во кезлö тюрьмаö. Но РКП(б) немецкöй группалөн ЦК корис небзьöдны приговорсö. И трибунал аслас приговор дінö содтіс кыв: условнö. Сійö жö воас муніс Комиысь и вöвлі на уна кывкутана удж вылын.

паськѡмаѡсь, кианыс нигаяс. Сэсся кыськѡ ылысь, парма чурк горувсьыс, кѡні тыртѡм муяс саяс тшемвидзис помтѡм вѡр, петкѡдчис Анастасья Сергеевналѡн лѡсьыдик чужѡмыс. Сэтшѡма вѡйтчис думъясас, весиг кѡсйис дзугыштны чунь помъяснас нывлысь сьѡд юрсисѡ, но кийс зурасис ѡшинь стеклѡас. Пыркнитчис Павел, петис пос помас куритчыны. Сідзсѡ эськѡ керкаас и тшынасьлѡ, таладорас ѡні ѡтнас, ломтылѡны жѡ ыджыд пачсѡ да шоныд. Кызвыннас мѡдарас олѡны, сэнї Машукныслѡн лайкана потаныс. Модей Пекла, вермѡ на да, ѡнджыкасѡ и ноксьѡ ськѡд. Митрей да Ѳксинь вѡрынѡсь, сьѡла-тар на медсясѡ кыйѡны, регыд уравны кутасны, бара на сьѡмтор лоѡ, иналасны ур куяссѡ да.

Дзик на неважѡн Ѳксинь нарошнѡ кежис аслас чѡс туй вылысь, пырис Гриш Мишлѡн угодыѡ. Эз гусясьны, а ыліса вѡр керкаас пукуыштны, Иван йывсьыс сэнї мѡвпалыштны, верѡсыскѡд медводдза узян войсѡ тѡд вылас уськѡдлыны. Синнысѡ куньлытѡг и колис сэк войыс, сэтшѡма меліалісны ѡта-мѡднысѡ — окавтѡм места эз коль Ѳксиньлѡн вир-яй вылын. Шань вѡлі Ваньѡыс, шоныд да небыд киа гѡтырыс дінѡ, а кагукыд вот, мыйлакѡ, эз артмыв. Дырджык кѡ олісны, колѡкѡ-й, сьѡктіс на. Ок, кутшѡма колѡ том вир-яйыслы верѡсыс, да он на тай босьт, он бергѡд морттѡ мѡдар югыдсьыд. Ѳксиньлы кодь мужикыд Пармачуркыйысь оз сюр, абу нымаыс. Тѡндзи Васса воліс мам-бать ордас, дыр шѡпкѡдчѡмѡн сѡрнитісны вѡча чойыскѡд. Кѡсьян кѡ пѡ,— чуйдіс Васса,— тѡдмѡда ѡти том дѡвечкѡд, Иван нима жѡ: гѡтырыс медводдза кага вайигас кувсьѡма, пи кольѡма. Зѡв шань морт пѡ, кыйны-вины радейтѡ. Ѳтувтчанныд кѡ пѡ, кагаясныд чѡя-вока моз и быдмасны.

«Бара Иван?..» — шай-паймуніс Ѳксинь скупа нюмъялігтыр.

«Мый кѡть и, Веждімад джын мужикыс Иван нима. Ас саяд ставыс, эн усь лолнад, мед сѡмын некод эз удит Ивансѡ-а»,— сьѡлѡм сетана сѡрнитіс Васса.

Коркѡ збоймѡдчас да, збыльысь лэччылас Веждімас, мед Вассаыс аддзѡдлас дѡвечыскѡд. Гриш Мишлѡн вѡр керкалань мунігѡн и усис тѡд вылас Вассакѡд вашкѡдчѡмныс. Ивановскѡд эз этша вой колявлыны тайѡ керкаас, вошйѡдас-сибѡдас татчѡ шонъянлысь ловсѡ да прѡцца корас сы водзын грекъясысь. Дерт, эм кѡ грекыс. Ылісянь на Ѳксинь нырѡ тшын дук ѡвтыштіс, сідзнад, ломтысьѡ пачыс. Со тай, пуяс костѡдыс Гриш Мишлѡн мыгѡрыс вуджрасьѡ — вѡня шабура, лазтѡм, кias чѡра. Нывбабалы вѡча уськѡдчис ѡсь ныра понйыс, некымынысь увтыштіс, но ѡдйѡ ланьтіс, никсьыштіс на, тыдалѡ, тѡдіс ассьыс коркѡя кѡзяйкасѡ.

— Айка!— вом дорас кисѡ матыслѡмѡн шыасис Ѳксинь.— Позьѡ тѡ ордын шойччыны?

— Ѳксинь али коді сэн? Али пѡръясьѡ пельѡй?— пицала нывбабалысь гѡлѡссѡ тѡдіс Гриш Миш.

— Ме, айка, ме. Оз пѡръясь пельыд.

— Лок, дитя, лок. Вайман выйын пачыс, этша тшына нін керкаыс,— кысьыс черсѡ чѡвтис кѡзяин.— Кузь кокыд, пажнайтны лѡсьѡдча.

— Сьѡла шыд дук кылѡ, ой, кутшѡм чѡскыд,— пырѡмѡн тшѡтш личѡдчис Ѳксинь. Эз ѡд йѡз ордѡ, айка ордас пырис.— Кыдзи кыйдѡсыд, айка?

— Слабог, эм тай эськѡ сьѡла-тарыд да.

— Аннаыд эз на помѡдз вильѡд? Сэтшѡм жаль тѡ мен, айка.

— А меным тэ жаль: кык во нін быттё пуста керкан ола. Нылкад дзоньвидза?

— Ен ськөд кодь.

— Кодлань нө кыскөма?

— Абу тай мелань-а. Батыслань, сідзнад... Син гөгөрыс тай дзик тэлөн кодь-а...— медводдзаысь татшөм восьсөнсө шуис Оксинь, веськыда дзөрнитліс айкаланьыс.

— Прөстит, Оксинюшко...— пидзөсчанясис паськыд морө-са мужичөй, пөрччис шапкасө, дзугсьөм юрсиа юрсө жмитыш-тіс том нывбабалөн лядвейяс бердө, кутіс шыльөдны кыз дөра платтё пырыс.— Эн кө во ас саяд сэк, лыйси эськө. Сө ей бог, лыйси: картеча патроныс пищальын нін вөлі. Прөстит, Оксинюшко...

— Айка, ме вед нинөм ог помнит. Тэнө нинөмысь и прө-ститнысө. Мед Иваньд тэнө-й, менө прөститас. А вайи кө вед кагатө, мый тэсса, бабаыд кага вайысь и эм.

— Вот тай, Ваньө писянь Енмыс абу шулөма сьөктыны.

— Сысянь кө вед сьөкті, кагаа дөваөн жө коли. Сэк эськө энька дінын и колмис мен пөрысьмыны. А өні ме ачым ас вылын ыджыдыс и паськыдыс. Ме водзын өні некод оз тотьёл.

— Сіятө сідз. Та боксянь кө, ме рад жө тэ вөсна.

— Айка, тэн эськө кымын арөс?

— Нелямын өкмыс тырис.

— Кык пөл ыджыдджык ме серти.

— Дженьыд морт олөмыд. Тэрмасьны колө олнытө. Вай чөлт, рочакань, шыдсө ыджыд тасьтіас, нель сьөла өтпырйө пуви, спорианаа шыдыс. А ме шабурөс шыбитла.

— Веждімса Аннад на эськө тэн рочаканьыс да,— эльтыштискодь Оксинь.

— Тэ кодь рочаканьыс өти менам. Пасибө, он лөгол ме вылө да. Сэakitө эг ме тэнө мырдөнол, эз вөл менам сэтшөм көсиймыс. Вель дыр зыралі аскурөн вир-яйтө, а некыз саяд он во, пикө волі, тайкө ачым эг йөймы. Тэсса тай, Енмыс быттё шөпкөдіс: пычнит пө ассыд ён вын-эбөстө моньыддөн вир-яй пытшкө... Сія на-й, чайта да, отсаліс: ымөстін, кылө. Ог и суссьы, кык пөрйө тошкалі... Видзөда да, бандзибъяд вир пас кыптыштіс, вомтө восьтыштін... Эг, дерт, чайт, мый кынөмад кага гөрддзасяс. Ванюккөд вирныд, тыдалө, эз лөсёл, мекөд лөсяліс. Чөскыд баба тэ, Оксинь, ок, чөскыд...

— Айка, ме вед абу сьөла, мед чөскыдөн менө шуны.

— Сьөла кодь и вөлін сэк, жуймунөм сьөла кодь.

— Мыйла эськө сэки став збыльторсө эн висьтол?

— Эг лысьт. Эн кө вед сьөкты, сэк эськө-й ачыд нинөм эн төд. Öні висьтаси, кокньөді сьөлөмөс.

— Нинөм ог помнит, дзик нинөм,— ышловзис Оксинь.

— Тэ кө ме местан, мый эськө вөчин? Толькө веськыда шу.

— Надейнө, тэ моз жө. Вай нурьясям, тэсса шойччышта тэнад нар вылын. Мый лоны, ловөма нін, киссьөм ватө он курол.

Тайө кывъяссө ас ногыс гөгөрвоис Гриш Миш, гөгөр сылөн доналіс. «Вирыс, тыдалө, ворсөдчө,— ылькмуни юрас,— водыштлыны көсий. Дашкө, кутчысьлөм ради-й локтіс да?..»

Морт өти сьөлаөн вильөдісны, сэсса турун сора тшай юисны. Оксинь водіс нар вылө, көні коркө вальмасьліс на верөсыскөд. Лысөм воль шебрас улын чөскыда ойбыргіс. Гриш Миш весиг чигаркасө эз гартыштылы, нюжөдчис монь бокас: «Öні кө нинөм

оз путьмы, тэсса некор нін оз». Кинас пискөдчис пыр пидөджык, чунь помьясыс инмисны нывбабалон кынөмө.

— Айка, эн ышмы,— пыр и садьмис мөдыс.— Ме вед лолья морт, тэнлы серти на, дашкө, ёнджыка мен колө...

— Орчөн тай куйла, колө кө... Век жө, нылыддөн бать ме.

— Но тэ вед и верөслон бать, төдөмнад сетлөмысь грек мен ловө.

— Мед эз босьт Ивантө Енмыс дай.

— Сідз эськө да. Айка, вешты сэсь китө... Ой, айка, ме зэл гиялысь... Гортад лэччылан да Аннад бурмөдас сьолөмтө. Эн пондысь, а то чечча.

— Он?..

— Ог!..

— Узь нось.

— Узьышта.

Садьмис да: мыш саяс шкоргөмөн стынитіс Гриш Миш, торъя воль шебрасон нин тупкысьома. Нывбаба чеччис ньөжйөник, мед эз садьмы айкаыс, пасьтасис, воысаліс пищальсө, небыдика шылькнитіс айкаыслысь вывлань чурвидзысь паськыд тошсө и петіс керкаысь, веськөдчис аслас угоддьолань. Вель ылөдз кольөдіс сійөс Гриш Мишлөн пөт кынөма, раминик сьод понйыс. Посни вөра, понольось лайдаин вуджөм бөрын и воис аслас чөс туй вылө. И бара на дум вылас усис Вассакөд веждімса дөвеч йылысь сёрниыс...

Кильчө перилөас тотшкөдөмөн Павел весаліс калянсө, пырис керкаас. Мамыс рыныш пелькөдө идзас-ёгысь, гумла лэбувсө чышкалө, мед шыръяс этшаджык гуджөдчисны да поздысисны. Гашкө, мамсө тшөтш аски нуөдлас Веждімас, адзөдлас Манефа Павловнаыскөд. Зэв тай ёна тшөктіс пыравны-а, матысянджык пө көсья төдмасьны. Мыйла сыэтшсө телепитө — Павел эз гөгөрво. Вевъяласны на төдмасьнысө, сваттяснад кө лоасны, көть эськө и Лизаыс да Митрейыс өта-мөдыслы кыйтөм пөтка кодьось на да. Лун-мөд нин Оксинь да Митрей вөрынось, гашкө, локтасны рытгорувнас. Аски субөта, пывсян лун. Матыса вөр керкаөдзыс верст көкъямыс, мөдыс ёна ылынджык, сэні пывсян весиг эм. Төвнад шоча воывлөны гортас кыйсьысьясыд, ыліджык угоддьоясын вөралөны — дона куа зверьясысь өтдор ошкыд и йөраыд шедлө. Ладнө, рытнас сёрнитлас гортсаыскөд, кор ставон өтлаө чукөрмасны. Кыдзи кивывджык, сідзи и вөчасны.

* * *

Төдіс кө Павел Налимов, мый вөчсис тайө здукьясас Шорчомын, пыр жө эськө петіс туйө. Гичевөс виөм да Мандельбаум отрядлөн волөм бөрын сиктыс нөшта на шызис. Озырджыкьяс морөснас сувтісны паныд налы, кодьяс дасьось кык син костсьыд ныртө мырддыны. Лун шөрланьыс гөльяслөн комитетысь морт вит да пищала дружинник-коммунист Жикин пырисны земскөй управаса вөвлөм шлен Порфирий Самаринлөн йөрө. Буретш тайө Самариныс, кодөс быдөн ыдждөдіс Порпирей Порпирьевичөн, земство чөвтігөн чукөртіс ас гөгөрыс выль властылы паныд сулалысьясөс, буретш сэксянь и пансис вөлөстын классөвөй зыкшумыс. Топыда тувьялөм пөв өграда пытшкын зымвидзис ыджыд да мича коромина: вундалөмөн серлөдлөма өшинь наличникьяссө

да карнизъяссө, ылысянь синмад шыбитчө өклученьыс — вывлань чатөртөм вөв юр кодь, өклучинаясыс быттьөкө петук юрьяс. Видзөдөмпыргьяысь нин, короминаыс зумыд көзяинлөн. Стөчджыка кө, оліс тані куим семья: Порфирий Порфирьевич гозья ичөтджык ныв-пиыскөд, медыджыд пиыс том гөтырыскөд да медыджыд нылыс том верөсыскөд. Ыджыд семьядылөн паськыд му-видзьяс, квайт вөв, нель мөс да өш, кызы кымын ыж. Медалөм йөзтөг уджсө бергөдны эз вермывны. Комбед шуис мырддыны Самарингьяслысь кык вөв; кольны му-видзсө сы мында, мыйта вермасны вөдитны ас выннаныс.

— Порпирей Порпирьевич! Петол вай бур сьөлөмөн, сёрни эм!— пицаль ствол помнас котшкөдыштис өшинь тасө росмөм руд шынеля, дженьыдик ус-тошка дружинник. Чеп йылын бөжсө люньгөдөмөн лёкысь тьвгис кыр пон, водзирсө мыччөдөмөн уськөдчө пицалая морт вылө, но озджык судз курччынысө.

Колис здук-мөд и кильчө вылас мыччысис көзяин — ичөт тушаа, өтпөлөса, волыса гача, кокас ку тяпиа.

— Кутшөм нин сэтшөм сёрни?!— чирөм гөлөсөн шыөдчис Самарин, чырыштис понсө. Төдчис, вомас мыйкө някляліс и кывсө шуигөн чорыда тшөкмунис.

— Комбед аслас бөрья чукөртчылігөн примитис тыр-бура подулалөм решение,— кыліс яр гөлөс.— Кылзы, Порпирей Порпирьевич, ме лыддя, мый шувис комитет...

— Ме ог пыдди пукты тьянлысь власьт! Ме пыдди пукта сөмын земскөй управа и тьянлысь нинөм кылзыны ог кут!— збоя керыштис Самарин и тапсьөдіс посводзас, кыліс өдзөс каличлөн гольсмунөмыс.

Дружинник бара кутис зөркөдны ствол помнас өшинь тасө. Ёнджыка, тыдалө, лои зөркнитөмыс, зиль-зельмуни өкөнчыас. Тайө пөрийө кильчө вылас петис Самаринлөн гөтыртөм на пиыс, Евстафий, пөшти горөдіс:

— Тьпу! Синтөм гутгьяс кө ті-а!

— Эй! Эй! Ноко, восьт карта өдзөстө! Миянлы уна оз кол: кык вөл босьтам и шань ловө, да ещө жытник томантө восьт, со кусыньмунөма джоджыс, кокньөдыштны колө.

— А этія оз кол?!— пев помсө мыччыліс Евстафий — батыс кодь жө латшкөсіник, ар дас көкьямыса.

— Жикин!— командуйтис яр гөлөсаыд, ыджыд пыддиыс, тыдалө, тайө комбед чукөрас.— Жикин, живо жугөд карта өдзөссө!

— Онө кө весасьөй йөрысь, өні жө лэдза картагысь өшнымөс,— өлөдіс Евстафий,— ставнытө сюрйив лэптас.

— Видды лэдзны! Лэдзан кө, плешкас и дзенөбта пицальысь,— воча тшетшйысьө Жикин. Збоялө мортыд, дарөвөйтө мырддыны локтөма да. Дружинник ноксьыштис карта өдзөс дорас, но топыда тасалөма пытшкөссянныс, оз вөрззы весиг.

— Öлөда Совет власть нимсянь и комбед нимсянь: онө кө восьтөй карта өдзөстө, чукөстам гөрд армеечьяслысь дружина и кутам реквизируютны вынөн!— шуис яр гөлөса мужичөй.

Евстафий эз кут дыр вутравны: лэччис картаас, разис өшлөн кыз голиысь чепсө, матыстис өдзөслань. Нөшта өтчыд ныр пырыс моз назөдіс:

— Либө ушымкайтчөй йөрысь, либө Буянлы вөлясө сета!

— Важөн нин тадз коліс,— раммөм гөлөсөн рукөстис Жикин, кор кыліс карта өдзөс сайысь морт гөлөстө. И, тыдалө, эз во юр вемөдзыс, мый Буяныс нырас ыджыд кольчаа, дженьыд, но сю

кольга кодь кыз сюра, люкасысь օш. Том на и зэв яр. Озырджыка олысьяс ассыныс мօсьяссօ Буянкօд и нօйтчօдօны. Быд чеччыштлօмысь Порфирий Порфирьевич вель ыджыд сьօм босьтօ. Буянлօн тырсьօдчан уджыс век юр выв тырыс. И со, кօзьяиныслօн пиыс кօсйօ усьօдны сйօс этйօ мустօм йօз вылас.

Евстафий вештис кылօ օдзօс тасьяссօ. Здук-мօд, и пемыд картаысь ывлаօ буалігтыр зырօдіс паськыд плешкас читкыля гօна Буян. Дзирья дорын сулалысьяс ыжъяс моз уськօдчисны забор сайօ. օшкօд водзасьны колис օтнас Жикин. Весьօпօрмօныс повзьօм морт эз удит некытчօ саймовтчыны, вевьяліс чургօдны пищальсօ пемօслань: лоас кօ осечка — Жикинылы пом, качас օш сюр йылօ. И сы здукօ керкасянь шковмуні лыйօм, Жикин ньօжйօник нօрис օш кок улօ. օшинь ув йօрын кօзьяйничайтис օтнас Буян.

— Сё мать!— ёрччыштис Порфирий Порфирьевич, порокօн дуксьօм пищальсօ чօвтис джоджас.

— Мый нօ, пап, матькан? Кодօс лыйин?— юаліс повзьօм чужօма пиыс.

— Метитчи Буянылы, а инми эсія полокалօыслы.

— Кулмօныс али мый?

— Картеча вօлі патроныс. Сё мать! Кыдзи вермисны восьтны карта օдзօссօ, օд пытшкօссяныс кык таса?— гօса чужօмыс быгаліс Самаринлօн. Сйօ, тыдалօ, абу кывлօма пиыслысь Жикинылы шуалօм кывьяссօ, օшнас повзьօдчօмсօ. Евстафий кынмис места вылас, быттօ кокьяссօ джодж бердас тувьялісны. Висьталас кօ ассыс мыжсօ, батыс скօрвывсьыс и сылысь тшօтш ловсօ перьяс.

— Пап, мый кутам вօчны?— гօгрօсмисны синьясыс том Самаринлօн, кыз льօбьясыс тирзисны.

— Колօ пышйыны! օні жօ! Ог кօсйы, мед менօ лыйлісны горт օшинь улын.

— Пап, ме тэкօд.

— Ланьт! Мен вօл колмас, мун, петкօд. Седлօтօг!

Ыджыд короминаын ставօн шызисны. Жырысь жырьօ тюрьяліс верօсылօн кодь дженьыдик кокъяса, шйօйօвошօм гօтырыс — корсис мужикыслы шоныд кօм-паськօм, нывьясыс нойօ сօвтисны сёян-юан. Ачыс кօзьяиныс кос гօгօрыс тасмааліс уна патрона патронташсօ, босьтис медбур пищальсօ. Батыс видас кօть оз, лօсьօдчис пышйыны и Евстафий.

— Бергօдча сэк, кор сиктаным ловасны важ пօрадокъяс,— лօньօдіс гօтырсօ Порфирий Порфирьевич.— Россия пасьяын мунօ война, путкыльтасны Сօветьяслысь власьтсօ и мынтам на большевикьяслы водзօссօ.— Самарин тэрмасис, и прօщайтчис сօмын гօтырыскօд.

Стынбօжас сулаліс кык вօв, օтиыс гын пуклօса. Сօмын на Самарин пуксис вօв вылас и сарайысь мыччысис нопья да пищалья Евстафий:

— Ме тэкօд!

— Пасибօ, дона пи. А օні кыккокойыв Эжва берегօ.

Скачитисны верст куим. Ю берегас сулаліс ичօтик важ керка. Шорчомса чери кыйысьяс, катыдсаяс, тайօ керка дорас тօв кежлас лэптавлісны пыжьяссօ. Ю кузя кывтис пемыдруд рօшкыд йи, но эз на топыда, позьօ на вуджны мօдар берегас и сэсянь сетчыны асыв-войвывлань, кօні матіас абу ни сикт, ни грезд. Порфирий Порфирьевич век жօ шуис писькօдчыны лунвывлань и воօдчыны

роч муо, кысь ая-пиаос некор и некод корсьны оз кут. Сэни отувтчасны еджыдьяскод и кутасны изны гөрд армеечьясөс. Татшом думьясон они пышйисны Самариньяс. Сомын коло одйоджык былыстчыны сиктысь и саймовтчыны тшем пармаас. Берега ичотик керка весьтын везьясис съод тшын — ломтысис пачыс. Сидзко, кодко сэн шонтысьо. Верзьомаяс эз удитны чеччыштны вов вылысь, налы воча петис лэдзөм пеля шапкаа, дөмас выло дөмаса паяс мужик, водзджык и шыодчис:

— Но, Порпирей ая-пияс нө кытчө нин модөмась татшом поводьянас? Ме тай пыж лэптыны волі, да киясөй гегдісны-а.

Тайо вөлі ас морт, ыліса рөдня весиг — Порфирий Порфирьевич гөтырлөн воча вокыс, Дорофей, коді медасьомөн уджавліс Самаринлөн му-видзьяс вылын. Пышйысьясөс век на некод эз вөтөд, бөрвыланис эз тыдавны суодысьяс и эз кывны гөлөсьяс. Вөлөстьса веськөдлысьяс эз кужны виччысьны, мый мыжмөм Самарин та одйө дзедьяс налөн син улысь. Комбедса шленьяс корсисны, но дыр эз аддзыны ни Ваддоровөс, ни Тимушевөс. Вөлөмкө, дружинаөн веськөдлысь Доментий Максимович Ваддоровлы тырөма комын вит арөс, и волостной Советса чинаджык войтыр пасйөны нимлунсө. Гортас, Ваддоров ордын. Абу мунөма сомын ревтрибуналөн юнүодысь Тарабукин, коді пытшкөс висьом вөсна эз вермы юны ни аскур, ни роч вина. Гашкө, та вөсна и вөлі пырджык зумыш, этша сёрниа. Сійө и модөдіс эмбур мырдьялысьясөс Ваддоров ордө гортас. Талунья лоөмтор йывсьыс висьтавны пырис эсийө медся яр гөлөсаыс. Воча петис пель йылөдзыс вирсялөм нывбаба: кутшөм мог пө суис? И чукөстіс Ваддоровөс:

— Доментий! Доментий, тэнө корөны!

Векныдик уссө нюлігтыр мыччысис көзяин — топыд көласа гимнастөркаа, съод ной гача, югыд кучик сапөга. И, мыйлакө, юр вылас быгалөм картуза.

— Доментий Мак...— эз вевъяв помөдзыс вичавны воөм морт, орөдіс Ваддоров:

— Шывөдчы сидз, кыдзи примитөма миян дружинаын. Гөгөрвоин?

— Гөгөрвои. Гөрд армеечьяслөн дружинаса командир! Служба нуөдігөн кулаклөн пуля помысь кулсис дружинник-коммунист Жикин. Сарство небесной поконикулы,— и пернапасасис.

— Көні?— воддза збойлуныс воши Ваддоровлөн гөлөсысь.

— Порпирей Самаринлөн йөрын, реквизиция нувөдігөн.

— Коді лыйысьыс?

— Эг аддзылөй. Керкасянныс кыліс лыйөм шы, и Жикин пөрис өш кок улас.

— Кутшөм сэтшөм өш? Абу-ө код тэ?

— Абу, Доментий Максимович. Карта өдзөссө жутөдігөн ортсө лэдзисны люкасысь өшсө. Миянлы тэсянь коло морт дас, мед арестуйтны Самаринөс.

Тайо лёк юөрыс торкис Ваддоровлысь нимлун пасйөмсө. Скөрвывсьыс сійө модөдіс Самариньяс ордө дас вит мортөс, тшөктіс арестуйтны став мужикуловсө. Ныриса поньяс моз дружинникьяс исалисны керка-картасыс, лөссьыс, гөббөчсьыс, пывсянысь, картупель гуысь быд пельөс, но ни көзяинсө, ни писө эз аддзыны. Арестантскөй керкаө шошаөдыс нуисны сомын Порфирий Порфирьевичлысь мытшьялысь зятьсө. А сы кості Самарин ая-пиа вөрөд кытшовтісны сиктлысь катыдпомсө и сетчисны Войвыв Кельтмалань. Ю пөлөд мунігөн он вош помтөм-дортөм пемыд

вӱрас. Мунисны подӱн. Вӱвъяссӱ колисны дом йылӱ юберегса керка дорӱ: мед реквизируйтӱны эсийӱ ад рушкау большевикъясыс. Порфирий Порфирьевич зарни чунькытша кисӱ суйлис питшӱгас, мыччис Дорофейлы сӱм, шуис:

— Висъалан: вуджӱдӱ пӱ Самарин ая-пияӱс мӱдар берегас. Висъалан?

— Кыдзи тшӱктан, сӱдзи и висъала.

— А ӱни пыжтӱ бӱр лӱдзам ваас, мед ставыс эскана ловис.

Пипу пыж исковтӱдӱсны ва вылӱ, паськыдджыка жутлисны берег пӱлӱнсыс сӱниксӱ.

— Порпирей, дашкӱ, висъалан, кутшӱм ускӱттӱ нӱ сувис?— кӱсийс тӱдны Дорофей, ыджыд дӱмасӱн водзалӱм кепыся кинас пыркнитыштӱс ус-тошсӱ.

— Вузалан кӱ мянӱс, Доропей, дыр олысь он ло!— вочавидзӱм пыдди чырыштӱс Самарин.

Дорофей сулалӱс кыр йылын, синбӱжнас видзӱдӱс ая-пиалань сӱтчӱдз, кытчӱдз эз саявны вӱрас.

— Тыпу! Страмина пызь, ещӱ вед и ползьӱдчӱ,— вомгорулас ропкыштӱс Дорофей, ӱтвевдайтыштӱс: оз-ӱ локны кодъяскӱ сикт-ладорсянь.

Вӱлӱстьса Сӱвет исполкомын буретш мунис чрезвычайной комиссиялӱн заседание, кор вӱзйысис сӱтчӱ ӱти олӱма мужичӱй да юӱртӱс: ме пӱ ӱнтай аддзылӱ Самарин ая-пиатӱ, верзьӱмӱн пӱ скачитӱсны Эжвалань, пищалаӱс пӱ. Ваддоров пыр жӱ мӱдӱдӱс кызь дружинникӱс — ӱтилӱн сӱӱрас винтовка, мукӱдлӱн пищальяс. Мӱд кызь мортлы ЧК сетӱс индӱд: арестуйтны Самаринлысь став рӱднясӱ.

Доментий Максимович ачыс сӱлис вӱв вылӱ и тӱвзис береглань жӱ, сӱӱрас эз вӱв некутшӱм оружие. Ылӱсянь казялӱс кырийвса керка дорын сулалысь вӱвъясӱс. Веськыда сылань и сетчис. Керка дорӱдзыс эз матыстчы, вом дорас кисӱ пуктылӱмӱн горӱдӱс:

— Порпирей Порпирьевич! Кора сетчыны, петны керкаыс кинытӱ лӱптӱмӱн! Самарин! Ме локтӱ оружиетӱг, кора сетчыны!

И збылысь, керкаыс петӱс кодкӱ кисӱ лӱптӱмӱн, воча сетӱс гӱлӱссӱ:

— Тайӱ ме — Доропей! Кодӱ сӱн, матыстчы! Керкаын некод абу!

— Кыдз абу? Вӱлясыс со, сулалӱны.

— Ная вуджисны мӱдлапӱлӱ.

— Пернапасась!

— Со, крест!— дзугсӱм тошсӱ вӱрӱдӱс Дорофей. Сӱсся шӱпкӱдӱс: «Прӱстит, Енмӱй. Пӱръялӱ вед, мутиыд».

Ваддоров чеччис вӱв вылысь, сы сайӱ сайласыштӱмӱн и матыстчис керкалань, эз тырвийӱ эскы Дорофейлы да. Керкаыс уна ног рулӱм кык ӱшина, некодысь вуджрасыӱм сӱс эз казав. Збылысь, пытшкӱсыс вӱлӱ пуста, ломтысис ичӱтик кирпич пач.

— Он-ӱ пӱръясь, Доропей?— мӱдлапӱвсӱ синнас нуӱдӱс Ваддоров.— Мӱдар берегсыс ог аддзы некутшӱм пыж.

— Ме вуджӱдӱ, пыжӱй на лӱптытӱм,— веглясис Дорофей, кодлы вӱлӱ ар нелямын вит, но кажитчис ӱна нин пӱрысьӱн.— Доментий Максимович, кутшӱмкӱ мыж али мый вӱчис Порпирейыс?

— Вӱчис, Доропей, вӱчис: дружинник Жикинӱс вийис.

— Мы-ы-й? Менсым шуринӱс али мый?— эз эскы аслас пельяслы Дорофей.

— Пӱдлиннӱ, Жикиныс вед тӱнад шурин и вӱлӱ.

— Страмина пызь, вир ювысь лёльö...— быд ногыс нимтіс Самаринöс Дорофей.— Мый, меся, ювалі да лючки нинöм эз вочавидз. Мöдарö на, вузалан кө пö мянöс, дыр олысь он ло.

— Вузалан кө пö? Сідзнад, тэ менö ылöдлін?— ёсь синъяссö Ваддоров сатшкис Дорофейлань.— Он кө висьтол став збыльсö, вовасны татчö дружинникъяс и пыр жö арестуйтасны. Отсалан кө, некод тэнö оз вөрзöд.

— Прöстит, Доментий Максимович. Мöдлапöлад ная эз вуджны...— и висьталіс Дорофей ставсö спуги-спуги.— Дыр эн во, пемдö нін со, талунтö найöс он вöтöдöй. Тöді кө шуринос ви-йöм йылысь, мыш саялөм бöраныс эськө-й явиті тиянлы, дыр-ö нö таті верзёмнад. Дашкö, босьтан тшöтш менö аслад гөрä дружинаö?

— Пищальыд эм?

— Коркö вöлли да нянь вылö вежлі.

— Пищальтöгыд он кол.

Аски асывнас сикткатыдса вөръясö вöлөстьөн веськөддысьяс мөдöдісны морт квайтымынöс — куим нырөн меся дошлöй дружинникъяссö, кодъяс бура тöдісны татчöс вөр-васö. Войнас чорыда кынмыліс, и пу чальяс вылын öшаліс чунь кыза еджыд гыөр. ЧК-лөн тшöктөм серти, Дорофейöс, век жö, йөршитісны чижовкаö. Кутöма да пуксьöдöма нин вöлі Самаринлөн рöдысь морт кызы-öс — мужичöйясöс и нывбабаясöс. Ревтрибуналөн веськөддысь, этша сёрниа Тарабукин öлөдіс Дорофейöс: оз кө пö сюрны татчöс вөръясысь Самарин ая-пиаыс лун кык-куимөн, лыйласны асьтö — Сöвет властьöс ылöдлөмысь. Сюрасны кө пö, пыр жö лэдзасны. Мöдыс лажмунліс пидзöс вылөдзыс: кланитча пö аслам тошкөн — висьталі пö сöмын збыльтор. Öтчыд пөръявліс нин Ваддоровöс и Ен нимсянь клятвасö сетны эз лысьт.

И сідз, куим нырвизьөн дружинникъяс мунісны Войвыв Кельтмалань. Лун шөрланьыс, вöлөстьсянь верст дас сайын, шөр котырлы син улö тшукис вөр керка. Корсысыяс саймовтчисны пуяс сайö, кугісны кыйöдчыны, оз-ö кодкö вөрöшитчы керка дорас. Гөгөр шыч ни рач, но тайö лөнлуныс вермас лоны ылөдчанаөн. Öтувья отрядөн юрнуöдысь Лютоев винтовкасö улö лэдзöмөн да гөрбыльтчыштöмөн, пуысь пуö матыстчис банькалань, кывзысь-ыштіс: морт гөлөсыс эз кывны. Лэптыштіс шапкасö, ёртгысыслы сетіс пас: локтöй пö! Из горйыс пöсь на, сідзкö, кодкö узöма. Вот сöмын коді? Вöралысь али пышйысь Самаринъяс? Татчöс юяс, тыяс, нюръяс да ягыс пöлөн шорчомсалөн гөгөр чөс туйяс. Тöвнад вöравны мунöны сиктсаянь нелямын-ветымын верст сайö. Вой-колаліс кө кыйсысь, коліс эськө ас бөрсаяс öдзöс порог дорас пес, но эз вöv ни öти чурка пом. Самаринъяс эскисны Дорофейлы, чайтісны, мый найöс кутасны корсьны мөдлапöлысь, и сетчисны лунвывлань тэрмасьтөг. Дружинникъяс мунісны сідз, быттьö кыскисны вөрöдыс тыдавтөм паськыд тыв. Квайтымын морглөн син улысь позис дзесбыны, гашкö, сöмын ош гүö. Вöрыс куш на, войся пужйысь чорзыштöма кок ув нитш.

Керкасянь матын вежа-веж кылісны пищальысь гыпнитөм шыяс. Вөр пасьтанас нерсыштіс йөлөгаыс. Сайласигтыр Лютоев матыстчис лыйөм шыланьыс. Вөлөмкö, Самаринъяслы пышгьян туйсö тупкөма дружинникъяслөн веськыдыв группаяс. Ая-пиа веськалісны «мешöкö».

— Самарин, кора сетчыны!— Лютоевлөн вöсни гөлөсыс писькөдчис ройсялөм козьяс да паськыд вожъяса пожөмъяс

костод.— Тиянös кытшалöма, сетчöй ас вöлянад! Жалит ассьыд питö, Порпирей Порпирьевич!

— Т... т...— ыджыда вöзйис, кылö, Самарин, и бара гыпнитис лыйöм. Лютоев вöлисти казялис Самарин-батьлысь ляпкыдик мыгöрсö — сажень дас сайын. Сылань и веськöдис штыктöм винтовкасö, кутис метитчыны, но некыдз эз кыпты сьölöмыс личкыштны курöксö. Сэки кылисны пищальысь лыйöмъяс öтарсянь и мöдарсянь. Надейнö, кытшысь кöсйис писькöдчыны Евстафий. Батыс кыз пожом сайысь уськöдчис бөрвыв и воши Лютоевлөн син улысь. Шөр котырыс зырöдис водзлань. Лютоев ясыда аддзис: воськов-мöд и уськöдчас пидзöсчаньясьöм Самарин вылö, но шковмуні лыйöм. Картеч сотыштис дружинниклысь шуйга кисö, тайкö эз инмы сьölöмас. Гөгөрбоксянь лэбысь дрöб тусьяс розьöддисны ая-пиалысь вир-йянысьö. Кöдзалысь пиыс вылö вомөнног нёрис Порфирий Порфирьевич, медбөрья вынсыс чужöмнас судзöдчис муöдзыс, чужан мусö окалігтыр и петис лолыс.

Квайтымын морт кытшалісны ая-пиалысь шойяссö, босьтисны пищальнысьö да патроньяссö.

— Дружина водзö сувтöдöм мог пöртöма олöмö — контр-революционерьясöс бырöдöма!— дөвöля сёрнитис кокниа ранитчöм Лютоев.— Тадзи ловас быдөнкöд, коді султас революциялы паныд.— Öнi таdzi, веськыда, кутам писькöдчыны Шорчомлань.

— А кызди кутам эскöдны начальствоöс, мый ми найös бырöдiм?— шыасис кодкö.— Ме думысь, колö керыштны ки лапанысьö и нуны следственной комиссиялы.

— Öттшöттш и добранысьö керышт!— вöзйис кутшöмкö балагур.

— Ладнö, тырмас кеслыны пиньнытö,— öлöдис Лютоев.— Петигөн öта-мöдысь энö торйöдчöй. А тэ... да тэ... кольчыланныд, тупкаланныд поконикиясöс пу лапьясөн катша-ракалөн кокалöмысь. Ставыс гөгөрвоана? Вот и бур, мöдöдчим.— Ачыс отрядөн журнöдысь кольччис медбөрö бöжалысь пыдди.

— Дашкö, збыльысь керыштны öти лапа?— юалис шойяс дорын на сулалысь Лютоевлысь кольöдöм кык морт пиысь олöмаджыкыс.

— Кыдз гажыд,— кинас öвтыштис мöдыс и босьтчис вöтöдны ылысмысь ёртьяссö.

Поконикьяс дiнö колисны кыкөн: арлыдаджыкыс руд тошка, томджыкыс сьöд уска. Кыкнанныс пищалайöсь, олöмаджыкыс коскас чера.

— Мун, чегъёл пу уляяссö,— корис тошкаыс.

— Дашкö, гуалам?

— Кыдз нö зыртöгыс. Саймолтлам лыс лапьяснас, тэсса тон, коды колö дзебасны.

— Пасьныс вот зэл бур, сапöгьясныс и.

— Шыть, эн вежол. Пöрччöдам кö, асьнымös лыйласны.

— Некод оз тöдлы. Ог вед пасьталöй, катыдпомса кладбище дорад дзеблам дай. Вöралысьяс быттьökö-й пöрччöдисны...

— Шыть, ог лысьтöй,— тошкаыс водтöдис Порфирий Самаринös пиыскöд орччөн. Кöсйис керыштны шуйга ки лапасö, но веськыд нимтöм чуньсыс казялис паськыд зарни чунькытш. Ёртыслөн лыс лапьяс чегьялігкості тошкаыс öтчыд керыштöмөн орöдис коркöя земскöй управаса шлен, öнi поконик Порфирий Порфирьевич Самаринлысь кусынбөн кыммöм чуньяса веськыд лапасö. Эштыліс перйыны чунькытшсö, да сэтшöма туктöма, оз весиг вөрззы. Чер йывнас и чуньсö на ковмис чöлыштны. Чунькытшсö пöльыштис, быттьö вöтліс сэсь кöзяиныслысь лов коляссö, дзебис питшöг

зептас.— Көн тэ, мый та дыра? Бадь майөг моз вужъясин али мый сэтчө?

Ускаыд сук поноль пиысь казяліс Самаринъяслысь нопъяссө, пуксис вужлянас бертовтчөм пожом бокө, кыскаліс сёян-юан. Сюрис тшөтш и кык парта аскур. Сулея помсыс и бутькыны мөдіс, эзөя чукөст тошкасө. Воддза сулеясө өтчыд шойччылөмөн пыдөсөдзыс чурскис. Синъясыс лазгөдчисны, пуясыс сы водзын копрасыны мөдісны, сэсса и унмовсис. Казяліс да, арлыдаджык ёртыс пальөдны босьтчыліс, но мөдыс эз весиг ымөст. Тайө зэв на и кивыв лои тошкаыслы: ая-пиалысь пөрччөдіс пасьяссө, пин-жакъяссө, нетшкис морөс вывсыныс пернаяссө, вермис весиг кыскыны Евстафий кокысь сапөгъяссө. Ставсө топыда тэчис и гартовтіс тасманас. Чегъяліс вель уна пожом да коз лапъяс, тупкис покони́къясөс, копыртчылөмөн некымынысь пернапасасис. Бара вөрөдыштис уска ёртсө, но моргыд шкоргөмөн узис. Кык но́пйысь эмторсө отувтіс өтиө и босьтіс сьорсыс жө. Исыштис дөра пробкаа сулеяысь аскурсө, нылыштис кыкысь-куимысь и бөр тупкис, суйис узысь мортлөн лысөм воротника пальто пөла улө: палялас да мед веськөдө юрсө. «Оз вед горшасьлыны, а тэ горшасин, менө пайкөдны көсйин»— ропкөдчис томджык ёрт вылас тошкаыд.

Покони́къяслысь грабитөм көлуйсө шыбитис мыш вылас и мөдөдчис петны ёртъясылөн кок туйөд. Сиктө вотөдз кежис веськыдывыв, Эжва пөлөнса паськыд видзьяслань, көні сулалісны турун зорөдъяс. Ылөдз эз и кут мунны, став көлуйсө дзебис медводдза зорөдас, а войнас, волас да, нуас гортас.

Эз весиг кежав ас керкаланьыс, тошка морт зептас нель чуня ки лапаөн шалсйис веськыда волисполкомө. Лыддысьны эз куж и пырис сэтчө, кытчө видзөдісны синъясыс. Веськаліс жырйө, көні пызан сайын воча ныр пукалісны Ваддоров да Тарабукин, мый йылысь кө гораа варовитісны, гашкө и, вензисны.

— Ті и коланныд мен,— пырөмөн тшөтш шыөдчис тошка дружинник.

— Төдам нін, төдам... Лютое миянлы ставсө нін висьталіс,— тыдалө, мед эз мешайтчы, өлөдана шуис Тарабукин.

— Эз на ставсө,— асланьыс синыштис дружинник,— то, тайөс ті эн на аддзылөй.— Зепсыс кыскис дөраө тубыртөм ёкмыль.— Вайи отрядса командир Лютоевлөн тшөктөм серти.

Ваддоров разис төбөдсө и виччысьтөмторсыс чашкалісны синъясыс:

— Мый тая, дружинаса боеч?

— Тая, гөрд армеечьяслөн дружинаса командир, революциялы паныд сулалысь Порпирей Самаринлөн веськыд ки лапаыс.

Тарабукин кыкнан кинас тупкис ныр-вомсө, петіс кабинетысь, тыдалө, аддзөмторсыс морттө вукөдіс.

— Аддза, мый абу кок лапа! Ме ювала: мыйла ки лапаыс нель чуня? Ме бура төдлі Самаринөс, сія вөлі вит чуня, нимтөм чуняс новліс зарни чунькытш... Көні нимтөм чуньыс, дружинаса боеч? Он кө вай чунькытша витөд чуньсө, кутан кывкутны ревтрибунал водзын! Лиbö кирита аслам дружинаысь! Гөгөрвоин?

Мөдыс нинөм эз вочавидз, сьорас пищала да чера, руныгис гортланьыс. Паныдасьлісны вөлөн турун кыскалысьяс, но эз сет талы некутшөм төдчанлун. Кутіс виччысьны вой пуксьөмсө. А воас кө делөыс ревтрибуналөдз, став мыжсө өшөдас эсіё уска дружинник вылас: быттьөкө код юрнас керыштис и кытчөкө воштис чунькытша чуньсө. Татшөм думъясыс личөдыштисны сьөлөмсө. Кор

рытыс лоис пуртөн шөрвмөн пемыд, веськөдчис катыдпомса турун зорөдьяслань. Сэтшөм нимкодь мортыды, вөліны кө бордьяс, лэбальштис эськө пемыдас. Кыкнан пасьсө резьөдлас, ачыс и вурас виль ног: өтисө гөтырыслы. А зарни чунькытшсө сундук пыдөсас дзебас, оз весиг гөтырыслы петкөдлы. Часлы, кыскылас чунькытшсө, окыштас донаторсө. Пөдлиннө, кутшөм зептө нө суйліс? Став зепсө лукйис, табак көшельысь өприч нинөм эз сюр. Этатчө, этатчө, питшөг зептас пуктыліс. Суйис кисө пыдөджык, а зептыс пыдөстөм — сы ыжда розь сәні. Кокъясыс лыжалісны дружинниклөн, көдзыда кезнитөдіс.

Төлысь ни кодзув абу енэжас, но синмыс велаліс пемыдас, муніс водзө, веськыдаліс зорөдьяслань. И тайкө эз сувт сьөлөмыс: зорөдлөн, кытчө дзебліс покониқьяслысь пөрччөдөм көлуйсө, кольөма куш местаыс. Лэдзис вомсьыс лыдтөм мать. Мортыдлөн кизьөрмис гырк пытшкөсыс, лажынтьчис орчча зорөд бокө. Абу весь шулөмаөсь важ коми йөзыд; сизимысь пө кор, но эн гу!

Аскинас чукөртчыліс комбед, көні видлалісны гөль крестьянин Дорофейлысь шыөдчөмсө. А шыөдчөмсө гижны отсаліс Доментий Максимович Ваддоров. Комитетса шленьяс өтсөгласөн шуисны сетны сылы гортса овмөсас уджөдөм вылө кулак Самаринлысь реквизируйтөм көбыла да зэв шоныд ыж ку пась. Асьнысө лёка кутөмысь — шойясөс пөрччөдөмысь — Ваддоров вөтліс гөрд армеечыслөн дружинаысь кыкнан крестьянинсө. Турун зорөдсө, кытчө вөлі дзебөма гусялөмторьяссө, чөвтлөма ячейкаса секретарь Тимушевлөн семьяыс. Ачыс секретарь и вайис став сюрөм көлуйсө исполкомө. Мөд пасьсө сетісны магазезя кумса войся стөрөжлы.

Доментий Максимовичлөн жө тшөктөм серти вичкоын сьылөдіс виөм дружинник-коммунист Жиқкинөс Родион поп.

* * *

Лөнь, вабергачьястөм ю вывті пыж моз кывтіс олөмыс Пармачуркйын. Павел Налимовлы чужан грездыс кажитчис джуджыд пу йылө дзебсьөм лэбач поз кодь. Некод оз судзөдчы пузувтны сэсь кытырья йөзыслысь олөм-вылөмсө. Чоя-вока, Өксинь да Митрей, воисны вөрысь сәки мөд лунас, субөтанас, кык ноп тыр сьөла-тарөн. Лун югыднас на ставөн пывсисны, сэсся кык вок босьтчисны куштысьны. Өксинь мөздорас новлөдлыштис Машуксө, водтөдіс потанө и өввөкайтіг качайтыштис. Вомас сюр нөньөн и ланьтис кагукыс.

Быттьөкө небыдик лун төв йөршитчис Ульяналөн морөсө, сэтшөм лөсьыд да кокни талун сьөлөм вылас. Ставөн гортынөсь, ставөн дзоньвидзаөсь. Со тай, сөкөл кодь пияныс воча ныр пукалөны бок вылас пөрөдөм улөсьяс вылын, джодж шөрын куштөны сьөла-тар. Өти мамлөн кык вир тусь, а торьялөны чужөм-өбликнаныс кыдзи лун да вой — өти позтырийысь да абу өткодьөсь. Сэк жө, обичааныс уна эм өткодьлуныс, мамсяныс уна буртор вуджөма кыкнанныслы: лөньөсь, абу пинькырөсаөсь.

Өтитор майшөддіс Ульянаөс: куим верстьө челядь, а өнөдз зять ни монь абу. Ассьыс майшасьөмсө явөсө оз петкөдлы, ас пытшкас видзө. Пож Таттянкөд, вок гөтырыскөд и сёрнитлөны та йылысь, Тимөмысь гусьөн. Виктор пиныс вөралө жө, торья чөс туйсө сылы эз на писькөдны, батыскөд на ветлө, дас сизим арөса нин эськө да. Куим нывка нөшта быдмөны, Викторлөн ичөтджык чойясыс. Ая-пиа каясны ылөтө вөравны да Пож Таттян нывьясыскөд и

бергөдчө горт гөгөрыс, Өксиньлысь на Машуксө гортаныс босытывлөны и, пөчсө, Мөдей Пеклаөс жалитасны да. Корсюрө Веждимсяныд Васса нылыс воливлө.

Төвнас кушмылө Пармачурк, мужиктөммылө, нывбабаяс псиджык ныв-пиыскөд и кольөны. Но ва вайысьыд да пес пыртысьыд, гымгатө чөвтись-лэптысьыд быд семьяын эм. Бытбө төрыт на и вөлі сэтшөмнас Митрей Налимов, а то мыйөдъя быдмис. Квайт во сайын кувсис батыс, а батытөм пияныд нөшта на өдйөджык сувтөны кок йылас, став мужик уджтө ичөтсянь вөчигад.

Көть мый эз вөч, Митрейлөн дум вылө пыр частөджык усьлө Лиза. Вель дыр нин эз аддысьыны, и бырөма гажыс. Өтарө көйисьө, а гортас гөститны век на эз нуөдлы. Буретш кад вайөдлыны, көть и Пармачурк гөгөрыс абу гожа кодь мича — пасьтөммис коръя вөр, жугыльмисны лыска пуяс, оз пөртмасьны шепгясөн да син ёрана дзоридзьясөн муяс да видзьяс, Изъяю вылысь бырисны сәтi кывтысь кымөръяслөн вуджөръяс, сөнi-касисны берег доръясыс, чурк йывсө кодзыда окавлө вой төв. Вескыда син водзад дженьдаммөны лунъяс, чиган юрсийсы на сьөдджыкөсь лөоны войяс.

— Вөр керкасьыд эз быр гажыд?— юалө Митрей, кодi кыз чунь помъяснас өдйө кокийө пөтка гөнсө. Павелөн өти сьөла куштiгкостi сийө вевъялө кыкөс. Окота нуөдлыны ыджыдджык воксө вөрас, а сы костi Өксинь мед мамыскөд горт олөны.

— Бырис.

— Кайлам мекөд, көть нин вежон кык кежлө.

— Кайла, оз кө ло виччысьтөмтор.

— Жаль меным Өксиньыд. Вөралөмыд абу баба удж. Шули нин сылы, эн, мися, кай, но зэл аслысныра, оз кызысь менө.

— Дашкө, танi серти, вөр-ваас сылы лөсьыдджык?

— Ладнө, кыз сылы лөсьыдджык, мед сiдзи и вөчө.— Митрей оз сувт ыджыдджык вокыслы паныд, пырджык өти кывйө воөдчө. Сьөлалөн посни пук-гөныс, тыдалө, веськалiс нырас, моргыд куимысь дорвыв чорыда несийс.

— Лизаыд казгытлө...— Павел синъяссө чөвтлiс вокыслань.

— Казгытлө кө, надейнө, оз бурөн.

— Мый сiдз?

— Пөръяси... Пөръяли ме Лизаөс: көсийи вайлыны гөститны, сьөла яйөн вердны, а нинөм эз артмы. Яндзим мен. Өни велөдө, некор волынысө.

— Шань ныл Лизаыд, бурөн тэнө казгытлө,— лөньөдiс воксө Павел.

— Кысь төдан?— шензьяштiс Митрей.

— Тэнад вокыд, Митьө, чекист, и сылы быть колө төдны дзик быдтор, весиг и сийөс, мый йылысь думайтө дзояджык вокыслөн гөтырпуыс.— И Павел бара на шоныда казгытлiс Манефа Павловна ордө төндзия волөмсө.

— Менө Лиза век жө корө пыролны гортас, да ог лысьт. Пола, мыйлакө...

— Но вот: тэ, мужик морт, он лысьт, а Лизаыд, думайтан, лысьтас локнысө? Дашкө, асьным ветлам Веждимас, а? Аски жө. Менам мог эм лэччылнысө, карө письмө мөдөдны, рөспутаөдз удитны колө.

— А ме өтнам вөли көсья, верзьөмөн лэччылны.

— Мыйла өтнад? Мамтө босьтам, Өксиньтө и. Аски вежалун, позьө и шойччыштны.

— Корасьны али мый та мынданас?— артмис Митрейлөн.

— Матыса рөдняядлөн кулан воё оз корасьлыны. Колмас виччысьлыны. Томиник на Лизаыд, терпитлас. И тэ, думайта да, нөрөвитлан.

— Мыйта колмас, сы дыра и кута виччысьны. Шань нылка, ог көйы воштыны.

— Лосьыд думьясөн олан, вокө. Ме рад тэ вөсна. Куштөмөн али куштытөг гөстинечтө босьтам?

— А код налы куштас? Куштөмөн. Ная өні витөнөсь. Быд мортлы кө кык сьөлаөн, то колмас дас. Этша, наверно, дасыд ловө.

— Босьтам унджык: шувам, дас вит сьөла да кык тар.

— Кымын унджык пө сетан йөзлы, сымын унджык и сетө Енмыс аслыд. Ыдждыд мамө тадз шулылө.

Өдйө поздысьө керкаад арся рөмыдыс. Куштысьөм бөрын стеклөа карасин лампа өзтисны. Митрей тырөма нин юрсинас, Павелөс тшөктис тшөтшөдыштавны баялбөжсьыс да пель бокъ-ясьыс. Рытъя идрасьөм бөрын и панисны Веждимө лэччылөм йылысь сёрнисө. Пöжалуй, медьёна нимкодясис Оксинь. Медмича көм-паськөмсө кыскалис сундукуысь, рыгсянныс лосьөдчис. Мамысы пасьталанторъяссө перйис и. Тув йылө өшлис, мед шылялыштасны. Асывнас өти көса кыас, верөстөм том дөвалы нинөмла кык көсаөн ветлыны. Ывлаыс ыркыд нин, ас кинас кыөм вурун ковтасө пасьталас. Ноко, пыр жө мерайтас, кызиджык пукалө, гашкө, оз нин и лөсяв да. Ой, кутшөм лөсьыда пукалө, быттё сибдис вир-яй бердас, а морөсыс ветлытөм нывлөн кодь на — парма чурк моз чурвидзө. Стенсьыс гут ситөсь чусмыштөм зеркалөсө чыш-калыштис, югыдджыка кутис тыдавны. Ачыс аслыс тай кажитчө-а, абу на шыбитана дөва. Абу, дерт, кызь нель арөс на и эм да. Кутшөмджык, бара-й, веждимса дөвеч Ивановыс-а? Мед эськө Оксиньысь абу жө ляпкыдджык. Оз вермы терпитны зонъясөс, кодьяс тушанас ичөтджыкөсь нывьясысь. Öтсудаөсь кө, позьө на миритчыны. Кажитчасны кө Ивановскөд өта-мөдыслы, Оксинь ачыс на пыксыштны кутас, аслыс донсө лэптыштны. Али нинөмла лэптысьнысө кагаа бабаыды? Со тай, вөр керкаас Гриш Мишыслы тайкө эз ылав, ёнджыка кө кутис пондысьны, код төдас на, мыйөн эськө помасис нар вылас водлөмыс. Ас кадө өлөдис кинас вильшасьөмысь, эз удит босьтчөднысө. Көть кызд, но оз лөгав айка вылас. Кутшөм нө тэ мужик, он кө тошкав пасьтөм нывбабаөс?! Да нөшта и Оксинь кодь мичаникөс! Век жө, туска синма айкаыс, Гриш Мишыс, дошлөй морт. Дерт нин, дошлөй, томиник моньсө кө сяммис сьөктөдны.

Огө кутөй көритны Гриш Мишөс, Енмөс колям сы вылын судьянас. Аски, аддзыяс Вассакөд да, Оксинь ставсө посклоннө висьталас айка ордас вөр керкаө бөръя волөм йылысь, тшөтш и сы йылысь, кызди Машукыс вольной светас чужис. Васса эськө сэксянь нин төдис да, кор на нөбасис воча чойыс.

Митрейлы, мужик мортыды, оз ков дыр лөсьөдчыны ни баситчыны. Батыслөн көм-паськөмыс буретш сылы, весиг шоныд пасьыс. Тимө чожыс зарни кияса: валегитө кужө гындыны, кучиктө дубитны, кучик сапөгтө, паркатө, маличатө и пасьтө вурны. Батыс на, Мөкей Осип тайө ремөслөас велөддис, а Осип аслас батылысь, Пилялысь, велөдчылөма. Ыжтө быд семьяын уна видзөны, вуруныс и куыс тырмымөн. Гөжөмнад, рытгорувланьыс, кор йирсяннысь челядь вайөдөны мөгө-баяяссө гидьясө, грезд пасьтаыс кылан: «Баль-баль-баль, өсьт-өсьт-өсьт!» Ыжъясөс йөртөм бөрын мунасны

корсьны куканьясӱс да ӱшпьянӱс. Найӱ ылӱджык ветлӱны, Изъяю катыдланьыс, ӱвадысь дзебсьянин корсьӱны. «Конь-конь-конь!» — кылӱны ныв-зонкаяслӱн гӱлӱсьяс. Лысьган мӱсьяс вежӱраджыкӱс, рытланьыс грездланьӱ асьныс матыстчӱны: вӱранысӱ вед личӱдны колӱ. Кӱзьяйкаыд петас пос помас, чукӱстас: «Тайтӱ-тайтӱ-тайтӱ!» и руныгӱны кузя дӱвӱстлӱгыр асланыс карталань пӱт кынӱма сюрукьяс да серукьяс. Вӱраныс сыметь пӱльтчӱма, воськовтӱганыс топыд нӱньяссьыс йӱлыс чилсмулӱ. Кӱть и абу уна йӱлаӱс мӱсьяссыс, пармачурксяс ас вьйтӱгыд оз овны, кык-куим мӱскӱн видзӱны да.

ӱдйӱ разалӱ асья рӱмыдыс. Керка вевтьяс, рынышгьяс да пывсянгьяс вылын еджыд пуж. Уль лымыс усьліс да сывліс некымынысь нин, а кольӱм вой кынмӱма, косьтӱма ва гӱпгьяс, кольӱмаӱс сэтчӱ вӱснӱдык йи кеньяс. Пуяс пасьтӱмӱс, гӱгрӱс латка кодъ тыдалӱны чальяс вылас сьӱд рака позьяс. Гӱрд молястӱм нин пельсь пуяс ылӱ чукӱрӱн уськӱдчылӱны чужан мусӱ эновтылтӱм пышкайяс. Лӱнь. Тӱврутӱм. Пач трубаясысь тшыныс веськыда пуритӱ руд енӱжлань.

Павел да Митрей дӱдьялісны телегаясӱ кыкнан вӱвсӱ, меринсӱ и кӱбыласӱ — дженьыд кокаӱс, тшӱтшӱдӱм бӱжаӱс, оз ков ӱвтчыны лӱдзьяссысь да, буланӱй гӱнаӱс. ӱтар телегаас зня-ныла пуксясны, мӱдас асьныс, кык вок. ӱксинь водзджык ачыс пасьтасис, сӱсся мамсӱ вӱччӱдӱс. Уна рӱмӱн вышивайтӱм ковта да сьӱд сатин юбка пасьталӱс Ульяна. Бабаюрсӱ кокни юр кӱртӱдӱн саймовтӱс. Важӱн нин тадзсӱ эз вӱччыв мамныс.

— Мам, батьӱлӱн тӱ мича гӱгыр вӱллӱмыд, — Ульянаӱс ышӱдӱс нылыс. — Пасьтасин да, невеста кодъ ловин.

— Кысь нӱн, нылук, нелямын вит арнад мичлуныс мен.

— Кысь пӱ? Кӱть кодлӱн на тӱ ылӱ вежыс петас, сӱмын тай вот вежолнысӱ некодлы-а.

— Збыльысь мӱй мича на мамыс? — юалӱс ас йӱвсьыс Ульяна, а син водзас сувтӱс Родион. Кутшӱм нин важӱн колис ськӱд кутчысьлӱмсянь, а бытгӱ тӱрыт на-й вӱлі.

— Мам, мый нӱ ывласьыс аддзин, вугыртӱн тай? Пасясь нӱн, пияныд виччысьӱны.

Мӱкей ӱсип Улялӱн семьяыс мӱдӱдчис Веждӱмӱ празник ылӱ моз. Горт овны Машуыскӱд колис Мӱдей Пекла. Павел еджыд кӱч ку шапкаа, кӱрӱм коска сьӱд пася, кокни кучик сапӱга. Нагансӱ гӱбӱч джаджьяс колис. Пуксис телегаса турун ылӱ вокыскӱд орчӱн, повозничайтӱс Митрей. На бӱрысь вӱтлытӱг и вӱтчис мӱд вӱлыс, телегаас орчӱн пукалісны зня-ныла.

— Мам, мый сэтшӱм зумыш? Эн чӱл ол, сӱрнит. Ноко, висьтол, кыдзи батьӱкӱд тӱдмасьлӱн, — оз сет покойсӱ мамыслы ӱксинь. ӱд ачыс медсясӱ сы вӱсна и лӱччӱ Веждӱмас, мед дӱвеч Ванькӱд аддзӱдліс да тӱдмӱдӱс Вассаыс.

Ульяна вӱйтчӱма аслас думьясӱ, польштӱкодъ аддзысьны Манефа Павловнаыскӱд, кодӱ, тӱдӱмысь, быдтор кутас юасьны сьлӱн олӱм-вылӱм йылысь. А друг кӱ шуас: Павельыд пӱ дзик пӱлыс кодъ... Сӱки му пырыс мунас Ульяна. Ладнӱ, Митрей да Лиза йылысь ӱнджыка кутасны сӱрнитны. Гашкӱ, Павел йылысь сӱрнӱдзыс оз и воны. А крапнитас кӱ Ульяна: радейтӱ пӱ ме тӱнсьыд воктӱ, ӱнӱдз пӱ радейта!.. Сӱки мый? Вермасны-ӱ сӱк котыртны семьясӱ Митрейыс да Лизаыс? Мыйла нӱ оз, абу ӱти вирысьсӱ да.

— Вунӱдӱ нӱн, ныланӱ, кыдзи-й тӱдмасьлі батьыдкӱд, — дыр

мысти вочавидзис мамыс.— Ичөтик грездад тай он на ёна бөрйысь.

— Мам, а мыйла ми ставным разной рёмаось? Тэ руд юрсиа, Митрейлөн да менам съд, Павеллөн гөрд...

— Ойя да ойя, мый нө менө мучитан? Ставныд зэл мичась, мед толькө дзоньвидзась вөлінныд-а.

— А ме неважөн Машуклөн бать ордө волі.

— Мы-ый шувин?— став мукөд думыс төвзис Ульяналөн юрысь.

— Гриш Мишлөн вөр керкаө кежалі, гажөй бырис айкаысь да.

— Тыпу! Яндысьтөм бутуль, абу яндзим висьтолныд дай. Мөд чурка көсьян көльёлны!

— Мамук, лөнбөдчы. Гриш Мишыд мен лёксө нинөм эз вөч. Сьмерть кийсь сја менө мездіс, кулөмысь дорйис. Куим во эг лысьт висьтолны тэн став збыльторсө. Эг лысьт сы вөсна, мый ачым унатор эг төд, садьтөм ме сэки вөлі... А өні висьтала, сьбөлмөс кокнөбда, чөжсьөм шог-печальсө сэсь пыркнита. Айка дзик ставсө тайө пөрийө висьталіс, нинөм дзебтөг. Кылзы, мамук, Веждімад вотөдз удита висьтолнысө...— И Өксинь паніс ассьыс гажтөм сёрнисө сійө көдзыд асылас ывлаө петөмсянь.

Вөвьяс мунісны то рөдгышталөмөн, то шодйөн. Кор воасны, сэки и ладнө. Өксинь эз казавлы, кыдзи висьтасигас мамыслөн тюрис синваыс, сыметь жалитіс ассьыс дзик өти нывсө.

— Вот таdzi и вөлөма, верма весиг энэж водзас пернапасасьны,— сёрни помас шуис Өксинь.— А Гриш Миштө кө лыдди мыжаөн, важөн нін эськө мөд синмас пищальысь косьөбті. Митрей вок төдө, кутшөм стөча ме инма... Мам, синватө али мый чышкалан? Тпруу! Мамук, вайлы чышгян помтө. Этатшөм мичаник чужөм он жө синваөн лякөсьт.— Өксинь косөдіс мамыслысь бан бокьяссө, сэсся чупнитіс:— Слабог, став тужа-нужаыс кольөма нін.

— Тэ ветлан миянкөд?— юалис мамыс.

— Кытчө?

— Манепа Павловна ордас.

— Ме Васса ордын лова.

— Моньпуыдкөд нө он көсйы төдмасьны?

— Мен, мам, жөникпу колө.

— Көсьян кө, тэн, майбыр, сюрас на жөникпуыд.

— Тэнад вомсянь да Ен пельөдз.

Вассаяслөн керка дорөдз и мунісны. Налөн өшинь ув йөрөдз пыртісны вөвьяссө, телегаяссө ортсө колісны. Вочаалис гөстьясөс Васса — кузиник да косіник, ныма Никонорыслы:

— Ой, Уля обө слөймөдчөма. Вай пырөй да личөдчөй, пыр жө шом чөлта самөварө.

— Зять нө көн?— юалис Павел, эз пет Никонорыс вочасө да, весиг дөзмискодь.

— Исполкомын. Көн тэсся сја. Лун и вой социализм стрөитөны Тюни Тикөн пикөд, оз и воылы прамөя гортө.

— Ладнө, ті ставныд бура шойччөй, бура гөститөй, а ме исполкомө.

— Павел, пыр да көть өти көш ырөш ю,— вөзйис Васса.

И Павел котөрөн, бөра-водз пыраліс керкаас, веськөдіс табак тшынсьыс курзьөм горшсө. Чөскыд ырөшыд и сідз на пырө, горш косьмытөг.

— Уля об, кыдзи сэн олөны миян? Батьө да мамө оз висьны?

— Оз, дитя, оз. То, эсія мешокас гөстинец тиянлы, мамыд модөдіс, батыд да Виктор воқыд вөрынось.

Водзөсө сэсса керкаас нин сёрнитисны. Васса быд ногыс опшкис Елизавета Никифоровнаос, кор Ульяна гарыштис на ордө ветлөм йылысь.

— Зэл шань да тшапитчытөм Лизаыс. Мамыс, Манепа Павловнаыс, сэтшөм жө. Кыкнанныс велөдөны, кыкнаннысө пыдди пуктөны сиктсаясыд. Лизаыс төдө, мый ме Митьөлөн воча чой, быд паныдасигөн варовитыштлам. Митьөбыд ывлаын? Ывлаын тай. Мед, колөкө, оз вутрол, а то кык син костсыс гуvasны невестасө. Веждүмса зонъясыд вед зэл востерось нылъяс вылад, абу пармачуркса кодьось.

— Мөд зонкөд али мый адзылін Лизасө?— юалис Оксинь.

— Эг эськө да. Ачыс Лизаыс висьтасьліс, корасыны пө волісны Елизарлөн бать-мамыс.

— Тэсса мый, волөмась да?— вөрзөдіс тайө юөрыс Ульянаос.

— Эм нін пө талөн жөникыс, шувөма Манепа Павловнаыс.

— Васса, эн омөльт ас грездса зонъястө. Ная зэл на ещө и востерось,— шуис Оксинь.

— Да, зверь-пөтка вылад востерось,— вочавидзис мөдыс.— А мукөдтор вылө ог төд. Ылө примерысла оз кол мунны.

— Кодөс төд вылад кутан?

— Кодөс пө? Павел Налимовөс! Позьө жө нін сылы семья лөсьөдны, өвсьыны сиктысь сиктө ветлөмсьыс да.

— Вассук, сьлөн вед уджыс сэтшөм,— дорйыштис писө Ульяна.

Керка өшиньясыс видзөдөны мир туйланьыс, сэтчө и кыскө синъястө. Сы здукө и чуйдіс Оксинь:

— Васса, матыстчыл. То, Митрей кутшөмкө нылкөд варовитө. Дашкө, тая и эм Лизаыс да?

— Тая, тая. Лок, Уля об, видзөдлы аслад моньпу вылө. Зэл лөсьыдик нылка.

— Кыськө тай төдмалөма, мый ми татөнось,— чөвтис Оксинь.

— Павел воқыд, надейнө, исполкомас мунігөн чуйдіс. Часлы, чукөста, мед керкаө пырасны,— шуис Васса и петіс кильчө вылас:— Елизавета Микиперовна! Мый сэні потшөс дорын йөжгылясянныд, пырөй, тшаюйтны кутам!

— Пасибө, Васса Тимофьевна! Ме гөстьясла локті... Коді висьталіс? Павел Абрамович,— кильчө дорөдзыс, век жө, матыстчис Лиза, тані и төдмасис Митьөыслөн мамкөд да Оксинькөд.

— Господи благөслөви, Лизавета Микиперовна, төдмасым нось: ме и эм Митьөдлөн мамыс, Осип Уля нимөй. Лок, зарни ныл, ме тэнө окышта... А тая — Митьөдлөн чойыс, Оксинь.

Купеч Поповлөн керкаө пырисны куимөн: Лиза, Ульяна да Митрей. Манефа Павловна примитис гөстьясөс ас йөзөс моз. Митрей корис Лизалысь таз, разис нопсө и пыркнитис сэтчө дас вит сьөла да кык тар:

— Миянсянь тиянлы гөстинец!

Недыр шойччөм бөрын Васса нуөдіс Оксиньөс том дөвеч Иван ордө — тыр ногыс шуисны Епим Косьта Ваньөн. Керкаыс катыдпомас медбөрьяыс, кыр йылын, буретш сы весьтын, көні Изъяю өтлаасьө Важ Эжвакөд. Рөвнөй пельөсьяса, нель-ө-вит пос тшупөда кильчөа, ыджыд стына да сарай поска тайө керкаыс вьла на. Епим Косьта Ваньлөн ыджыд рөдняыс регьдөн и лэптис сійөс. Гөтрасьөм бөрас и вуджисны Ваньө гозьяыс вьла оланінас. Регьд

тані мойвиис овнысö том гозъялы: кага чужом бöрас гöтырыс эз нин и волы саяс, дыр мучитчытöг кувсис. Пöльыслысь нимсö сетисны кагаыслы — Ефимон шуисны. Ваньöйслон рöдня ордын и быдмö, бать-мамыслон керкаыс орчöн, öтувья öшинь ув йöрныс. Водз тулыссянь сёр арöдз Ваньö узьлö-олö ас керкаас, а тöвийö бать-мамыскöд, этшаджык пес сэки тшыныйв кайö.

Васса да Öксинь пырисны йöрас юладорсянныс. Сыланьö, лунвывланьыс и видзöдöны кильчöйс да öшиньясыс. Ваньöös аддисны керка дорсьыс, киас мөлöта мыйкö шлөнгьялö.

— Лöсьыда асьтö кут,— велöдiс бөръя здукöдзыс Васса, кодлы абу на жö и комын ар и кодi Никонорыскöд семьитчис зэв томиникон.

Кöзиян казялiс анястö, виччысьтöмысла шöйöвошлiс.

— Бур лун, Ваньö. Чой вовис гöститны, месяц, петкöдла катыдпомнымöс. И тэ буретш öшинь улад, месяц, кежалам. Кыдз олан, Вань?

— Мыйкö тай ола вот,— Ваньöлон руд синъясыс котöртлiсны то Вассалань, то Öксиньялань.— Гажтöма ола, гöтырöс вунöдны ог вермы, морöс пытшкöй век дiлькмунöма.

— Кулöмтö, Вань, он нин бергöд. Дугöдны колö асьтö жугöдöмысь.

— Босьтчыла, да ог вермы,— Ваньö юр дзиб йылас потöм кöзыра картуза, вöня шабура, паськыд пышына кöтиа, гач кокъяс-сö сюялöма уна сера джуджыд чулкиас. Ачыс шөр тушаа, водзлань чургöдчыштöм щöкаа, рам чужöма.— А кыдзи нö чойтö шувöны?

— Мед ачыс висьталас,— чойсö гыррдзанас зөркнитiс Васса.

— Öксинь ме.

— А менö он помнит, Öксинь? Ме тэнö помнита.

— Кы-ысь?— нюжöдiс Öксинь.

— Во вит-ö-квайт нин колис сэксянь, дашкö-й, вунöдiн. А ме эг вунöд. Мельничаын паныдасьлiм, изны вöли воöмныд Пармачурксянь. Ме сэки гöтыртöм на вöли. Сэксянь тэ абу на-й вежсьöмыд.

— Ой, помнита, збыльысь помнита. Изкиыс ещö жутоллiс,— вом тырнас нюмъялiс Öксинь.

— Да. Ме тэнсьыд ювалi, кодi нö, мися, тэ татшöм мичаыс, а тэ вочавидзин: ёдi пö!

— Тэсся тэ меным ки тыр кос сёркни мыччин: нөнёл пö.

— Босьтiн сёркнисö?— юалiс Васса.

— Босьтi. Тэсся плöтинадорса лыва кузяыс на шöйтыштiм.

— Регыд шöйтiм, öдийö вöчисны изкисö да. Бурджык эськö вöли, лунтыр кö эз артмы. Менö батьö ректысьны чукöстiс.

— Да, сiдзи и вöли,— шуис Öксинь.

— Ме сэки войбыд эг узь, войбыд тэ йылысь думайтi. Меным кызь куим арöс, а кык ныл на и мырддьылисны унмöс: тэ да гöтырöй. А кодi нö тэнад верöсыд, дашкö, тöда?

— Иван нима жö вöли, война вылын усис.

— Тэ — том дöвеч, а тая — том дöва. Тэнад эм кык арöса пи, а талон эм кык арöса нылка,— медся колана кывъяссö шуис Васса.— Öнi мый тэ тан вöчан?

— Öшиньяссö ставеньон кöсья тупколны. Сиктса челядьыд танi ёна дурöны, öкөнъячяссö вермасны жуллыны. Тöлбыд тайö кыр йылсянныс ыслалöны лямпаяснад да дадьяснад.

— Тöлнас, сiдзнад, онö ломтылöй татi?— юалiс Васса.

— Татчө кынтысьниигөн воыллам.
— Төлбыдсө мый вөчан?— дөвеч сингясө видзөдліс Өксинь.
— Вөрала.
— Көніджык?
— Печуркаса ягъясын. Местаыс Печуркаон шусьө.
— Ме вөрала жө. Тэ Печуркаын, а ме парма чуркыйн кыйся.
— Сыланьыс ме эг вөлли. Кагатө код эськө видзө?
— Мамө да ыджыд мамө.
— Менсьым ная жө. Эн скөрмы, веськыда кө шува.
— Ог жө дөзмы.
— Тэ абу вөралысь. Тэ кага чужтысь да быдтысь.
— Сідз, сідз, Вань,— долыдыштіс Васса.
— Некодсянь чужтынысө.
— Керкаын ылаыс кодь көдзыд, позис эськө пырны-а.
— Мунам тэссия, манитім тэнө,— шуис Васса.— Вот и ад-
дзысьліныньд важ төдсаяс.

— Энө на мунөй, ог манитчы.

— Кагаыд оз вись?

— Ен ськөд, оз.

Чойяс вуджисны нин потшөс вомөн, кор Ваньө вөтөдіс найөс, юаліс:

— Өксинь, кор тэссия волан Веждімад?

— Ог төд.

— Көсян кө воыны, керкаөс ог на помөдз көдзөд, ставеньяссө ог пуктол ни. Волан?

Өксинь докнитіс юрнас: вола пө. Дөва да дөвеч видзөдісны өта-мөдыслөн сингясө и кыкнанныс өта-мөдыслы лоисны синва петмөнныс жальөсь.

— Но, кызд?— ылысмөм бөрын юаліс Васса.

— Мыйла водз нувөдін?— довкөсмөм гөлөсөн воча юаліс Өксинь.— Позис и дырджык варовитны.

— Вевъяланныд на, ставыс на водзын. Өні ёнджыка кутас думайтны тэ йылысь. Сингяс сертиыс казялі: кажитчин тэ сылы.

— Думайтан, кажитчи?

— О, кызди ещө! Өтарө дульсө нбылаліс. Сөмын сэк, кор коля тиянөс ас кежанныд, мед эз вөл водөма... Тэ абу доддөлыгтөм чань, ачыд нін чаня, ставсө гөгөрвоан. Эн уськөд аслыд донсө, юртө вылын кут, эн коньөрөн ло.

— Мыйөн тэ менө чайтан? Ог жө вод.

— Тэсянь быдтор позьө виччысьны.

— Мун сэсь, ме абу сэтшөм.

— Вот и бур, гөгөрвоин кө менө. А то айкасянньыд сьөктан, айкатө жө-й доръян. Туска синма страминаөс сэтшөмторсьыд пезьдөдны вөлі колө. Янөдіс Мөкей Өсип рөдсө, страмина!..

— Өвсы, Васса. Некод нинөм оз төд. Тэ да мамө и төданныд, да ачыс ещө, Гриш Мишыс. Ставөн нін сы йылысь вунөдісны.

— А кагаыд?! Быдмас да мый сылы висьталан? Мед некутшөм вөрө кайөм эз вөл! Шань морт Ваньөыс, гөтрасьөй... Локтан вежалунө мед тан вөлін!— пуляяс моз лэбисны Васса вомысь кывъясыс.— Өні мунам да самөвар пуктам, пөжөм йөла тшай кутам юны. Дашкө, ставөн нін гортынөсь да? Челядьөй көн? Асылсянныс пөль-пөч ордас.

Блісянь тыдовтчис: Вассаяслөн кильчө өдзөс вугйын пыр на өшаліс карнан.

Усть-Сысольско́й уездса вѳлѳстьясын, кѳнѳ вынаджыкѳсь вѳліны большевикъяслѳн ячейкаяс, водзвыв лѳсьѳдчисны кутшѳмкѳ ног пасйыны важ властьѳс пуктыльтѳмсянь во тырѳм. Шорчомса медыджыд веськѳдысьяс, ставныс коммунистьяс — исполкомса юралысь Лодыгин, а сѳдзжѳ Тимушев, Тарабукин да Ваддоров шуисны пасйыны сѳйѳс ас ногыс паськыда. Воторникѳ, ноябрь витѳд лунѳ, керка стенъясѳ ѳшлісны юѳртѳм: аски пѳ лоѳ вѳлѳстьса олысьяслѳн скод, кутам пѳ бѳрйыны вичкѳѳ выль попѳс. Отеч Родионлѳн вѳлі дзик ѳти тырмытѳмтор: сѳйѳ эз вѳв большевикъяслѳн партияын. Татшѳм дивѳыс, скод вылын попѳс бѳрйѳмыс, эз вѳвлы му пуксьѳмсяньыс, и Енлы эскысьяс весит сьѳласисны, шенмунисны и старѳверъяс.

Скод вылѳ чукѳрмис кыксѳысь унджык морт, буретш сы мында, мыйта вѳлі шленыс Шорчомса партячейкаын. Енлы сьѳлѳмсяньыс эскысь крестьяна, тшѳтш и кержакъяс, да ачыс Родион поп, эз локны. Большевикъяс попѳн бѳрйисны коммунист Руч Гришѳс — гѳгйѳдзыс лѳдзѳм руд тошка, шѳркодя олысь крестьянинѳс. А вѳзйис сѳйѳс ячейкаса секретарь Тимушев:

— Коммунист Руч Гриш ас вѳлянас сетѳс гѳля олысьяслы ассьыс ѳти вѳв, ид изѳгѳн быд пуд тусысь нѳль тув торйѳдѳс ѳтувъя амбарѳ. Туяна морт?!

— Туяна, туяна! Мед попалѳ!— кылісны горѳдѳмъяс.

Четвергѳ, революциялѳн празник лунѳ, асывсяньыс кутѳсны бовгыны вичколѳн жыннъяс. Алтарысь петѳс рясатѳм, но сьѳд костюма, морѳс вылас пемдѳм, ыджыд ыргѳн пернаа Руч Гриш. Киас кутѳс кыз молитвенник. Некрымын ѳбраз водзын чусалисны сисьяс. Вежа празникъясѳ кѳ вичкѳѳ эз тѳрлыны йѳзыс, то ѳнѳ асья служба вылѳ локтѳс морт комын. Руч Гриш сьылѳмѳн лыддис куим молитва, сѳсся воштѳс гѳлѳссѳ. А сьылан гѳлѳсыс и збыльысь мича вѳлі. Кор пырисны вичкѳѳ Лодыгин, Тимушев да Тарабукин (Ваддоров эз вѳв), «попыд» вермис сѳрнитны сѳмын нин шѳпкѳмѳн. ѳбедѳдз, кор оз на узьны мѳдар югыдын поконикиъяс, жыннъя шыяс улын коммунистьяс нуѳдѳсны Гичевлѳн, Жикинлѳн да мукѳд большевиклѳн гуяс вылын панапида*.

Лун шѳрын волостнѳй Сѳветлѳн ѳшинювса кушинын Ваддоров нуѳдѳс гѳрд армеечьяслѳн дружиналысь парад. Стройын сулалѳсны и найѳ, кодыас велѳдѳсны военнѳй делѳ. Сѳсся депутатъяс Сѳветысь большевикъяслѳн фракция нуѳдѳс торжественнѳй заседание. Корлісны сѳтчѳ ѳддѳлясын уджалысьясѳс, а сѳдзжѳ вѳлѳстьса мукѳд организацияысь да учреждениеысь гѳстьясѳс. Чукѳрмис морт сѳ. Исполкомса юралысь Лодыгин — косѳник, векныдык чужѳма, плешладорсяньыс кушмѳм юра, гѳрба нюз ныра, ар комына мужичѳй, сетѳс кывсѳ Тимушевы. Партячейкаса секретарь кулакнас ѳвтчитгыр висьталѳс, кутшѳм ыджыд тѳдчанлуныс тайѳ празникыслѳн став муыввса уджалысь йѳзлы. Чуксалѳс водзѳ ѳнмѳдны Сѳветъяслысь власть да большевикъяслысь партия. А кор шуис Октябрьскѳй революцияса вѳждь Ленинлы кузь нѳм сиана кывъяс, залын пукалысьяс сувтѳсны, чѳвлунсѳ орѳдѳс унаысь «Ура!» горѳдѳм. «Ѳртъяс! Зумыда кутам восьлолны водзѳ став му вылын социализмлѳн да коммунизмлѳн вермѳмлянѳ! Ура!»— тадзи кывкѳрталѳс ассьыс сѳрнисѳ оратор. И зал бара шызис «ура»

* Бѳрынджык Енлы эскысьяс вылын тадзи смекайтчѳм йывсьыс юѳртас весит губернияса «Борьба беднѳты» газет.

горзёмён, сэсся ставён сьылісны рочён «Смело, товарищи, в ногу». Заседание помасис тшай юёмён.

Бывлаё петалёмён заседайтэсьяс курутчисны, и заводитчис концерт. Дасьтисны сійёс школаясын да училищясын велёдысьяс да велёдчысьяс. Лёсьёдёма вёлі сцена, мичмёдёма ньыв пу вожъясысь кыём гирляндаясён. Сьылісны рочён и комиён, йёктисны, лыддисны кывбуръяс. Ёна клопайтисны, кор кык нывка сьылісны кулакъясёс да купечьясёс сералана частушкаяс. Видзёдысьяс сувтёмён кекёначисны ар дас кыка зонкалы, коді сьёлёмсяньыс лыддис Нёбдінса Витторлысь «Гёрд звёнсё».

Аскомысьнас, субётаё, вичко дорё бара кутисны чукёртчыны йёз. Тайё пёрийё скодсё котыртисны земскёй управа дор сулалысьяс. Локтисны морт квайтсё, большевикъяс вылё лөг кутысьяс. Сёрнитисны унаён, и ставён дивитисны коммунистъясёс ас пёвстсьыныс некытчё шогмытём попёс бёрийёмысь. Шыёдчисны отеч Родион дінё, корисны өйдөджык бёр бергөдчыны служба вылас. Тані жё ку пиысь петём йёз корисны дугөдны асьыныс эмбурсё мырддям. Öлөдісны большевикъясёс: он кө пё талы пуктөй пом — и водзё кутас киссьыны вир.

Октябрса бунтлы во тырёмсё Эжва катыдса быд сиктын да грездын пасйисны ас ногыс. Тайё лунас Скөрөдумын эрдөдісны революциялы паныд заговор. Крестьяна көсийсны бырөдны өнія волостной Советёс и бёрийны сэтчө выль йёзёс, кодъяс эськё сувтисны комбедлы паныд. Но тайёс вөчны эз вермыны: сюрис морт, коді вузаліс сиктса активистъясёс меставывса чрезвычайной комиссиялы. Öтпырийё арестуйтисны кызь куим мортёс, ставнысё шуисны кулакъясён. Такөд йитөдын помөсдінса волвоенком шыёдчис уездса военной комиссар Афанасий Маегов дінё юалёмён: «Рөспута вөсна арестантъясёс огө вермөй мөдөдны карө. Вермас-ө местной власть, колана следствие нуөдөм бёрын, лыйлыны нырщикъяссө?»

Афанасий Андреевич, Сыктывдінкарын чужлём морт, сэкся мукөд веськөдлысьяс пөвстын торъяліс аслас писькөс вежөрөн, и, дерт жө, лыйлём вылё сөглас сетны эз вермы. Маегов бура төдіс и крестьяналысь оломсё, и меставывса веськөдлысьяслысь жебиник политической грамотасө. Культурно-просветительской да агитационной удж пыдди налы кокниджык вёлі лыйлыны паныд сулалысьяссө. Сэк на, кор Тотьмаса учительской семинария помалём бёрын Афанасий Андреевич лоис Нёбдінса школаын велёдысьён, босьтчис пыртны йёз пөвстө революционной мөвпгьяс аслас кывбуръясён. Найё разалісны коми войтыр пөвстө ки помысь гижёмён. Кывбуръяс улас сулаліс кырымпас — Варыш. Школаын велөдөмсө торкис война — босьтисны Маеговёс царской армияё. Чужан карас бөрсө воис прапорщикөн, пырис Россияса компартияё и падъявтөг сувтис Совет власть вөсна тышкасысьяс радө. Кыдзи и Павел Налимов, став сьёлёмнас босьтчис лёсьөдны выль олом — югыдджыкөс да няня-соладжыкөс*.

Революциялөн медводдза лунгьясянь большевикъяс пурсисны эз сөмын озыръяскөд, но и өта-мөдыскөд. Быдөн көсийс лоны ыджыдджык чинаён, босьтны аслас кабырө унджык власть. Войвыв Двина губерниялөн шөринөдз, Устюгөдз, кывсяс, кыдзи Сык-

* Некод эз куж думыштны, кымын сюрс мортлысь ловсө босьтас Енмыс выль олом лёсьөдигөн. Найё, кодъяс ломзёдісны Войвыв пармаын революциялысь бисё, бёрынджык асьныс сотчасны тайё биас. Морт сотан быыс кутас ыпшыны ыджыд страна пасьта, а Коми муным лоас ставсоюзса тюрьмаён.

тивдінкарса парторганизациян, а сіджө карса партячейка-ясөн веськөдлысыз праздник лунө юясны и кутасны зыксыны, арестуйтавны өта-мөднысө: буретш тадзи юкисны власть. Вермисны найө, кодьяз мыджсисны Гөрд армия вылө. И ном пөрөдас вөлөс, номйыслы кө отсөг вылө воас коин.

Колө шуны, воддза кадсө большевикяз кутчысисны власть бердын сөмын военнойас отсөгөн. Йөздылысь эмбурсө мырддям да арестяз вөсна коммунистьясөс мустөмтисны сикт-грездьясса крестьяна, но на кибьсь властьсө мырддыны ас вынъясон эз нин вермыны — став лачасө кутисны еджыдыз вылө.

* * *

Сюрс өкмыссө дас көкьямыс вося көдзыд декабрын Павел Налимов петис туйө — корисны Сыктивдінкарө Усть-Сысольской уездса коммунистьяслөн медводдза съезд вылө. Лөсьөдчис петавны вөравны, и ставыс дзугсис. Восътнысө шуөма декабрь дасөд лунө, кадыс вөлі на, и Налимов эз төрөпитчы. Öти лун оліс Веждимын, öні эз нин Вассаясын, а Öксинь чой ордас. Колис вежон куим сийө лунсяныс, кор исполкомса секретарь Яков Тихонович пөся чолөмаліс волостной Советын виль гозьяос — веждимса крестьянин Епим Көсьта Иванос да пармачуркса крестьянка Прокө Öврам Öдяос. Öтлаасисны поптөг, венчайтчытөг, тильгуна вөлаясон котравтөг, көть беспартийнойяслы позис гөтрасыны и вичкоө ветлөмөн. Көсьта Ваньө лоис ныла-пиалөн батьөн, Öврам Öдя — ныла-пиалөн мамөн. И жөникыслөн, и невестаыслөн бать-мамлы да рөдвужыслы тайө лои виччысьтөмторийөн, но найө вөлі тырөмаось нимкодьлунөн, мый том дөвеч да том дөва аддзисны өта-мөднысө. Гөтрасян төлысь помасьтөдз на, Көсьта Ваньө да Öврам Митрей, зятя-шурина, өтлаын мунісны кыйсыны пармачуркса вөрьясө.

Ульяна юрбитис Енлы, мед эськө радейтана нылыслөн гортсыс мөд пөрийө муномыс лоис шудаөн да кузь нэмаөн. Юрбитис и муса пияныс вөсна, мед эськө Енмыс видзис найөс став лекторьяссыс. Ульяна быттө мездысис сьөлөмсө сөяна сімысь, кор висьталіс Манефа Павловналы Родионкөд коркөя аддзысьлөмьяс йылысь. Купеч ныв эскис Ульяналы, өд сийө мыйсюрө төдіс нин, а төдмаліс вокыслөн вомсянь неважөн на, унайсө, Владимир попөс, Шорчомын дзеван лунө.

— Сэссия нө, вокө, гөтрасьтөг и көсьян нэмтө колявны?— юаліс сэки Манефа Павловна.— Некодөс нө, сэссия, эн и радейтлы? Али радейтлін?

— Кузь сөрни тая, Манефа. Радейтлі өтиос... А тэ вед, чойө, төдлін сийө аньсө...

— Төдлі?

— Да, төдлін. Кызь сизим во сайын тайө вөлі. Помнитан, миян лавкаө Пармачуркыйысь воыллис батыскөд Ульяна нима нылка?

— Помнита. И тэнө катөддісны вотчыны.

— Вот, вот, помнитан тай. Сія Ульянаыс и пукалө менам сьөлөмын. Паныдасян кө коркө Веждимад, татшөм поклон и висьтол мясянь.— Таысь унджыксө Родион нинөм эз шу.

Манефа Павловна висьталіс тайө поклонсө, и воссис аслас сьөлөмыс Ульяналөн. Кык нывбаба, кык мича дөва пукалісны воча и тшай юигмоз сөрниныс гартчис печкигөн чөрсө гартчысь шөрт моз. Ни өтиыс, ни мөдыс веськыдасө сідз эз и казгыштны, мый

Павеллөн збыль батыс Родион. Но тайос казалис Манефа Павловна Ульянакөд на аддзысьтөдз, Павеллөн сы ордө волігөн.

— Манефа Павловна, пасибө тэн, он кут ассыд нылтө менам пикөд аддзысьломьсы да. Радейтө менам Митрей тэнсьыд Лизатө. Меным, зэл топыд вома да, унатор оз висьтол. А видзөда да, терпенньоыс абу, сэтшөма виччысьө вежалунсө, татчө мед лэччылны.

— Лизук менам төндзи нин ошйысьлис: Митьөкөд пө ми шуим лоны өта-мөднымлы. Медъя, медъя, аддзысьлоны кө. Верстяммис менам Лизукөй, воис, тыдалө, и сылөн пөраыс,— Манефа Павловна водзсяньыс юковтөм сьод юрсиа, көсаяссө гартөвтөма балябөжас өти ыджыд ёкмыльө, нюжалөм пельнёньясас төдчис исерга туй — тыдалө, неважөн на пөрччөма. Косіник, кузь чуньяснас бергөдіс кизьөриник, көдзалөм тшай тыра стөкансө.

Буретш сійө жө здукъясас воча чөй ордас самөвар сайын пукалісны и Васса да Оксинь. Васса өтарө суйис Оксиньлөн юрө ум-разум, шусис весиг: ме да Никөнор пө и ветлам корасигмоз Епим Көсьта ордас. Думайтa да, Ваньыслөн бать-мамыс пө радөсь лоасны, пиныс кө торйөн, ас семьяөн ашшөр олөм кутас овны.

Митрейлөн да Лизалөн быд аддзысьлігөн өти туй: вылыс сиктөд, муяс вомөн мунны кывтыдлань, сэсянь вөр ді пыр лэччыны Важ Эжва берегө. Тадзи вөчисны и тайө пөрийө. Пукалоны коркө важөн нин кырөм кызд пу вылын, топөдчыштөмаөсь өта-мөд бердас и пыльсьялоны. Отлаын медводдзаысь аддзөны арся ю кузя шуга кылалөмсө. Визулыс өдйө на нуө пемыдруд йи пластъяссө и омөля на ляскө берегас. Сідзкө, дыр на йи сувттөдз. Другөн кө көдздөдас, йи пластъясыс өдйө кызасны да паськаласны, и пуксяс рөспута. Пармачурксянь Веждімөдз вөла туйыд оз тупкысьлы во гөгөр, но Митрей шогалө нин: каяс вөр керкаө и дыр оз аддзысьлы Лизакөд.

— Кор сэсся волан?— юалө ныв.

— Ог төд. Но тэ пыр лован мекөд.

— А тэ мекөд.

И окыштчисны.

А Павел Налимов вөлөстьса веськөдлысьяскөд пукаліс исполком керкаын, калянсө нөнялігтыр кывзис эз сөмын веждімса вьелторъяс, но и Шорчомын лоөмторъяс йылысь. Яков Тихоновичлы звөнитлөма сэтчөс исполкомса юрнуөдысь Лодыгин и висьталөма дружинник Жикинөс лыйөм йылысь, Самарин ая-пиаөс вөтөдөм да виөм йылысь. Налимов неумынысь босытчыліс йитчыны Шорчомса волостной Советкөд, но телепон линияыс орома ли, мый ли, звөнитчыны эз вермы. Йитчынысө позис сөмын Куломдін пыр, көні поштаыс воссис сюрс өкмыссө коймөд воын нин. Усть-Сы-сольскса уисполкомөн лэдзөм «Зырянская жизнь» газетыд воис уездъясса быд сиктө — медясө волостной Советъясө. И тайө пөрийө Павел Налимов петіс исполкомысь киас вель уна газетөн.

Сідзнад, Мөкей Осип Уля семьялөн Веждімө лэччылөмыс эз ло весьшөрө. Мөдарө на, арся луньясыс пөльыштисны лов кокньөдана ру: Оксинь петіс верөс сайө. Öти дой Ульяналөн сьөлөмысь лои вурыштөма. Матысяньджык төдмасис и моньпуыскөд да сылөн мамкөд. Öні медыджыд майшасьөмыс — Павел, куим чөя-вока пиысь медыджыдыс. Со тай, парма чурк весьтти шутьялө-гызмасьө вой төв, өшинь увьясө тэчө лым толаяс, а Павел бара нин туйын. Веждімөдз көрзина доддын кольөдіс писө мамыс. Майбыр, öні эм помка частөджык вольвылыны тайө сиктас.

Югыдөн на Ульяна бөр воис Пармачуркйө. Потантөм керкаыс

кажитчис ыджыдөн да тыртөмөн. И Оксиньысь, и Машукуысь бырөма нин гажыс Мөдей Пеклалөн. Кага видзтөгыз уна сылөн прөст кадыс, и отарө то нискө, то печкө. Сюмөд шердынын куйлоны сьода-еджыда, руд шөрт тупыльяс. Митрейлы вöрас кайигкежлө кыис кык пöвста вурун шөргысь кык чуня кепысь — пицальсö мед вермис пезьдöдны кепысьсö пöрччывтөг. Кажитчис водз чуня татшөм кепысьыс вель зятгыслы, Епим Косьга Ваньлы, и корис Пеклаос кыны аслыс вёлö дзик жö татшөмös.

Аскинас Веждимсянь лэччис Павел Налимов ям новлөддыськөд. Кымын дженьдаммис ям костыс, кымын матысмис Кулөмдин, сымын ёнджыка чеччис сылөн сёлөмыс. Петисны водз и вөлөксö вуджисны лун югыдөн. Пуяс вылын — гөгрös лым туктаяс, Налимовлөн юр вылын еджыд шапка кодьось. Туй отар-мөдарас йөктөмаось көчьяс — кузяла налөн кок туйяс. Налимов пукалис турун вольöса көрзина доддын — Тимö чожысөн гындөм гын сапöга, ыджыд мамысөн кыём нигөн кепыся, шоныд пася, и выв-сяньыс нöшта на тупкысьöма ямщиклөн важиник, лысөм тулупөн. Местаясөн рыдлөддис додсьö, но эз пöрлыны. Вой кежлас кольччылас Кулөмдинö, кольччылас дзик Настя ради: юалас, сөглас-ö лоны Павеллы гөтырөн. Бөрьяысь аддзысьлөмсянь колис вель уна кад. Гашкө, Матвей и гөтыра нин, и Настяыс верöса? Збыльысь кө тадз, оз весиг узьмөдчы. Төвнад ям кольбодысьыд сюрö быд здукö, лунын көть войын — вöла крестьянин, кодi оз вöрав да кодi абу дыш, тадзи нажөвитчö.

Лун шөр. Эжва бокса ыджыд сикт быттьö вугыртөма кыр йылас. Еджыд чөв-лөняс кылö понъяслөн увгыштлөм, исласьысь челядлөн гөлөсьяс. Паныдасьлөны мир туй кузя рөдгысь вöладодаяс, мичаа пасьгасьөм том и олөма аньяс, сё ротаса паськөма дядбөяс. Ям дорын сулалис корадоддя некымын вöv — кайысьяс и лэччысьяс. Буретш тайö керкаас водзтi вöвлi земстволөн пошта станция. Налимов мынтысис ямщиклы; кызди и век кузь туйын, пельпом саяс ичөтик нопя, керкаас пыравтөг дзурликтис катыдлань — Вичкосиктлань. Шор пос вуджөм бöрын кежис Матвейяслөн керкалань нуöдысь векныдидик южмөм туй вёлö. Медводдза керка öшинь улас кодкө поткөддис пес. Велькөдчис мортыд, и Налимов төдiс важ төдсасö — милиционер Василий Сладкошгиевös.

— Чолөм-здоровье! — матыстчигмоз юрнас довкнитис Налимов.

Мöдыс кисьыс чөвтис кузь пуа колунсö, нюжөдiс пöсялөм кисö Налимовлань:

— Бур лун. Мыйкө тай важөн нин эн вуджөртлы татi. Вай пыр керкаö, шонтысь.

— Пасибö. Матвейясөдз нин вовөдча, — Налимов, век жö, кыс-кис көшеляс гаровтөм калянсö, пев помнас топöдыштис табаксö.

— Матвейыд, сарство небесной сылы, кувсис...

Налимов немöймис и шемösмис, кисьыс усис каляныс. Кокъясыс лоисны личалөм гез кодьось:

— Кулсис?

— Шöйгысь ош косявлis... Дзевим, вежон кык сайын. — Василей судзöдiс калянсö, пöльыштис лымсьыс и мыччис Налимовлы. — Бать-мамыс тайкө эз йöймыны, Настяыс бөрдö и...

— Пицальтөм али мый вөлөма? — Налимов сiдз эз и öзты калянсö, суйис пась зептас.

— Тяльскöма пицальыс. Стволас патроныс, бөекыс розьбөдöма пистонсö, а абу лыйöма. Пуртөн водзсасьöма, ошсö виөма жö. Ош шойыскөд орччөн и куйлö вөлөм, кор аддзасны мукөд вöралысьяс.

— Лёк ювөр тэ висьталін, ок лёк ювөр. Кысь позьё чорыдджык вина судзодны?

— Пырам керкаас, сэн шоныд. Стюрас чорыд винаыд,— Василийлы ар кызь, гөтыртөм на, ёсиник ныра, көсичаас читкыла сьод бакенбардыса.

Сы кості Матвейяслөн керкаладорсянь кылісны варов гөлөсьяс. Нөрөвитісны. Тыдовтчисны кык мужичөй да нывбаба. Өтилөн пась пөла улас гартчис сьод ряса бөжыс, и восьлаліс кызкө тешкодя, быттьо кыскис кокъяс костас сов мешок.

— Бара нин тайөяс...— өвтыштис кинас Василий.— Корасысьяс, Настаёс коралөны. Матьвей өтчыд вөлі вышаритөма нин, дыр сэсса эз волены. Өні бара джутны кутісны.

— Корасысьяс?!— посьо шыбитіс Павелос, разис медвылі пась кизьсө.

— Да, корасысьяс. Коді жөникыс? Татчөс попаддя чойлөн пиыс, больничаын пельшөралө. Настаыс висьтавліс да, помавлөма пө Дереваннөйса школа, сэсса кутшөмкө роч карын пельшөрас велөдчөма, гожөмсяныс нин тані.

— Мый тэсса оз пет верос саяс?

— Вокыс, Матьвейыс, вөлі паныд. От төд, мыйла. Пөльсө дзедбан лунө Матьвей юсис, ыршөдліс чөйсө: аддза кө пө пельшөрыдкөд орччөн, пельшөрыдысь сьылідзирсө песовта.

— Пөльыс кулсис жө?

— Кувсис, Илля лун бөрас коркө. Важөн нин тай абу волөмыд Кулөмдінад.

— Нель төлысь колис бөрья волөмсянь.

— У-у-у... Сэкса нь унатор вежсис татөні. Йөзыс скөрөсь лосисны өта-мөд вылас, сөйны дасьөсь өта-мөднысө. Комбедьясыд этшсө воштисны, быдторсө мырддялөны йөзыддысь...

— Пасибө, Василей. Ме, век жө, Матьвейясө пырала. Шойчышта да, дашкө и, водзө лэчча. Карө туй вылын ме.

Воськов дас колис Матвейяслөн керка дорөдз, кор Налимов пос помсыс казяліс сьод гын сапөга, сьод пальтоа, еджыд шалля нывбабаёс, чужөмыс өдва тыдалө пушыд гөна воротник увсьыс. «Настя!»— ёвкмуні сьөлөмыс Павеллөн, сувтіс и кокъясыс оз воськовтны. Нылыд кыпөдыштис морөссө, лэптыштис юрсө и пыр жө төдіс Павелос.

— Паша!— сывсө шевгөдөмөн зырөдіс мужичөйлань, мөдыс лым вылө чөвтіс люсмуном нопсө, воча паськөдіс кияссө:

— Настя! Настенька! Настасья Сергеевна!

Топөдчисны өта-мөд бердас. Пөся окалісны өта-мөднысө, быттьо сө во өтлаын олөм бөрын сө во кежлө и торьявлісны.

— Сэтшөма ми виччысим тэнө Матьвейкөд, а Матьвейыд...

— Төда нін. Василейыд, воча вокыд висьталіс. Корасысьястө аддзылі и.

— Лун и вой думайті тэ йылысь... Кодкөкості мусмөмыд и ачым эг казявлы. Косьми ме тэ вөсна, шөрттөм чөрс кодь куті кольны. И сэтчө жө Матьвейыд кувсис... Муыд ыджыд, а морт олөмыд дженьыд.

— Мый эм му вылас медся мичаыс да шаньыс — на нимсянь, тшөтш и медбур другөйлөн, Матвейлөн нимсянь кора лоны мен гөтырөн!— корасысьясыд, тыдалө, повзьөдісны Налимовос и тэрмасьомөн юөртис та йылысь.

— Талун, век жө, шуда лун менам,— зонлань чатөртчыштөмөн висьтасис Настя.— Сөмын на мунісны өти корасысьяс и... Енмыс

тэнö вайöдiс. Пырам, бaть и мам гортынöсь, сэсья некод абу. Найö тöдöны, мыйла ме пыкси пельшөр сайö петöмысь. Тэ вöсна пыкси, тэнö виччыси.

Пырöмөн тшöтш Павелöс примитiсны зэв шоныда. Висьталiсны ставсö, мый тöдiсны Матвейлөн лёк ногөн кувсьöм йылысь. Настя дасьтiс пызан, чöвтiс самöварö öзтöм сартас и вылисянныс тыртiс шомөн. Пач вом дорас сувтöдöм самöварысь тшыныс петiс ыджыд пач труба пыр. Пажнайтны пуксялигөн котөрөн пыралiс Василий. Питшөгас саймовтöмөн вайис парта самöкур, сетiс Настялы киас: тайö пö гөстьыды. Эштылисны кольöдны Василийöс, да сiдз эз и кольччы. Кисьтасис Настя. Водзджык восьтiс дöра пробкасö асланыс гөбöчысь перйöм сулеяысь, кисьталiс гранъя стöканъясö джынйöдзыс.

— Ме винатö юла зэл шоча, но талун юва,— стöкансö кыпöдыштлiс Павел.— юва и ас пыдди, и Матвей пыдди. Мед муыс ловö сылы гөн кодь небыд.

Ставөн чурскисны курыд да дука биа васö стöкан пыдöсöдзыс. А пызан сайын пукалiсны сöмын нельөн, медтом пиныс эз вöв гортас. Настя быгтьö аддзис пуд зарни, сьölöм вылас кокняльштiс, чужöмас нюмпас кыптiс. Колö и оз, сийö частö чеччывлiс пызан сайысь, тапиктылис пачводзас, вайлис то öгитор, то мөдтор. Мед тыр синмөн аддзылас Павелыс сылысь туша-мыгасö юрсянныс кокöдзыс! Водзсянныс и бöрсянныс! Эм мыйөн ошйысьны Настялы верöспу водзас. Сийö нылалö на! Ни морöсас, ни гөгьяс эз на инмыв некутшöм зонлөн чунь помыс.

Настя кисьталiс аскурсö мöдысьөн, быд стöканö джынйысөн. Бaтьыс и мамыс виöны ассыныс шогсö винаөн, но пырджык артмö мөдарö: пычкö синванысö.

— Мамö, вайö огö нин кутöй бöрдны,— лөнь гөлöсөн шуис Настя.— Поконикъясыд пö оз радейтны синватö. Мaтьвейлөн лолыс кöнкö тани на, эз на кай енэжас. Мед кывлас да аддзылас Мaтьвейным, благöслöвит, мам, менö да Пашаöс öтувъя бур олöм вылö. Мaтьвейлөн век вöли öти кöсийöм, мед ме петi Паша сайö... Ме радейта тайö мортсö...

— И ме радейта. Ме тэнö некутшöм пельшөрлы ог сет. Благöслöвитöй миянöс, Сергей Варфоломеевич,— бaтьыслысь корис Павел. Юлывлыгтöгыд öдйö и гажмис мортыд. Мөд пöрийсö мамыс да Настя эз юны, вом дораныс сöмын матыстлiсны стöкансö.

И бaтьыс, Сергей Варфоломеевич, и мамыс, Евстолия Владимировна, эз вöвны пемыд йöзөн. Кыкнанныс коркö велöдчылöмаось земскöй училищыын. Сийöс вöли восьтöма сиктаныс буретш налөн чужан — сюрс кöкъямыссё сизимдасöд — воö. Сергей Варфоломеевич весиг писаравлöма волостнöй правлениеын. Евстолия Владимировна вöвлöма медводдза воспитательницаөн челядьлы приютын. И сэк жö, век мыркисны крестьянскöй му удж. Гөтрасьлöмаось томиникөн, дас кöкъямыс ар тыртöдз, и век кургисны-олiсны мирөн да сöветөн, быдтiсны челядьöс. Сергей Варфоломеевич тшай юан блюд пасьта кушмöм юр дзибъя, дженьыд да кыз голиа, тапнитiс сьöкыд лапанас Павеллы мышкас, шуис лабутнöя:

— Менам Настук кö шоныд вира тэ дiнö, ме некор ог сувт сылы паныд. Ло Настуклы олöмас ён мыджöдөн, радейтöй öта-мöднытö сiдз жö, кызди ми Естоллюккөд радейтлим öта-мöднымöс. Ло миянлы, Павел Öврамович, и пи пыдди, и зять пыдди. Естоллюк, сiдз али абу?

— Сідз, сідз,— сувтіс верөс дорыс Евстолия Владимировна, кодлөн бөрья кадыс джудждаммисны да лөзөдісны син гу-ранъясыс.— Мед и миян Настукным тэнад мамлы лоас и ныв пыдди, и монь пыдди.

Настя окыштіс мамыслысь, сэсся батыслысь бан боксө, шуис:

— Мед сэсся миян порог вомөн эз воськовт некутшөм ко-расысь.

Пызан сайысь чеччөм бөрын Павел да Сергей Варфоломеевич вель на дыр варовитісны. Көзяин эз куритчы, табак тшынсө эз вөч и Налимов, сөмын корсюрө нёнъыштліс өзъявтөм каллянсө. Настя казяліс тайөс и корис лэччыны Павелөс уліс судтаас, көні ассыс серпасьяссө вөчавліс пөлыс, Варфоломей. Пөль кулом бөрас сэні некод эз узылы, но пачсө ломтылісны, мед гөбөч гуас эз кынмы картупельыс. Тані масьт, көть мыйта куритчы. Жырсө пелькөдөма, өти пельөсын занавес сайын сулаліс вольпая пу крөвать, гьөрзьөм өшиньяс дорын уна ног вундалөм кокьяса пызан. Стен тырыс пөлысөн серпасалөм картинаяс.

— Тайө жырйыс мясянь тэн медводдза приданной,— шмонитана чөвтис Настя.— Пөрччысь, пыр шебрас улас и шойччы, а ме лоа аслам комнатаын. Аски выльлун, лөсьөдчышта урокьяс кежлө.

Төвся руд рөмыдыс өдйө воськовтіс сиктө. Налимов нөрөдчис крөватьө и регыд унмовсис, весиг эз вевъяв сувтөдны син водзас Настяыслысь чужөм-өбликсө. Садьмис час нель-ө-вит мысти горш косьмөмла. Восьтіс синьяссө: дзурс пемыд, быгтө куйліс вөр керкаын. Сэсся эз нин унмовськөдчы, а то войбыд ковмас чегьявны юрлөссө. Чеччис крөватьысь, матыстчис өшиньян, кималаснас корсис пызан вывсыс каллянсө да табак көшельсө. Өшинь улын кылісны кок шыяс. Кикарнас чышкыштіс өкөнъчасө, и тыдовтчис ывла югыдыс. Том төлысь, быгтө эзысь чарла, вундіс енэжсө; вундөмсыс сьаккисны би киньяс — посни кодзувьяс. Төлысь югөр улас бура төдчис жебиник биа керкаяслөн рудөбыс. Дзик өшинь весьтас вуджрасьыштіс морт. Дерт жө, Настя. Куш кок вылас гын сапөгөн, уліс дөрөм-гач кежсыс и петис Налимов, чукөстіс:

— Настя! Мыйла он пыр? Водзын миян кузь сёрни.

— Локта, локта. Водзын миян — быдса олөм. Гашкө, вайны нурьясьыштны?

— Вай ювантор.

— Самөкур?

— Вьльөл.

Водз асывнас Настя садьмис Павеллөн сой вылын. Пыр кежлө прөщай, нылаландыр! Настя садьмис нывбабаөн. Сэтшөма чөсмис нылыд, Налимов кольчис нөшта өти вой кежлө. Мый вөлі Настяыскөд кольөм вой, кажитчис мича да чөскыд вөтөн. И көсийс аддзывны тайө вөтсө выльысь и выльысь. А лун сьөмөснас, кадсө комялігмоз, ветліс ям-станцияө. Сэні сулалысь вөла-доддяяс серти төдчис, мый Куломдін пыр ветлөны-мунөны уна йөз — Помөсдін, Немдін, Воч вожьясысь. Сэки Куломдін вөлі верст вит кузя, олісны сэн кык сюрс сайө морт. Ямын аддзысьліс Эжва катыдса вөлөстьясысь делегатьяскөд, кодыас Налимов моз жө лэччисны Усть-Сысоьльск уездса парторганизациялөн медводдза съезд вылө.

Рыгнас Настя нуөдіс Павелөс шөйтгыштны сикт кузя. Кы-мөртчис, и поводдяыс бара ньөрвөвтіс. Пемыд енэжын эз тыдавны ни кодзувьяс, ни төлысь. Став югыдсө сетісны ывлаыслы ляпкыдик еджыд лым толаяс. Южмөм мир туй кузя восьлалісны кепыса

кинаныс օта-мօднысօ кутыштօмօн, чօв-лօняс дзуртис кок уланыс дзурыд лым.

— Сэтшօма виччысис тэнօ Матвей, виччысис чойыдкօд; шонъянушко, эз весиг кутчысьлы ни օти нывкօд...— сетис небыдик гօлօссօ Настя.

— Мыжа ме Матвей водзын, эг вед тօд, мый татшօм ускօттгօ суvas. А օксинь неважօн петис верօс сайօ. Ни мамыс, ни ме эг тօдлօй, коркօ кад тօдмасьлօма да. Веждимысь мужикыс, сэнi и олօны, ныла-зонмаօс быдтօны.

— Кыдзи ныла-зонмаօс?

— Мужикыс дօвеч, кык арօса пи сьлօн. И օксинь дօва, кык арօса ныл сьлօн.

— Вот кыз. Венчайтчисны?

— Гижօдісны Сօвет исполкомын.

— Вичкоын венчайтчытօг гօтрасьօмсօ шуօны гражданскօй бракօн. А ми кызди гօтрасям?

— Тэ менам мօд лун нін гօтыр.

— Гօтыр? Сідзкօ, тэ менам верօс?

— Верօс!

Настя кочуньясьмօн օшօдчыліс Павеллօн голи вылօ, окыштіс вом дорсօ.

— Тэ тані нօрօвитлы, ме бօра-водз,— вичко дорօ воօм бօрын шуис Настя, и векныдик ордымօд матыстчис вичколаны. Сувтіс օдзօсыслы воча, пօрччис кепысьсօ, и пернапас чօвталігмоз копыртыштавліс юрсօ. Налимовлы тыдаліс нывлօн юрбитօмыс, ачыс эз чօвт ни օти пернапас.

— Кори Енсянь тэа-меалы благօслօвеннѳ,— висьтасис Настя.— А օні гортօ, аски виччысьсօ тэнօ кузь туй.

* * *

Сикт-грездъяс бօрад Сыктывдінкар кажитчис Павел Налимовлы ыджыдօн да уна йօзаօн, но эз гожся кодь мичаօн да гажаօн. Тօдмасис Эжва катыдса делегатьяскօд, накօд и ветлօдлісны карса уличаяс кузя. Помсянь помօдз воськовъясօн «мерайтісны» Покровскօй, Спасскօй, Трѳхсвятительскօй, Троицкօй уличаяс. Волісны йи улын куйлысь Сыктыв ю берегօ, кօні кузь голиа еджыд юсьяс моз енѳжланы лօсьօдчисны лѳзбыны Покровскօй да Троицкօй вичкояс. Ыджыд օшиньяс пыр кօлօкօльничаясь тыдалісны гырысь жынн्यानьяс. Чатօртчылан кօ крестьясланыс — шапкаыд усьсօ, сэтшօм джуджыд гօгрօс сигօрыс. Кытшовтісны кар шօрын зымвидзысь медыджыд вичко гօгօр, шуисны сійօс Стефановскօйօн*. Волісны лавкаясօ, кօні быдтор вօлі зѳв дона. Налимовлы сэтшօма воис сьлօм вылас кузь сырья, мича дзоридзьяса кашемир чышгьян, подօн пօ шалсъя Кулօмдінօдз, но ньօба. И ньօбис. Радейтана Настяыслы медводдза козин. Чышгьяныс и збыльысь мича да ыджыд вօлі — поэѳ օтпырйօ тубыртны Настя коддьօмтօ куим бабаօс.

Аскинас асывсянныс Налимов муніс уездса ВЧК-օ петкօдчывны аслас начальстволы. Сійօ тօдіс: Чрезвычайнօй комиссияօн օні веськօдлօ Савин, а аскօдыс эз на аддзысьлы. Медводз пырис Кудинов ордօ, сы ним вылօ и мօдօдліс асьыс օтчѳтсօ. Пызан сайын

* 1932 воын Стефановскօй вичкосօ облісполкомлօн шуօм серти вօлі сетօма «Комилеслы» и разьօма кирпичьяс вылօ, кօлօкօльничасօ взорвитօма. Во мысти тупкисны да пасьвартісны Покровскօй да Троицкօй вичкояс.

воча ныр сёрнитігөн и пырис кабинетö шөркодъ тушаа, паськыд пельпомгъяса, шылъыда бритчөм гөгрөсіник паськыд чужөма, паськыдик нырбордгъяса, нюмыдбана, съод пинжак улас сувтса юрйыла лым еджыд дөрөма, ар комына мужичөй. Кудинов пызан сайысь петалөмөн чолөмасис, сэсся Налимовлань кинас индөмөн шуис:

— Виктор Алексеевич, төдмасьей: Эжва катыдса миян сотрудник Налимов, Павел Абрамович.

Налимов сувтис воча, чолөмасисны киньсө топөдлөмөн:

— Савин*.

— Налимов.

Виктор Алексеевич матыстис пызан дорө улөс, и пуксьөмөн кутис юасьны, кыдзи олөны Эжва катыдса сикт-грездгъясын. Налимовлөн висьталөмыс эз гажөд Савинлысь сьөлөмсө, мөдарө, дзугыльтис.

— Да, бура тэ шуин, Павел Абрамович: пемыда, гөля олам. Оз ло кокни съод вөр шөрад стрөитны югыд олөмтө. Аскиөдз, Павел Абрамович. Аски аддзысям съезд вылад,— Налимовлысь кисө топөдлөмөн жө и прөщайтчис Савин, сэсся содтис:— А отчөттө төлкөн гижөмыд, ме лыддылі.

Уездса коммунистьяслөн съездыс мунис «Власть — Сөветгъяслы!», «Му — крестьяналы!» пас улын. Сөветгъяслөн власть коми вөралысь моз писькөдіс туйсө пемыд да понөля вөргъяс пыр. А му юклігөн да эмбур мырддялігөн йөз виалісны өта-мөднысө тайө вөрас зверьясөс моз. Съезд вылын унаөс шензьөдіс Аныб вөлөстгъса делегат Нестеровлөн висьтасьөмыс:

— Миян партячейка корсьө быд сикас туйяс, медым отсавны гөльяслы, уна челядя мамгъяслы. Чукөртама налы сьөм, мед вермисны ньөбны медся коланаторгъяссө.

— Кодгъяслысь чукөртанныд сьөмсө?— кыліс президиумсянь гөлөс.— Сёрнитөй примергъясөн, а энө ылөсас.

— Ну, вот, шуам татшөмтор,— мытшгъялыштис Нестеров.— Кывсис, садат Лобанов пө военной служба вывсьыс вайөма деньгасө дас көкгъямыс сюрс чөлкөвөй. Миян ячейка корис сетны тайө сьөмсө гөльяслы юклөм вылө. Лобанов аснырасис, соссис, деньгатө эз сет. Сэки миян активистгъяс морттө босьтисны шошаөдыс и лэчөдісны юкмөс дорө. Повзис юкмөсад суйөмысь и сетис став сьөмсө...

— Позор!

— Позор!.. Позьө мөй тешитчыны садат вылын!— кылісны залсянь шочиник гөлөстгъяс.

Заседание нуөдысь кывсө сетис часовса делегат Цывунинылы.

— Миян вөлөстгъын өткымын большевик-веськөдлысь ачыс ышөдө лёк вылас,— шуис делегат.— Сідз, волостной комиссар коммунист Логинов дзеблалөма лишалана нянь. Но крестьяна аддзисны дзебассө и арестуйтисны Логиновөс. Найө сэтшөма дөзмисны коммунистьяс вылө, тайкө ставнымөс дзескыдинө йөртасны, ковмис лөньөдны йөзөс военной вынөн...

Эжва катыдын Мандельбаум отрядлөн вывтгъясьөм йылысь сёрнитис делегат Павел Налимов. Сылысь сёрнисө вынсьөдісны и выліс Эжва вожса мукөд делегатгъяс. Съезд вылын видлаісны дас өти сёрнитантор, примитисны зэв колана резолюцияяс. Налимовлы сьөлөм вылас медгъена воисны сэтшөм документгъяс,

* В.А.Савинөс 1937 воын мыжтөг мыжаласны и кувсяс 1943 вося сентябрын сибирса сыскаө туй вылын.

көні сёрниыс мунё школаяслы да став зыряналы чужан кыв вылын литература лосьдөм йылысь, общеобразовательной да политической курсъяс котыртөм йылысь. Делегатъяс шыёдчисны просвещение Комиссариатө, мед сійө сетіс уездлы зырянскөй шыпасъяс дасътөм вылө миллион шайт. Тані жө вөлі шуөма котыртны еджыдъяслы паныд тышкасьом могысь мөд зырянскөй коммунистическөй рота. Гижалисны сэтчө доброволечъясөс, мед сэсса мөдөдны Войвывса фронт вылө. Ырыштчыліс гижсьыны и Налимов, но вермисны Настя йылысь думъясыс, сы дінө сөмын на öйөм ыджыд муслуныс.

Куим лун чөжнад Налимов матысяньджык төдмасис уна выль йөзкөд, тшөтш и Афанасий Маеговкөд* да Михаил Кочановкөд**, кодөс съезд вылын бөрйисны РКП(б)-лөн Усть-Сысольскөй уездной комитетса секретарөн. Роч большевикъяскөд — ни Ларионовкөд, ни Андриановкөд*** — аддзысьыны эз нин мойви. Кольөм гожөмнас гөрд армеечъяслөн командир Ларионов Пинега ю вылын веськаліс еджыдъяс киө, лыйлісны Кардорса тюрмаын. Коми крайын большевикъяслысь партия да ЧК котыртысь Андрианов Саранпаульö няньла ветлігөн сьөкыда ранитчис и куйліс госпитальын. А Михаил Кочанов, вөлөмкө, Эжва катыдса: чужлөма Носим вөлөстын. Тайө нөшта на матыстис Налимовөс да Кочановөс. Михаил Семёнович вөлі арлыда нин — нелямын сизим арөса, гөгрөсіник мича чужөма, сук сьөд юрсиа, ёсь помъяса паськыд уска, быттө лэбигас лясмунөма ныр горулас бордъяссө шевкнитөм чикыш. Съезд помасян лунас и корисны Налимовөс Кочановлөн кабинетө.

— Со тайө бумага вылас индөма йөзөс, кодъяс вылө партия кутө ыджыд лача,— шыасис Михаил Семёнович.— Тайө списокас и тэнад ним-овыд. Мый йылысь ме сёрнита? Великөй Устюгын воссьоны партийной водзмөстчысьяслөн курсъяс. Ми шуим мөдөдны сэтчө и тэнө тшөтш, Павел Абрамович. Кыдзи видзөдан та вылө?

— А ме вед доброволечөн көйи гижсьыны,— веськыда висътасис Налимов.

— Семьятөм?

— Эм невеста.

— Пармачуркъяд?

— Кулөмдінын.

— Кулөмдінын? Ноко, ноко, кыдзи шуоны невестатө?— окота лои төдны унджыктор Кочановлы.

— Настасья Сладкоштиева, велөдө земскөй училищын, Сергей Варфоломеевичлөн ныв.

— О! Сергей Сладкоштиевкөд ми пукавлім öти парта сайын. Ми вед, носимсаяс, котравлім Кулөмдінса училищеө. Носимад медводдза школайд воссис сөмын сюрс өкмыссө сизимөд воын. Вот кыдзи, да, да...— ус помъяссө шылькнитіс Кочанов.— А велөдчынытө, век жө, ветлы, Павел Абрамович. Згөдитчас олөмад, тэ том на. Кымын ар? Да, да, кызь квайт. Невестаыдды кокниджык лоө вичысыны курсъяс вылысь, а оз бой поле вылысь.

— Сіятө сідз. А кор муннысө?

— Выхь вонас, вежон нель-ө-вит мысти. Укомсянь юөртам тэныд письмөөн, сэні лоө гижөма ставсө, кыдзи да мый.

* А.А.Маеговөс мыжтөг мыжаласны и кувсяс 1942 воын Ветлосян лапунктын.

** М.С.Кочанов кувсяс 1943 воын 72 арөсөн чужан муас.

*** И.П.Андрианов кувсяс Белгородскөй областын 1967 воын 78 арөсөн.

Налимов петіс секретарь ордысь кокни сьолөмөн. Майшөдліс өтитор: бара дыр жежлө янсаласны Настякөд. Кыдзи и Эжва катыдса мукөд делегатъяс, гортас петіс карысь ям новлөддыськөд. Воас Кулөмдінө и павгас Настялөн векньыдик пельпом вылө ыджыд да мича чышгянсө.

* * *

Дас өкмысөд во, февраль. Төдчымөнгя нюжалөны лунгъяс, пыр шөчдъжыка чеплявлө бан бокъястө ывла көдзыдыс. Лун сьөмөсын мыччысьлысь шөнді югөр улын дзирдалөны еджыдсьыс-еджыд лым чиргъяс. Павел Налимов ыджыд мамсө, Мөдей Пеклаөс, гуалөм бөрын вежон сайын лэччис Кулөмдінө. Устюгө курсъяс вылө мунтөдз шуис олыштны Настя ордын.

Мөкей Осиплөн уна йөза коркөя керкаыс кутіс тыртөммыны. Мөдей Пекла кувсис ялбсьытөг, лөня: рыгнас на нинөм вылө эз норась, а асывнас кын. Поконичаөс дзедны волісны тшөтш и Веждімысь став рөдныяс. Митрей воксө да Тимө чождсө вөр керкаө корсьны кайліс Павел. Шуштөммис керка пытшкөсыс Ульяналы, курдылө сьолөмыс, өд өшиньдорса лабичсьыс некор нин сэсса оз аддзыв дона мамуксө. Кор нин и гөтрасъяс Митрейыс? Гажа на лоас Ульяналөн керкаыс, воас кө коркө татчө Лизавета Микиперовнаыс. Мый и оз локыс? Кык ныв на кольө Манефа Павлова дінө, томджыкөсь Лиза серти, но кыкнанныс жө нин невестаяс.

А Павел сідз эз и ошйысь мамыслы аслас Настялөн. Помалас вот курсъяссө, сэсса тон тыдовтчас, кутшөм олөм пуксъяс водзөсө. Гашкө, Пармачуркъяс нинөм и лоө вөчны Павелыслы да. Код төдас на, кытчөдз пырасны Коми муас еджыдгъясыс. Со тай, Печора катыдлань пө Сибирсянь Колчаклөн армияысь отряд нырччө. Еджыдгъяслысь воөмсө виччысьөны Коми мулөн уна пельөсын; крестьяна чайтөны, мый еджыдгъяс мездасны найөс большевикъяслөн реквизициясысь. Бытгьө эз и вөвлы уездса коммунистъяслөн съездыс, комбедгъяс век на ыджыдалөны вөлөстъясын, грабитөны весиг шөркодь овмөсгъясөс, а бурджыка олысгъяс вылө шняпйөдлөны торгья ыджыд налоггъяс. Белогвардеечъяслөн комилань матысмөмыс ышөдіс сувтны крестьянаөс коммунистъяслы паныд. Кыпөдчисны йөзыс Троицко-Печорскын, Саваягын, Пөдчеремын. Ижмо-Печорскөй крайса войтыр бөсгчисны котыртавны еджыд партизанскөй отрядгъяс.

Ичөтик өда би вылын рок моз пуис олөмыс Шорчомын. Йөзөс, и медводз коммунистгъясөс, кутісны бөсгтавны Гөрд армияө. А мунісны эз окотапырысь. Вөлөстгъса партячейкаысь унаөн тшөктісны асьнысө киритны — тадзи көсйісны мездысьны армияысь. Коді эз пет ас вөлянас, на пиысь унаөс вөтлісны, и ячейкаса секретарь Тимушевлөн списокө куимсө коммунистгъяс колисны квайтөн. Войвыв фронт вылө мунысьыс уна йөза Шорчомысь мортмөд и сюрис. Но Сөвет власть дор сулалысгъяс и сійөс путкыльтны көсйысгъяс кутісны котыртавны ассьыныс партизанскөй отрядгъяс. Ваддоровлөн гөрд дружинаысь унджык боегыс гижсисны партизангъясө. Эз узыны и найө, кодгъясөс өбидитісны комбедгъяс. Сэтшөмгъяссө отувтіс Порфирий Самаринөс чождөн шуысьыс, Евстафийлөн воча вокыс, Валерий Самарин. Найө кыпөдчасны сөмын сэк, кор Эжва катыдө воасны еджыдгъяслөн медводдза вынгъяс. Дружинник Жикинөс виөм бөрын Валерийөс мукөд

рөдняйскөд арестуйтлісны жө, и лэдзисны куим лун мысти. Сылы ар кызь кык, сиктын медбур гармонист, во сайын гөтрасис.

Буретш Валерий да нөшта некымын мужик кокныдик вуж додь вылын кыскисны вөрысь Порфирий Порфирьевичлысь да Евстафийлысь пөрчөдөм шойяссө, дзебисны катыдпомса кладбище вылө. Рөдняйс ёна корисны, мед гуавны найөс вичкоюн сьылөдөмөн, но кор тайө юөрыс кывсис ревтрибуналөн веськөдлысь Тарабукины, Родион попөс корлісны исполкомө, өлөдісны, мед пө эз вөв некутшөм сьылөдөм. Торкан кө пө мианлысь индөд, колян тоштөгьд. Но татшөмторйыс Шорчомын некор на эз вөвлы: Самарин ая-пиакөд прөшайтчыны локтісны сюрс гөгөр морт, весиг старөверъяс да моздораныс ичөт кагаа аньяс. Найө кытшалісны покониқьясөс, и ки выланыс гортъяссө кутөмөн, нуисны вичколаны.

Чирыштөм бөрад Родион поп вөлі гортас, вичкокөд орчча керкаын. Вежа айыд эз вермы пыксыны, ковмис кышавны служба нуөдан паськөмсө и петны вичкоө. Сьылөдөм бөрын попөс нуөдлісны кладбище вылөдз, ковмис лыддыны молитваяс и гуяс дорас на. Рытгорувнас Ваддоровлөн дружинаса куим морт пуксьөдісны Родион попөс чижовкаө — властьясөс кывзысьтөмысь. Коймөд лунас попөс вайөдісны вөлөстьса чрезвычайной комиссия вылө. Допрос вылын Родион Поповөс шуисны контрреволюционерөн, Ваддоров да Тарабукин корисны видавны делөсө судын и пуксьөдны тюрьмаө. Судитөмлы паныд сувтіс Лодыгин, повзис сиктса войтырлөн шызьбөмысь. Тадзи Родион поп петіс вөля вылө, водзө нуөдіс службасө.

Рөштво луньясө, вежон куим сайын, Родион чождө видлыны Веждімянь воліс Апполиария — Манефа Павловналөн дас вит арөса шөркост нылыс. Сійө и вайис мамсянныс письмө. Мича почеркөн гижөм юөрсө Родион молитва моз нин наизусть төдө, но выльысь лыддытөг оз кольлы лун. Манефа чойыс посклоннө висьталөма чекист Павел Налимовлөн, сьлөн мам, пармачуркса Ульяналөн сы ордө волөм йылысь. А сы йылысь, мый Лиза аддзысьлө Митрей пиыскөд, эз вөв кыв ни джын. Да и гижнысө сы йылысь, тыдалө, абу вөлөма коланлуныс. Апполиария (шуисны Рияён) и сідз на ставсө висьталас чожыслы. И висьталіс. Та мында вьльтор төдмаліс Родион, воштіс унсө, и ачыс аскөдыс нинөм нин вөчны эз вермы — сэтшөм окота лои аддзысьлыны Ульянакөд. Ладнө, аски жө кайлас Веждімө, висьысь мамсө видлігмоз. Гашкө, мыйкө бара на төдмалас Ульяна йылысь.

Манефа Павловна гөгөрвоис вокыслысь майшасьөмсө, и Веждімө воан лунас жө, быгтгөкө пырмунигмоз, висьталіс ставсө, мый кывліс Митрейсянь кольөм вөскресенньөө. А Митрей бөръя кадыс, быд волігөн, повтөг нин пыравліс Лиза ордө гортас. Шуны кө стөчджыка: ныла-зонма олісны жөника-невеста моз. Митрей и юөртіс, ыджыд мамө пө кувсис, а Павел вок пө муніс кыгчөкө роч карө велөдчыны, ачым пө кая ыліса вөр керкаө вежон куим кежлө, каям пө зятькөд — Косьта Ванькөд. Чойсянныс став тайө кывлөмторйыс вөлі кивыв Родионлы, мед аддзөдчывны Ульянакөд. А мый шуасны пармачурксаяс, казьявласны кө Мөкей Осип Уля ордө төдтөм мужичойлысь пырөмсө? Аски субөта, петас Пармачуркйө рыгья рөмыднас верзьөмөн. Шоныда пасьтасяс да дас версттө весиг йирмөг оз босьтлы, оз кө пашлякөн лыйсьымөдз көдздөд. Кывсяс кө волөмыс, нинөм на оз и ло лөкыс: Митрей да Лиза йылысь пө сёрнитыштны воліс нылыслөн поп чожыс, таdzi

мед шуас Ульянаыс дай. Өд грездын кывсис нин, Өврам Митрей пö гөтырпусö Веждимысь аддзöма, сы вöсна и татчöс нывъяс динö веськодь.

Чойыскöд сёрнитчöм бöрын и петис туяс Родион. Синкымöдзыс лэдзöм пеля шапкаа, тулупа, гын сапöга. Век жö, тöвнад деливö верзёмнад, дай ситан улас дзуртысь седлöйс эз кажитчы Родионлы. Ладнö, веськодяс, мед дзуртö. Кутшöм бара-й аддзысьöм лоас Ульянаыскöд-а? Тöдас-ö томдырся дзормыштöм тошка Мус-лунсö талунъя дöва-аныыс? А вот Родион, коляс кöть быдса нэм, тöдас Ульянаöс. Чеччö сьölöмыс Родион Поповлөн, шуласны тай: колö и полö. Бөръяысьсö вуджліс тайö туй костсö во кызь сайын, гождöмнас. Сэки кö гөгөр мича да шоныд вöлі, öвтис вөрсяныыс чöскыд дукъясөн, чипсісны кайяс, öні öтарö еджыд лым, мусянь енэжöдз еджыд морöса, еджыд синъяса, еджыд лов шыа чöвлун. Нюжалöны лунъяс, пыр частöджык мыччысьлö енэж лöзыс. Радейтö енэж лöзсö Родион, öд тайö рöмыс уськөдö сылы тöд вылас Ульяналысь ыджыд лөз синъяссö.

Кодкö-быгтьö тупкис ывла öшиньяссö, Родион син водзын гөгөр другөн рудöдіс, тöвся пемыдыс варыш моз шевгöдіс бордъяссö ойбыртöм вөр-ва весьтö. Со и парма чурк бокшаö вугыртöм Пармачурк грезд — битöм керкаяс, эз кывны ни гөлöсьяс, ни понъяслөн увтыштöм, көзяинъясыскöд найö вөралöны. Со, со, öти öшиньын дзукнитис би, но öдйö бөр саяліс. Кутшöм керкаын чусальштö биыс? Веськыдыввисянь мöдас — буретш Ульянаяслөн керкаын. Ёпкö сьölöмыс Родионлөн, оз кö ланьтышт, поткöдас морөссö. Лөньöдö асьсö: оз гусясьны лок, локтö аддзöдчывны уна во сайö кольöм Томлуныскöд. Восьтас-ö öдзөссö Ульянаыс? Восьтас-ö? Öшинь увсö весалöма лымсьыс векныдик южмöм мир туйöдз. Öти потшöс прасла абу тупкöма, позьö пырны карта öдзöс дорöдзыс. Колö вöчны сідз, мед эськö эз повзьи Ульянаыс. Нывбабаыд, тыдалö, кыліс пос помсьыс лым дзуртöмсö, восьтис кильчö öдзөссö. Киняулас корöся, лэптыштис вывлань дзузган биа пу пöнарсö, юаліс:

— Эз-ö нін лок кодкö?

— Примит виччысьтöм гөстьöс, Ульяна. Ме тайö, Родион...— тошсьыс гыöрсö пыркнитис мужичöй, пөрччис шапкасö, улöдз копыртис юрсö нывбаба водзын.

— Родион?! Господьöй-Енмöй, збыльысь мöй Родион?— тöлк вывсьыс вошис Ульяна, оз сяммы воськовтны ни водзö, ни бөрö.

— Сьöрысь поклон тшöтш вайи Манепасянь да Лизаветасянь.— Родион веськөдчис, паськөдіс тулуп пöласö и топöдіс морөс бердас шöйөвошöм нывбабаöс, тошнас жмитчыштис небыдик аньлөн чужöмбан бердö и дыр эз вермы личöдны асьсыс кияссö.— Вот и аддзысис, Енмыс бара на аддзöдіс тэа-меаöс...

Вөлöс йöртисны картаас, сувтöдісны туруна лясни дорö. Пырисны керкаас, ен ув пельöслань чужöмөн Родион пернапасасис и босьтчис личöдчыны. Ульяна сувтöдіс пöнарсö öдзөсдорса лабич помö, кыпöдыштис петельсö, ачыс пуксис жö лабичас:

— Вай кöть видзöдла тыр синмөн.

— А тэ, Ульяна, кутшöм вöллін том дырйиыд, сэтшöм и колöмыд. Век татшöм мичаөн и сулалін тэ менам син водзын.— Родион пидзöсчанысис, юрнас жмитчыштис нывбаба морөс бердö.

— Ой, менам вед пылсаянöй кöдзалас.

— Корöсьыд сюрас... менлы вылö?..— найö видзöдісны öтамöд вылас и пыр на эз эскыны: вöt али вемöс тайö аддзысьсöмыс?

Водзынджык, киас муртса чусалысь пöнара, дженъыдик воськовъясөн восьлаліс Ульяна. Сылөн кок туй кузя, киняулас кык корöся, вöтчис Родион. Пывсяныс стынбöжас, джынвийö сунöма лым пиас. Сувтисны öта-мöдыслы мышкөн, пöрччысисны кöдзыд пöварняас. Кöзьяйка пырис пывсянінас кузь улыс дöрöмөн, мöдыс дзик пасьтöг, мода вылас гөг весьтас кутіс кос корöсьсö. Дзузган лампаа пöнар öдва югдöдіс са стенъяса пытшкöссö.

— Уп, тані межöс поэö жаритны,— ывла бöрад сотыштіс-чепöльтіс жарыс Родионлысь пельяссö.

— Бура тöпитчöма, чöскыд жарыс. Мен яндзим, Родион... Уна во коли сэксянь, пöрысьмис менам вир-яйöй...

Код тöдас, корсянь пывсьö коми морт. Ляпкыдик, из горъя, ичöтик öшиня, выліс джоджа съд пывсян. Гор вом дорас ыджыд чугун, кунва сэн. Кыдз пу пескысь пöим кисьтöны пöсь ва пиö и артмö нильöг кунва. Порог дорас кöдзыд ва пельса. Сэні жö пеша вор, коса пурт, кузя юклалöм кос сартас чукöр. Вылыс джодж дорас лабич. Чеччис лабичсьыс Родион, и кыдзи коркö Изъяю берегын, павтыртіс бöжладорсянныс нывбабалысь кузь дöрöмсö:

— Пармачуркса кöлдуння, тэ нэм кезлö сьмилитін менö.— Нывбабалөн ыджыд нёнъяса морöс вылысь Родион казьяліс ассьыс коркöя козинсö — эзысь пернасö. Сэтшöм жö öшаліс öні аслас морöс вылын. Кыкнан пернасö киас на кутліс унайыс — Владимир поп.

— Помнитан ассьыд козинтö? — ассьыс пернасö окыштіс Ульяна.

— Помнита. Сія кадсьыс ме быд здук помнита. И тэнсьыд пу пернатö видза, сія пернаыс вöлі тэ йылысь дзик öти казьялантор.

— А мен тэ йылысь век казьятыліс тэнад пиыд... О, Енмöй! Мый нö лови мекöд? Оз эскыссьы, мый тая аддзысьöмыс збыльтор.— Аньыд кыкнан кинас тупкис чужöмбансö.

— И мен оз эскыссьы,— Родион топöдіс нывбабаöс морöс бердас. Ульяналөн кузь, кос юрсиыс павмуніс пельпом вылас. Еджыдик, кызіник, небыдик, сійö сибдіс мужичöйлөн доналöм вир-яй бердö.

— Ме пöрысь, да? Пöрысь?— сöмын и шуаліс Ульяна, ассьыс колöмсö пöдтігмоз.— Мен нелямын вит, сизимöд во дөвуйта. Прöстит менö, Родион, тэнö радейтöмысь...

— Тэ век на сэтшöм, кутшöм и вöлін Изъяю берегад, сöмын ещö на мичаджык сэкса серти.— Родион мырдөн кутіс асьсö мужичöй удж вöчöмысь. Велалöма нин да, вермас кутны асьсö сы мында, мыйта ковмас. И сы здукö ачыс Ульяна сетіс тöдны:

— Нöрöвитлы... Вай лолышта, уси эбöсысь. Лöняс сьөлöмöй и сэки...

— Пуксьы, ме тэнö мыссьöда,— личöдіс ассьыс сывсö Родион.

— Ачым, ачым. Сöмын вай лолышта.— Нывбаба пуксис лабичö кокъяссö топöдöмөн, нёрынтьіс юрсö пидзöсланьыс.

Родионлөн сэтшöма бырöма гажыс анюловсьыс, нелямын вит арöса Ульянаöс пуктіс кага туйö: мыськис и пожьяліс нывбабалысь кузь юрсисö. Сэссия Ульяна веськöдчис, гезйöс моз пыдзыртіс лёзьмунöм юрсисö, гартовтіс балябöжас. Кисö быд вöрзьöдöмысь сыркмунліс пемыддöз нёнъ юрыс, да и ачыс нин ставнас сыркмунліс пасьтöм мужичöй водзын, но кыкнанныс терпитісны. Родион кадсö нюжөдöмөн, тыдалö, кöсйис петкөддыны: эг пö лок ме татчö мусукасьöм ради, а локті пö тэнö радейтöм ради.

— А öнi вод вылис джоджас,— Родион суйлис кос корöсьсö пöсь ваö, койыштіс гор вылас. Ру весьтас кутыштіс корöсьсö и лоис небыдсьыс-небыд, и босьтчис шлапöдны нывбабалөн лайкола мыш кузя. Шлапöдыштас, сэссия зыралыштас — и тадзи голи дорсянныс кок бöрлядзыс.

— Родион...— ымöстыштіс Ульяна.

— Кылза.

— Тэ век на менö радейтан?

— Радейта. Ме эг и дугдыл тэнö радейтöмысь. А öнi бергöдчы.

— Ой, Родион, водзсянныс ачым.

— Ноко, живо бергöдчы,— Родион бара койыштіс васö гор вылас, шылькнитіс корöсьсö и босьтчис шлапöдны гатшвидзысь нывбабаöс нöшта на небыдджыка.— Помнитан Изъяю берегтö?

— Помнита. А тэ помнитан, гашник көлтö тай рази?

— Помнита. А тэ помнитан, кызди курччасисны кодзул-котьясыд?

— Помнита. А тэ помнитан рынышад кутчысьлöмтö?

— Помнита. Ме некор сійöс эг вунöдды,— Родион небыда корöсяліс нывбабалысь Эжва моз гыалысь морöссö, Эжва бокса лапта кодь шыльыд кынöмсö, а кор воис быттö пармачуркса пемыд вöраинö — гөг горулас, воштіс кутöдсö, кисыс усис корöсьыс.

— Кусöд пöнарсö,— корис Ульяна, казяліс Родионлысь помöдз öйöм-зэлаёмсö да.

— Кусöда,— вежсьöм гөлөсөн вочавидзис мöдыс.

— Век на тэ сэтшöм му-му-мусаник...— öдва шöпкөдіс Ульяна и сывйыштіс мужичöйöс доналöм сьылі гөгöрыс.

* * *

Шоръяслөн дзользьöмөн, лэбачьяслөн сьылöмөн, няйт уличаясөн локтіс Коми муö тулыс. Сэссия видзьяс да лудьяс вежөдісны том турунөн, вöччисны уна рöма дзоридзьясөн, быттö муыс лöсьöдчис венчайтчыны югыд шондйскöд. А Коми крайлөн Войвылын муніс война...

Тулыснас гөрдьяс мунісны Удораысь, бöрыньтчигас веськыда куштісны Печора, Вашка да Мезень пöлөнса сиктьяс да грездьяс. Сэтчöс олысьяслысь мырддялісны вöвьяс, нянь-сов, чекистьяс нем жалиттөг лыйлісны Сöветьяслысь власть кулитысьясöс, налы паныд сулалысьясöс, тшöтш и пленнöйясöс. Яренскö заложникьяс пыдди нуисны вузасысьясöс, вичкоын служитысьясöс, кулакьясöс.

Гожöмнас Печора вылын котыртчис еджыдьяслөн Войвывса дасöд Печорскöй полк, кытчö медясö пырисны печораса крестьяна — ежыд партизаньяс. Налы вöлі шуöма петны Эжва йывса сиктьясö, бырöдавны гөрдьяслөн Кай-Чердынскöй полкысь караульнöй ротаяссö и тадзи воөдчыны Сыктывдінкарöдз. Печорскöй полкы отсөг вылө Кардорын котыртчис Особöй Вычегодскöй добровольческöй отряд капитан Орлов юрнуөдöм улын. Кодьяс пырисны тайö отрядас? Кызвыныс коми йöз, вöвлöм гөрд армеечьяс, кодьяс служитлісны войвывса полкьясын — кодьяскö веськавлісны пленö, кодьяскö и асьныс вуджисны еджыдьяслань. Ачыс Орловыс роч, дворянин вужйысь. Кызь вит арöса капитан Орлов водзö вöлі сувтöдöма мог — Удора пыр пыськөдчыны Эжва горувса сиктьясö и котыртавны сэн властылысь земскöй органьяс.

Орловы отсасысьсөн индісны Степан Латкинöс — Войвыв

областьысь Временной правительствоса уполномоченнойос. Асьсё шуліс Вөлөгда губернияса начальникон. Латкин вөлі коми, бать вуж сертиыс нёбдінса. Мыйкө дыра уджавлөма Сыктывдінкарын уездной агрономон, вөвлөма уездной земской управаса юралысьон. Большевикъяс арестуйтлісны, но пукаліс регыд — веськаліс политической амнистия улө. Сэсса веськаліс Кардорө. И öні комын куйм арөса Латкин пискөдчис чужан муас, медым Орловкөд öтвылысь котыртавны Эжва вожын гражданской власть — Советъясон путкыльтөм земствояс. Орловлысь отрядсө мод ног шуисны доброволечьяслон зырянской отрядон. Сэні вөліны тшөтш и вөвлөм гөрд командиръяс, а öні штабс-капитанъяс, прапорщикъяс, поручикъяс.

И сідз, Эжва вылө еджыдъяс зырсины кык нырөн. Октябрь помын Орловлөн отряд кокниа босьтіс Айкатыла. Латкин пыр жö чукөртіс крестьяналысь скод, көні медводз сёрнитіс ачыс Степан Осипович — ыджыд тушаа, вылын юра, картуза, руд шынель вылас югыд ыргөн кизьяса, дзормыштөм тшөтшыд тошка, зарни ворча öчкиа чиновник, губернияса начальник:

— Бырөдам большевизм и бөр бергөдам сійө кадсө, кор эз вөвны ни реквизицияяс, ни конфискацияяс. Менам друг капитан Николай Петрович Орловлөн отряд кутас мездавны большевикъясысь сикт бөрся сикт. Кутам восьтавны вөлөстыясын земской управаяс, сувтөдам кок йылө полиция, школаясө выльысь пыртам Енлысь законъяс. Öти кывйөн кө, бөр лөсьөдам Коми крайын лөнь олөм. Ми некодөс огө кутöй лыйлыны. Мөдарө: пленө сюрөм гөрд армееच्याсөс, кодъяс ас вөлянас оз көсийыны пырны миян радъясө, лэдзам гортаныс, мед босьтчөны мирной олөмө. Большевикъясон жуглөм государствовын быдөнлы сюрас удж. Ми огө кутöй некодөс мыждыны-дзескөдны. Ми кутам вайөдны кывкутөмө сөмын коммунист-комиссаръясөс, кодъяс кисьтөны народной овмөс, а сідзжө найөс, кодъясөс шуас сиктса скод. Эжва катыдсянь миянлы воча локтө дасөд Печорской полк. Эжва йывсянь Эжва горулөдз, и Сыктыв вожын регыд лоас выль власть!

Скод вылын чөвтисны волисполком, сы пыдди бөрйисны земской управаө выль йөзөс. На пиысь öти гораа лыддис Степан Латкинлысь Кардорын на печатайтөм «Эжва пөлөнса олысьяс дінө!» шыөдчөм. Айкатыласа поп нуөдіс еджыдъясөс нимөдана служба. Сикт дорын пленө шедөмъяс пиысь кодсюрө ас көсийөм сертиыс пырис Орловлөн отрядө.

Кык вежон мысти, ноябрь дас коймөд лунө, поручик Вяткинлөн батальон босьтіс Вөльдин. Гөрдъяслөн Кай-Чердынской полкысь караульной ротаса салдатъяс мыйкө мында водзсасисны, сэсса пышгьялісны коді кытчө, медсясө Чердін уездө. Мөд лунас еджыдъяс кокниа пырисны Пожөгө да Помөсдинө. Тані найө куйм лун чөж вина юөмон пасйисны ассыныс вермөмсө.

Сійө жö лунас коммунистьяс, гөрд армееच्याс, советской учреждениеясса уджалысьяс водзсасьтөг энөвтисны Сыктывдінкар. Медбөръяөн петіс карысь караульной командакөд Маеговлөн штаб. Карса йөз, кодъяс колисны властьтөг, грабитисны магазинъяс да складъяс. Ноябрь дас витөд лунө, лун шөрнас, вичкояслөн жыннян шы улын, карө пырисны еджыдъяс. Сэсса воис сэтчө и ачыс Латкин, пыр жö босьтчис лөсьөдны пөрадок.

А шорчомсяс нуөдісны ыджыд собрание, кытчө чукөрмыліс морт сизимсө. Найө примитисны документ, сэтчө вөлі гижөма: «Ми, Шорчом сиктса крестьяна, öтсөгласөн мыччам ассыным кинымөс

белогвардеечъяслы. Кутам тїян вылө лача, мый ті пыр кежлө мезданнїд миянлысь сиктнїмөс большевикъясысь...» Шорчомө кольччис Печорскөй полклөн өти батальон, сылы отсасис еджыдъяслөн дружина, кодөс котыртис Валерий Самарин. Ваддоровлөн партизанскөй отряд мунис вөръясө, морт сө, кодъяс сулалөны Сөвет власть дор; накөд пышїисны и Тарабукин да Тимушев. Мыйкө вылө лачаөн кольччис сиктө волисполкомса юралысь Лодыгин.

Валерий Самаринлөн дружинаын унджыкыс том йөз, сизимдас кык морт, пияныс налөн, кодъяслысь комбед мырддяліс эмбурсө. И со, воис водзөс мынтан кад, заводитчис еджыд террор. Öти войө арестуйтисны кызь вит мортөс, тшөтш и Дорофейөс — Самарин ая-пиаөс вузалөмысь. Бөр мырддялісны став вөвъяссө да сетисны воддза көзиянъяслы. Исполком керка весьтө гөрд флаг пыдди лэптисны еджыдөс, волостнөй Сөвет пыдди бөр лоис земскөй управа. Крестьяналөн скод вылын Валерий Самарин, вичко жыннїян кодь кыз гөлөса, лыддьөдліс нимъяссө налысь, кодъясөс пуксьөдөма чижовкаө. Сэні жө юөртис:

— Сөветъяс исполкомөн веськөдлысь Лодыгин сетис кыв служитны выль властьюслы, мөд ног кө, земстволы.

Скод вылө чукөртчөмъяс корисны мездыны вит мортөс, на лыдын училищеын кык велөдысьсө, куим вөвлөм коммунистөс — найө пө лёксө нинөм эз вөчны. Кызь мортөс — гөльяслөн комитетса шленъясөс, тшөтш и Дорофейөс, да сиктө кольччөм гөрд дружинаса некымын мужикөс, корисны вештыны син водзсыныс кыгчө гажныс, мездөй пө сиктнїмөс татшөм горш йөзсыс. Ваддоровөс, Тарабукинөс да Тимушевөс корисны кутны и ловъявывсыныс суйны йи куд улө. Родион попөс тшөктисны нуөдны еджыдъясөс аттьоалана молебен.

Скод помасьөм бөрын Валерий Самарин да сылөн дружинаысь морт кызь пырисны управаса медыджыд залө, кыгчө и вайөдлісны арестантьясөс — өтпырейө кык-куимөс. Валерий абу вунөдөма, кызди чижовкаө нуөдигөн гөрд дружинникъяс чужъявлісны сїтанас, пищаль лөжаөн зурлісны сьылтшупас. И со өні ачыс перйө водзөс. Пукалө зал шөрын бөра улөс вылын, куритчөмысла пемдөм пиньяссө жерйөдлігтыр ворсө «Шондїбан». Куим том морт, кианыс плетяөсь, мырдөн йөктөдөны арестантьясөс. И йөктөны. Дутдан кө, сетөбтасны сьылі кузяыд. Валерий мудзө ворсөмысла, и сы пыдди пуксьө гудөкасыны мөд. Йөктөдлісны ныр выланис усътөдз.

Медся дыр тешитчисны гөрд дружинник Лютоев вылын, кодї вөрө пышїйгөн веськаліс катыдпомын караулы сулалысь салдагыяслы. Буретш тайө Лютоевыс веськөдліс Самарин ая-пиаөс вөтөдөмөн. Лютоевөс, кор йөктөмысла кокъясыс лоисны сїйөс кучкалысь плеть кодбыс, вомас кисьталөмөн юкталісны самөкурөн, войнас нуисны вөрө и лыйлісны. Аскинас став арестантсө мөдөдісны Помөсдінө, көні сулаліс еджыдъяслөн карательнөй рота. Туй костас лыйлісны нөшта нель мортөс, тшөтш и Порфирий Порфиревичлөн шоныд пася Дорофейөс.

Эжва бокса уна сикт-грездъясын еджыдъяс вотөдз на лэптисны еджыд флагъяс. Сэні этшаджык и вөліны өта-мөднысө виөмъясыс. Тадзи и вөчисны веждїмса веськөдлысьяс Яков Бульшев да Никонор Напалков. Мед раммөдны өбидитөмаясөс, аръявылыс мырддялөмторъяссө бөр сетисны көзиянъясыслы. Магазeya кумысь өтувъя няньсө дзекисны вөрө. Пөрадок видзны Веждїмө воисны Кулөмдінысь винтовкаа вит морт — ставныс комияс, Печора вожса

крестьяна. Сувтöмаöсь еджыдъяс дор, мед тышкасьны Мандельбаумлөн отрядса гöрд армеечьяскöд. Веждимсакöд регыд аддзисны öти кыв и пöрадок видзöм пыдди куим лун чöж эз палявлыны — бутькисны самöкур. Коддзöм бöраныс öти и сийö жö пеж кывъясөн видисны и гöрдъясöс, и еджыдъясöс. Сэсся öвтыштисны кинаныс и бөр лэччисны Кулöмдинлань.

Кулöмдинса моз бурасö еджыдъясöс öдвакö кöнкö вочаалисны. Кор на найö кодалисны Помöсдинын, РКП(б)-лөн кулöмдинса организация тэрмасьöмөн лöсьöдчис белогвардеечьяслөн воигкежлö. Коммунистъяс, сё кызь кык морт, лун джын соборуйтисны, тöлкуйтисны, мый колö вöчны, мед эськö эз вöв некутшöм зык-шум, мед эз вöвны некутшöм лыйсьöмъяс. Асланыс собрание вылö корлисны весиг шленьясöс эсеръяслөн сиктса организацияысь, кодöс асьныс большевикъяс жö и тупкисны кык во сайын. Эз ставөн локны, но Максим Рассыхаев да нöшта морт-мöд воисны. Шорчом гөгöрын кö шычкиртисны гöрд партизанъяс, Кулöмдинын вöли лөнъджык. Тани эз сулав гöрд армеечьяслөн гарнизон, а Помöсдинын моз жö вöли омöлик оружиеа караульнöй рота. Еджыдъяслы паныд сувтны эз вöвны колана вынъяс. Тайöс бура гөгөрвоисны и этша грамотаа либö дзик грамотатöм коммунистъяс, и унджык велöдчöм эсеръяс. Собрание вылын медводз корис кывсö телефоннöй станцияса начальник, большевик Бобров:

— Сыктивдинкар еджыдъяс кийн. Уездын властьсö ас киас босьтöма губернатор Латкин. Талун-аски Эжва йывсянь белогвардеечьяс воасны Кулöмдинö. Гöрдъяс сайын сöмын нин Луза вож да Сыктив катыд, Мыйөн ставыс тайö помасяс — ог тöд. Но звöнитлис мен уездса начальство и юöртис: нюжöдöй пö выль телепон линияяс, мöдöдiм пö некымын додь кабель.

— Уна-ö сийö некымын доддыс? — шыасьлис кодкö залсянь.

— Стöча шуны ог вермы. Верст сё, гашкö и, унджык. Но телепоныд колö любöй власть дырйи. Менам ставыс.

— Позьö кö, вайö ме кыв-мöд шуа,— сувтлöмөн вöзйисис Максим Рассыхаев.

— Рассыхаев, кыз тöданныд, абу большевик. Кутам кывзыны? — юалис собрание нуöдысь.

— Мед сёрнитö!

— Кывзам, кывзам, валяй, Максим Максимович.

— Тайö документыс меным веськалис час сайын,— Рассыхаев кыпöдыштлöмөн мыччöдлис бумага листъяс.— Вайисны карсянь, печатайтöма типографияын, бöрыннас верманныд видзöддыны. Эз кö вöв тайö документыс, эг и лок эськö тiян собраннö вылö. Ме, социалист-революционер, некор ог кут мунны большевикъяскöд öтув. А господин Бобров висьталис збыльтор: карын кöзьяиныс Латкин, кырымасьö Вöлöгда губернияса начальникөн. Тайö документсö буретш сийö Латкиныс и кырымалö, шусьö — «Эжва пöлөнса олысьяс динö!» Позьö лыддыны?

— Позьö! Позьö!

— Ладнö, тiян сöглас серти лыддя:

«Кык воись дырджык нин Россияын ыджыдалöны большевикъяс. Найö кöсйисны сетны став войтырлы нянь, мир, лөнълун. Найö кöсйисны сетны войтырлы тыр вöля. А мый жö аддзам збыльвылас? Нянь абу и оз ло. Öни комиссаръяс мырддальöны нянь кусöкнытö ассыныд, Эжва вожса олысьяс! Мый тi кутанныд сёйны? Тiянöс виччысьö тшыг олöм, гашкö и, тшыглы кулöм.

Большевикъяс кöсйисны сетны тiянлы мир. Мый жö тiянлы

вичмис? Мир пыдди нуодоны мобилизация бёрся мобилизация. Вир киссьо юясон. Большевикъяс косьисны сетны тиялы лоньлун. Ти та пыдди аддзанныд комиссарской револьверъясон да коммунистической штыкъясон повзёдчём. Быд керкаын киссьо мамъяслон, готыръяслон, челядьлон да невестаяслон синва.

Большевикъяс смекайтчисны сы вылын, мый ми лыддям медся донаон да вежаон. Найо смекайтчисны православнойяс вылын. Манастыръяссыс вочисны тюрьмаяс, вичкоясыс — казармаяс, вежа дозмукъяссыс большевикъяс юоны водка.

Йоз уна нин терпитисны, но быд терпеннолон эм пом. Россия пасытаын йоз кыпёдчоны увтыртёмлы паныд. Крестьяна котырталоны отрядъяс да сувтоны мустём большевистской правительстволы паныд. Весиг петроградса рабочойяс, кодъяс водзти вёлины большевикъяс дор, сувтисны налы паныд. Гёрд армеечьяслон быдса полкъяс ас вёлянас сетчоны еджыдъяслы, котырталоны торъя воинской частъяс. Оти татшом отряд, кони пошти ставныс зыряна, локто мездыны большевикъяслон нартыс рөдимой Эжвасо.

Эжва пөлонса олысьяс! Тырмас терпитны большевикъясос, тырмас тшыгъявны да быдторйыс повны! Тырмас тешитчыны вичкояс вылын! Тырмас лыйлыны пөрыс йозос, нывбабаяс да челядьос!

Войвыв правительство чуксалө тэнө, Эжва пөлонса олысь, путкыльтны Совет власть, мед сэсса пыр жө чукөртны Россияса став войтырлыс Учредительной собрание. Сийө и коряс Россияон веськөдлан туйсө! Сөмын став йөзлон Россияса Земской Собор вермас сетны ставнымлы и мир, и нянь, и чөвлун». Сэсса мунө кырымпас: «С.Латкин, Вологодской губернияса начальник. Сюрс өкмыссө дас өкмысод вося ноябрь дасод лун». Но мый, господа коммунистьяс? Ме тайө шыөдчөмас дась кырымасыны быд строка улө. И чуксала тиянос вочаавны еджыдъясос няньон-солон да вичко звонон.

— Гижөма тай Латкиныд эськө лөсьыда, но мый на водзө лоө? — шызисны залын.

— Көть мый, но ме ачымөс кора черкнитны большевикыс.

— И ме тшөтш жө кора киритны.

— Вайө нөсь, менө черкнитой жө.

— Энлө, энлө, бырөдам али мый организациянымос? — повзис собрание нуодыс. — Перво-наперво, вайө гөлөсуйтамой, кызди кутам вочаавны еджыд гөстъясос? Няньон-солон али беддён-паличон?

— Няньон-солон!

— Тьпу! Еджыдъясид нинөм бурсө оз вайны. Чич ныраныс нянь-сов пыдди налы!

— Видзөдласъяс абу откодъось. Коді сы вөсна, медым вочаавны няньон-солон, кора лэптыны кинытө. Лэдзөй. Коді паныд? Нельон паныдөсь. Но вот, отитор ясыдмис. Оні колө бөрийыны йөзос, кодъяс мунасны кианыс нянь-солон. Коді көсий — лэптөй кинытө, — сёрнитис собрание нуодыс.

Кисө лэптисны морт кызь.

— А оні лэптөй кинытө найө, кодъяс көсьянный петны миян парторганизациясыс.

Лэптисны морт комын.

Мөд лунас, лун шөрөдз на, сикт катыдпомө, Помөсдинө вөлөклань, мунис большевикъяслон делегация сьораныс няньон-солон. На бөрся вөтчисны и мукөд войтыр, верстыө и челядь, ставыс

морт кыксё. Тыдовтчисны вёла-доддяяс, верзьёмаяс, подён шлапиктысьяс — кодкё шынеля, кодкё пася, джуджыд шапкааоёс, пельпом саяныс винтовка, уналён бокас лётъялө сабля.

— Сто-о-ой!— саблясё вылө лэптыштлёмөн чилөстис водзын мунысь верзьёмаыс, паськыд уска штабс-капитан. Салдатъяс сувтисны. Офицер да сы бёрысь нёшта кык верзьёма седлө вылас лайкъялігтыр рөдйөн матыстчисны вочаалысьяс дінө. Штабс-капитан лэччис вөв вылысь, сылы паныд сувтисны куимөн: шөр-акостаныс коммунист Уляшев, сылөн кыын крестөн вышивайтөм помъяса кузь ки чышкөд вылын гөгрөс нянь тупөсь, сэні жө сов.

— Милости просим!— юрсө улө копыртлёмөн шуис Уляшев.

Офицер чепөльтис няньсө, няклялыштис вомас и нылыштис. Буретш сэки кывтыдладорын ыліса гым моз кылісны вичко жынн्यानъяслөн брунган шыяс.

— Туйыс тиянлы восьса, ваше благородие,— мөдысь копыртчыліс большевикъяслөн делегацияён юрнуөдысь.

Штабс-капитан кокниа сөліс седлө, өвтыштис кинас и еджыдъяслөн батальон вичко жынн्यानъяс шы улын пырис сиктө. И жынн्यानъяслөн брунгөмыс эз лөньлы куим лун чөж. То өтилаын, то мөдлаын дөлалисны куим рөма флагъяс.

Эжва катыдса, сіджө и Сыктыв вожса уна сиктъясө белогвардеечыяс пырисны ыджыд бойястөг — некодкөд вөлі воюйтнысө. Мөдарө на, уналаын виччысисны налысь воөмсө зэв кыпыда, ен-өбразъясөн да молитваясөн. Эжва йывсянь Сыктывдінкарөдз туй вылын эз сулавны Гөрд армиялөн некутшөм частъяс. Сьөкыд косъяс мунисны Яренскөй уездын. Куим вежонөн Яренск карсө кыкысь босътлісны еджыдъяс. Ноябрь шөрын Коми муным пөшти ставнас вөлі на кыын.

Көнкө Чукаыб дорын синсьыныс би петмөн водзсасисны ревкомса юралысь Маеговлөн да уездса военком Юркинлөн өтувья отрядъяс. Найө пуктисны ыджыд вын, петкөдлісны повтөмлун, мед сувтөдны гөрд армеечыяслысь лунвыввань өтарө бөрыньтчөм. Кодсюрөяс эз көсйыны воюйтны и пышгъялісны отрядысь, мөдъяс виччысисны стрөка, мед вуджны еджыдъяс дор. Та вөсна красноармеечыяс пөвстө вөлі разөдөма ревкомлысь чорыд приказ. Сы серти провокаторъясөс да предательясөс позис лыйлыны места вылас. Лун-мөд сайын на еджыдъяслы сетчис гөрдъяслөн усть-вымскөй группировкаөн командуйтысь комын арөса Александр Прокушев — Вотчаын чужлөм морт, царскөй армияса штабс-капитан, сыктывдінкарса вөвлөм комендант. Латкин сетис сылы белогвардеечыяслысь отряд, кытчө пырисны тшөтш и карса доброволечъяс, да тшөктис петны Сыктыв паныд Кибралань. Сэні и кутас виччысьны Прокушевлөн отрядыс Эжва катыдысь Печорскөй полкса частъяслысь воөмсө. Но тайө планъясыс эз збыльмыны. Еджыдъяс эз вермыны босътны Чукаыб, ачыс Прокушев ранитчис и бөрыньтчис Визинө.

Эжва вожын еджыдъяслөн өдйө водзө мунөмыс шызьөдіс, весиг повзьөдіс квайтөд Гөрд армиялысь командованиесө, а сіджө Войвыв Двина губернияса чина йөзөс. Великөй Устюгын коми велөдчысьяс пөвстысь унаөн вөзйысисны фронт вылө. Вөзйысис и Павел Налимов. Настялы юөртны та йылысь эз вермы, письмөйс эськө вошис кытчөкө туяс. Ачыс на тшукөн эз төд, кыззи кутас писькөдчыны Сыктывдінкарө. Но буретш сэки квайтөд армиялөн командование Луза көрт туй станцияын (Великөй Устюгсянь небын) котыртис Вычегодскөй крайысь еджыдъясөс

бырөдөм кузя торъя штаб. Тайо штабыс мөдөдiс Яренскöй уездö гырысь военнöй вынъяс — матрос-десантникъясöс, красноармеечъяслысь некымын рота, артбатарея, чекистъяслысь отряд, кöни вöли тшöтш и Павел Налимов. А Сысольскöй фронт вылö подразделениеяс мөдөдiс Вяткаса губисполкомлөн военнöй совет.

Гöрдъяслөн штабыс, Яренскса группалөн, вöли Лена сиктын. Капитан Орлов зырсис тайо сикт вылас, кöсийс тан жугöдны советскöй войскаос и Рöштво кежлö босьтны Котлас. Николай Орлов воюитан опытсö босьтiс мирöвöй войналөн фронтъяс вылын. Австро-германечьяскöд косясын смеллунысь фронтвывса частьасö волiгөн сар Николай пысалöма поручик Орловлөн киö гижöда зарни часi. Ачыс вöли синмö шыбитчйтöм: неыджыд тушаа, косiник, векныыдик кымöса да зэв смел сьöд синъяса, уставитан сяма видзöдласа да гора, тшöктан гөлöса. Салдатъяс полiсны асланыс командирысь. Атакаö зырöдлiс медводзын, аслас збойлунон ышöдлiс повзём белогвардеечьясöс. Но Орлов Котласöдз эз во: красноармеечъяс пасьвартiсны сылысь батальонсö артиллерияөн, пöгибнитiсны пöшти став офицеръясыс, тшöтш и ачыс капитан Орлов. Тайо вöли ноябрь кызы кökъямысöд лунö, а мөд лунас нин гöрдъяс пырисны Яренскö, кык лун мысти босьтiсны Емдiн. Армияса командованиелөн да ревкомлөн корöм серти, чекистъяслөн некымын морта группа, на лыдын и коммунист Налимов, кольчисны Яренскö выльысь котыртавны уезднöй властьлысь органъяс, советскöй учреждениеяс. Торйөн кө, вöли тшöктöма эрдöдавны найöс, кодъяс медьёна служитiсны еджыдъяслы. А сэтшöмъясыс вöлины зэв унаөн. Повзисны арестъясысь да, Яренскыс Удораб еджыдъяскöд пышйисны сюрс гөгөр морт.

Сiйö жö лунъясас Сыктыв вожö воисны Гöрд армиялөн ыджыд вынъяс Вяткаысь. Öтувъя ударнöй группировкаөн, кöни вöли матö кык сюрс морт, юрнуöдiс Вятка карса комендант Контрым. И гöрдъяслөн, и еджыдъяслөн бура уджалiс разведка. Öта-мöдыслөн тылъястi шлындайтiсны уна разведчикъяс. Гöрдъяслөн ыджыд вынъяс воём йылысь тöдмалiс и Прокушев. Чукаыб дорöдз сiйö волiс пöшти косяястөг. Öни предательлөн отрядыс бöрынътчис сiйö жö туй кузяыс, этшаник лыйсьöмъясөн эновтiс сикт бöрся сикт. Декабрь öтиöd лунö Контрымлөн разведка юортiс: еджыдъяс эновтöмаось Сыктывдiнкар, сетчöмаось Эжва катыд — Кörtкерöслань. Мөд лунас гöрдъяслөн войска пырисны карö. И сiдз, Сыктывдiнкар еджыдъяс улö веськавлiс кык вежон кежлö.

Помыс локтан номерын.



Водзӱс

Бара кывбур тэныд сиа,
Мед и та йылысь он тӱд.
Гашкӱ, тэнад сьӱлӱм биад
Важӱн шонтысьӱ нин мӱд.

Кӱть и сийӱ сывъяд сывлӱ —
Ачыд тӱдан олӱм дон.
Сӱмын казтышт, кыдзи сывлӱн
Меным, лӱз синъяса зон.

Водзӱс пыдди кывбур сиа,
Югыд йитӱдъяслы пас.
Лыддян он нӱ эськӱ сийӱс?
Лыдды! Тэ ӱд век на ас.

Вензӱм

Жугыльтчӱма сьӱлӱмӱй,
Мыйкӱ нора сьылӱ.
Шуда коркӱ вӱлӱ ме,
Коли кадыс ылӱ.

Гудыртчӱма ывла выв,
Рушӱсь вижов пуяс.
Лэбач гӱлӱс оз жӱ кыв,
Тайӱ кытчӱ туйӱ?

ӱтнам кывта нӱжӱйӱник
Олӱмыслӱн юын.
Ставыс вӱлӱ мичаник,
ӱнӱ — быттьӱ гуын.

Пуж

Весиг думыштны эг куж.
Асыв. Чеччи. Еджыд!
Муяс вольсыштӱма пуж.
Мича. Петӱ вежыд.

Луннас пужйыд сылас бӱр,
Быттьӱ эз и вӱвлы.
Пашкыр лапъя ӱвтчӱ вӱр
Сиктӱ локтысь тӱвлы.

Сӱмын рӱмдыштас на тшук,
Биӱн ӱзъяс кыа.
Тавой пужйыс, муса друг,
Мича эшкын кыас.

* * *

Мен, овлө, йөзкөд аддзысьлөмыс дой кодь —
Нюм пырыс быттьö койыштасны сов.
И лов, и керка тупъя. Көть нин войков
Мед өтнам... Некод син водзö оз ков.

Вөр-ваö пышья. Бипур дорын ола,
И чольгысь кадыс быттьö сувтлас скöнь.
Кок шы ни гөлöс — пель чуналан лöнь.
Друг эсся садьма:
«Мый нö морт оз волы!..»

* * *

Вежа гижöд лыддьöны пророкъяс,
Вежа кывйö чуйдö найöс Ен.
Воссьö налы водзö лойсь шогъяс,
Йөз-войтырöс сотысь тыш да вен.

А позтьяс тунавны оз кужны,
Абу наын вежөртана вын.
Абу сямныс кадсö вомөн вуджны,
Му-ва костас бöж моз кыссьö вужныс.
Весиг олан руыс налы — тшын...

* * *

Войтыр сотчыны мөдiсны, быттьökö пес.
Удж ни олөм. Бур войтырлөн син водзас вез.
Юръяс асывсянь топöдö кес...

Миян кадыс со кольö тай. Нёрпалысь лов
Оз нин водзась, но ас пытшкас пугөг оз ов.
Пессяс, пессяс дай — ать!— мый оз ков.

Ньөжйö верстаммим — нигаса олөмыд гөль.
Öдйö пöрысьмам — томлунтö би моз он пöльт.
Морт нэм помланьö — кага кодь пöль.

Вөлі шулывлам: аслыд и ов, пока том.
Уджьяс панлим, но ньөтчыд эг матыстлöй пом.
Олим — мөвпалим. Садьмим да — шом...

* * *

Водтöдiсны сийöс сөстөм гортйö,
Гу кодйыны лөсьöдiсны зыр.
Кодкө шуис — нэмсö шөйтiс мортыс,
Онi көть пö лоö аслас жыр.

Сибöдлiс-ö бердас сийöс кодкө?
Мыйла интөг пессис, быттьö орт?
Важ тöдсаыс кывкөрталiс — водка!..
Лөсявтөм да челядь руа морт.

Мыйла нэмсö оліс быттьö вöтын,
Палявлытöг... Эз öд юны чуж...
Кöсья-ö ме гөгöрвоны-тöдны?
Ог кö-а.
И дивитны ог куж...

* * *

Таво весигтö сов вылö важ кодъыс колины донъяс.
НЛЮ-яс эз лыйлы сусед... Сідзкö, абу на йöй.
Вöрыд сотчис, но этша. И кар вывтi домöдтöм понъяс
Эз нин сэтшöма шöйтны. И, шуд вылö, некод эз вöй.

Вöлі гожöмыс ыркыд, но абуыс быдмис и эмыс.
Кризис шызьöдліс йöзсö, но аскурöн пöдтісны лов.
А газетъястö восьтан да — гижöны вöт нисьö вемöс:
Секс да долларлөн курсъяс. И некодлы нинöм оз ков.

Кызкö вуджим жö восö, эг бырöй. И надея эм на.
Туйяс дзоньтыштім, посьяс. Дай восьтім на рынок дай мöд.
Сöмын, кывсьыліс, вичкоын ырзöмөн бöрдöма Ен мам.
Енсö чужтысьыс бöрдö, а мыйысь пö — чöртыс оз тöд...

□ □ □

Клим Самарин да муқод

Сё збыль!

СЕНТЯБРЬ төлысьлөн мөд джынйыс, чайта, вөлі. Муын лук-йысян уджъяс важөн эштисны. Мый вөлі быдтөма-дөзьөритөма, ставсө лои чукөртөма и видзан местаясөдз воөдөма. Некумынысы нин чорыдакодь пужъявліс, но поводдяыс мича — буретш чөскыд пув вотан кад. И ми гөтыркөд дачаө на кольччим. Пув вотны.

Миян дачаясным мича пожөма яг шөрын, Уква юсянь керканым кыксё-куимсё метраысь абу ылынджык. Мөдлапөлас, дзик дачаяс весьтын, важ керасъясын зэв пувъя местаяс. Колө сөмын Уквасө вуджны, кайны джуджыд щелля йылө — кыксё кымын метра, да кызь-комын метра ылыстчыны — сәні и пувйыс. Ми эськө квайт ведра вотім нин, но мортыдлы век тай этша.

Чеччим водз, босьтім вотчан дозъяс, нуръясянтор, резина пыж волыса мешөкын, да ләччим вадорө. Матыстчим ю дорас шытөг, но торъя видзчысьтөг, и берег дорсьыс на гораа сьялькөдчөмөн кыпөдчис утка кельөб. Ме шай-паймуні да саявтөдзныс видзөді налөн ләбөм бөрся. Берег йывсьыс ләччигөн мөдарладорсьыс кыпөдчис воддзасьыс на ыджыдджык кельөб. Менам сьөлөмөй кутіс чеччавны: тайө абу татчөс уткаяс, войвывсянь вөрзьөмаяс миянөдз нин воөмаось! Ме дась нин вөлі пищальла бергөдчывны, но гөтыр синіс: найө пө өд ләбисны нин, а пувйыд пө миянөс виччысьө на. Рытнас пө ветлан, аски асывнас водзджык ли.

Вотчигчөж уткаяс менам юрысь эз петавлыны, и пажнайтны бөр гортө, дачаө локтім. А рытъядорыс мөдөдчи мөдлапөлас уткачучелаясөн кыйөдчыны. Ләбалігас уткаяс мөдар берег пөлөнсө ёнджыка радейтисны.

Ме чожа шавкйи берегпөлөнса ордымөд мөдлапөлас вуджанінө, мыш сайын резина пыжа да «уткаяса» мешөк шлопйөдлө ситан бекйө. Пельпом сайын пищаль. Юрын серпас бөрся серпас, кызди ме уткаясөс ылөдла ас дорө матөджык да өкта найөс васьыс.

Кежи ордым вывсьыс да петі аслам озын весьтө, и... баатюшки! Неыджыд, туруна куръяысь дзик менам ныр улысь бордъяснас ва веркөсас швачөдчөмөн кыпөдчисны куим дзодзөг да тэрмасьтөг, тшапа ләбисны ю катыдыс. Ме весиг пищальсө пельпом вылысь эг лэдз. Сулалөмөн видзөді налысь енэжас кыпөдчөмсө. Мича-а! Код морыс найөс тані виччысяс, найө татчө, ю вылас, некор эз пуксьывлыны. Налөн местаыс мир туй саяс верст нель сайын нюръяс вылын. Вот сәні тулысьяснад дзодзөгъястө позьө мыйта окотаыд аддзывны... А со, пуксьылөмаось тай ку-тшөмкө мөгөн. Но и мед ләбалөны!

Вуджи мөдлапөлас, корси аслым бур кыйөдчан места, видзөдлі, кытчөясө позьө «пуксьөдны» асьым «уткаясөс», мед найө бура тыдалісны, и на дорө ылалөм пуксялысьясыс. Вит чучела «пуксьөді» ю пыдөсас вөйтөм груз йылө, ачым ладмөдчи бадь кустъяс

сайо. Вылісянь мено сайодісны ыджыд коз пуяс, а лыйны бура тыдало и веськыдывывсьыс, и весьтасысь, и шуйгавывсьыс.

Дыр виччыси. Уткаяс эз пуксьыны... и эз лэбавны. Сомын казялі: повзьодом дзодзогъясуд кыкысь нин кытшовтісны куръя весьттыс, но зэв выліті.

Друг кыськo горувсянь менам резина «уткаяс» дорo матo шывгысис-пуксис дзодзoг. Чучелаяс дорад эськo эз дзыкoдз матыстчы — дас-дас вит метра ылнаын гонняліс-тшапитчис на водзын, а менам кыйoдчан местасянь комын кымын метра. Ме водзын — быттo ки пыдoс вылын. Ог гoгoрво, мый сийoс татчo вайoдiс, кодi ыстiс, но дзык жo нин меным виччысьтoм козин вылo! Весиг лолoй пыксьыліс. Вoрзьoдчывтoг нюжoдi пищальoс да шковги-луйи — дрoб визьыс вoмoналiс дзодзoгтo. Сийo кыпoдчыштліс васьыс, но oрoдчыны ва веркoссьыс эз нин вермы, сэсся вылo гoнгoдoм юрoн кутиc ылыстчыны. Ме чеччышті места вылысь, вoтчышті сы бoрся да мoдысь луйи, и дзодзoг уськoдiс юрсo, плавгысис паськoдoм бордъяснас. Веськыда висьтася: мен сэки и дум вылo эз волы, мый мича ловъя ловлысь oлoмсo помалi... Сoмын ыджыд радлoм: дзодзoг кыйи! Мед кoтъ ставыс виччысьтoг артмис, но нимкодълунoй сы понда эз чин.

А дзодзoгыс ыджыдa веськалoма — нель-o-вит тoлысся баля кодь! Водзвыв висьтала: яйыс миянлы Выхь вoдз тырмис. Сe збыль! Кoтъ Oдушлысь, гoтырлысь юалoй: сийo дзодзoг яйсьыс Выхь во вoчаалiгкежлo сэтшoм чoскыд сeян лoсьoдліс. Эз сoмын гoтырoс, но и менo тшoтш oшкыштiсны гoстьяс.

А сэксo пыр жo oзйи гортo ветлыны: Клим лун дас кежлo мунiс кыйсьыны Айюва вылo кыпoдoм вoр керкасянь, и колo вoлi сeрнитчыны Леонид Васильевичкoд, комсомолдырся на Лeня другкoд. Рытнас и звoнитлі: уткаяс, мися, лэбoны, висьталi, кымын кельoб ме аддзылі, и дзодзoг йывсьыд висьталi. Вoзйи миян дача вывсянь чучелаясoн пукалыштны да лыйсьыштны. Луннас шойччам, жар пывсянын пывсям, а рыт-асывъяснас чучелаясoн пукалам. Лeня эз прoстo радлы, а oзйис. Ачыс вoзйис: пырав пo, да рытнас патронъяс зарадитам — уткаяс лэбигад пo уна ковмас, и аски асывнас пo водзджык и мунам. Но мoвпалыштoм бoрын сeрнитчим: зарадитчам аски луннас и кoнкo oбед бoрын мунам, мед рытсo нин пукавны-кыйoдчыны.

Первой рытнас пемдытoдзыс пукалім, а уткаяс эз лэбавны. Ни кельoбoн, ни oткoн. Лeнялы дышoдiс пукавны чучелаяс дорын да ветліс ю пoлoныс, и бoр локтiс — oтик утка лыйoма жo. Турун пoвстын пo oтнас вoлi уялo. И мoд асывнас, и рытнас, и коймoд асывнас ни oти утка сэсся эг аддзылoй. Дзыкoдз дугдoмаoсь лэбавны. Лeня шуo, гашкo пo кор ме аддзывлi, сэки пo буретш руд уткаясыс и лэбисны лунвылo. Oнi пo, сiдзкo, колo виччысьны сьoд уткаясoс. Кор пo кoдздoдас вoйвылас, сэки пo и вoрзясны найo миянлань. Кывзам радио — нинoм оз висьтавны, кор кoдздoдас да миянын слoтитны кутас. Сэки миян пыр сьoд уткаясыс лэбoны, октябрь первой лунъясo.

Но!.. Бoръя асывнас, югдандорыс — кор некутшoм надея нин эз коль лэбалысь уткаяс вылo — друг чучелаясладорсянныс кыліс гораа бузгысьoм шы. Видзoдлі сэтчаньo — ва веркoстыс кругъясoн паськалісны гыяс, а здук-мoд мысти васьыс быйкнитiс... резина «утка». Вель дыр чуймалi, мый тайo вoлi. Ньoжйoникoн гoгoрвои: тайo, кoнкo, миян «утка» вылo уськoдчыліс ваын олысь. Ыджыд чери: сир, кoнкo!? Местаыс буретш налы «кыйсьoм» вылo вoлi:

ю катыдладорсянныс, берег дорсянныс да пöшти ю шöрöдзыс нюжаліс и паськаліс кузь заяса туруна визь, а туруна визь да берег костас вöлі лöнин, кытчö и пуксьöдавлім уткаяснымöс. Ы-ыдж-ыд сир, сідзкö, утка вылö кö лысьтіс уськöдчыны! И менам чужис мöвп: уткаяс кö удитöмаöсь лэбны, ваас тай со кольöма на, буракö, кыянторйыс. Часлы, сійöс кыйны видла.

И кор асывнас Лёня мöдöдчис гортас, ме кольччи тайö мöвпнас дачаö да кори Лёняöс звöнитлыны гöтырлы, мый лун-мöд кежлö кольччи на. Мед волас, колöкö.

Луннас видлалі, мый менам эм чери кыян көлуй пиысь дасьыс, да лöсьöді Финляндияысь вайöм кык кулöм. Но рытланьыс нин вöйті öтикöс. Бөрйи думысь бурджык места, көні турун визьыс оръясьыштöма, ю шöрладорсянныс тувъялі майöг да и потшöсали кулöмнас сійö восьсаинсö.

Мöд лунас манитчи, да ни асывнас, ни луннас эг слöймы видлавны кулöмöс, и муні сэтчö сöмын рытьядорыс нин. Кутшöмкö надеятор, дерт, вöлі, но эз зэв ыджыд. Матыстчи кулöм кутысь майöг дорö — чурвидзö васьыс, көрталöмыс абу разьсьöма, а вылыс табъя сюрöсыс оз тыдав. Куті сюрöссö лэптышталöмөн видлавны кулöмöс — видзöда да, пыдіас кулöмыс дзикöдз дзугсьöма. Вöйöм колода, сюра сötанаыд, али мый веськалöма?! Матыстчи весьтöдзыс да лэптыштлі сюрöсöдыс, а колодалөн öтар помыс люг-легмуні... Нимкодöйла сьöлмöй öддзис тіпкыны: тайö тай ыджыд чери веськалöма да пессиг-мынтöдчигас гартлöма менсьым кулöмтö! Но-о, сё муса черийö, энлы, час, ме тэнö мезда!.. Сöмын пыжö... Пуджи, мый верми, сосьясöс гыррдзаöдз да нюжöдчи пыж бок вомöныс черила, а пыжыд менам, вижляыд, быттьö виччысьöма татшöм здуксö — ачыс кокниа ганёвтчис, и ме увлань юрөн бузгыси ваас! Болскöдчышті да кокъясөн корси ю пыдöссö. «Уф!» — петі васьыс. Гөгөр пемыд! Сідзкö,— гөгөрвои — ме пыж улас! Лэптылі киöс — сідз и эм, юр весьтын пыж пыдöсыс... Корси пыж боксö да суныштлөмөн, слабог, петі пыж улысь. Бöрыннас нин виді ачымöс: вежөрöй вöрзылöма. Йöй, мыйла нö сунавнысö арся кöдзыд ва пиас, позьö кö вöлі прöстö кокниа лэптыштлыны киён резина пыжлысь боксö да и петны.

Бөрнас тай ми збыльысь мудерöсь, а сэки, пельпомöдз ваын, колö вöлі бөр гатшöдны пыжöс да кавшасьны сэтчö. Пыж бөжсянныс бокъясас крепитöм көвъясö тшаккысьöмөн песовті мый вынысь, да пыжыд менам эськö бөр шлопкысис пыдöснас, но дзик жö нин бара йöй, пыж шöрас бокъясас кутчысьöмөн тойыштчи ю пыдöссиянныс, öшöдчи пыж вылö, а сійö велöдтöм чань моз чеччыштіс мöдар бокнас да бара шлопкысис ме вылö, да нöшта и пöвнас (а ме пыдöсас кык пöв лöсьöдлі, мед зумьдджык вöлі кок улыс) швачкөбтіс юрö — юрын самöвар пузис, жувгыны кутіс. Повзи, мед эськö садьöс ог жö вошты. Слабог, кöдзыд ваыс сайкөдіс. Юрöй, буракö, абу потöма ни — шапка улысь люзгыс кöдзыд ва, а эз пöсь вир. Кыз төвся шапкаыд дорйис. Пыдзырті шапкаöс, видлі ки пыдöсөн доймöм местасö, видзöдлі ки лапа вылö — ставыс бур, йöгысь öтдор. Выльысь кыссьылі пыж бөжланьыс, воддза мозыс жö гатшöді карапужитчысьöс, мöвпала, кодарсянь сөвны тайö «бринькйöдчысь чань» вылас... Он öд берег дорас болскы, сэтчöдз, гашкö, кызь метраысь ылынджык, да берег дортіыс нöшта и джуджыд зэв, кокъясыд оз судзны да уявны ковмас татшöм «купайтчан костюмнас». Аддзи васьыс петан туйтö: бара болски пыж нырланьыс, матыстчи кулöм

кутысь майӧг дорӧ да пыжӧс кыысь лэдзтӧг, шуйга киӧн майӧг вылас мыджсьӧмӧн кавшаси да путкыльтчи пыжӧ. Уф! Васыыс петі жӧ, кӧть вылысь ваыс шорӧн тюрӧгӧ. Пукала пыжас да думайта, мый водзӧ вӧчны: гортлань ӧдйӧнджык сынны, пока ловъя на, али водзӧ чери кыйны?! Югыд мӧвптӧ менам юрӧ кодикӧ ӧд ыстіс жӧ. И водзӧ ставсӧ вӧчи падъявтӧг, тэрмасьӧмӧн, но кызмый верми видзчысьӧмӧнджык, мед некутшӧм выль неминуча эз нин су. Рази майӧгысь вылыс сюрӧссӧ, лэпті васыыс кирпич джын кӧртавлӧмӧн вӧйтӧм улыс сюрӧссӧ да кыкнан сюрӧсӧдыс куті кулӧмӧс лэптавыны пыжӧ. Первой пыжӧдз воис ыджыд «колода» — сырыд, код вӧсна сы мында ковмис купайтчыны сӧр арся ваын. Ыджыд и вӧлӧма. Дзӧньнас нин гартчӧма кулӧмнас, а век на зілис песовтчыны. Сэсся пыжӧдз воисны мӧд дай коймӧд сир. Абу сэтшӧм гырысьсӧсь, но гартчӧмаӧсь жӧ нин кулӧмнас. Ещӧ на кулӧмыскӧд тшӧтш пыжӧ веськалісны ёкыштъяс. Ме на вылӧ весиг эг нин видзӧдлы. Тушаӧс тірӧдіс, а сьӧлӧм вылын быттӧ кокниджык лои, гажмышті. Рази майӧгсьыс мӧд сюрӧс помсӧ, шыбиті кирпич джынсӧ да пидзӧсчанысьӧмӧн этш петмӧн босытчи сынны гортладор береглань. Берег дорас бузгыси-чеччи ваас на да ӧдӧбтӧмӧн кыски пыжӧс кыр йылас. А кокъясӧй пудъяӧсь — вылӧ лэптӧм гӧленя резина бакилӧ тыр ва болскакыліс. Дыр думайттӧг гатшаси юланьыс юрӧн да вылӧ лэпті кокъясӧс — васӧ кысьтны... Ё-о-о-моё!.. Этшысь петтӧдз сынӧмнад да котӧрӧн пыжтӧ кыскалӧмӧн менам мышкӧй шонавліс нин быттӧ, а бакилӧ пытшкад ваыд, сӧтана пызыд, абу удитӧма шонавнытӧ, и сійӧ люзыгысис кокъяс, лядвейяс кузя кок вожъясӧдз, ставсӧ, мый вӧлі сәні, бара пожъяліс кӧдзыд, кӧзӧда ваӧн, сюрса лы воргӧд да мыш кузя визлаліс пулыпомъясӧдз... Ии-кӧ-лӧ-ме-нӧ жӧ эськӧ да!.. Сісь юр... Сісь юр... Ме пегыртчи-кымыняси да чепӧсйи кок вылӧ, чеччалышті кок йылын да лэдзи бакилӧ гӧленьясӧс пидзӧс улӧдз, выльысь водлі муас, сӧмын кымыньӧн нин да гортлань юрӧн. Лэптылі кокӧс, вӧрӧшитышті да шлопкӧдышті лапаяссӧ — кысьті сәтысь кольӧм васӧ. Мыйкӧ петыштіс пидзӧсӧд, а унджыкыс, дерт, йиджӧма кӧлуйӧ...

Сувті, здук мӧвпалышті пыж вылӧ видзӧдӧмӧн: колӧ пелысьяссӧ перйыны, кымыньтлыны пыжсӧ да кулӧмкӧд кайӧм васӧ сәтысь кысьтны, кыкнан пыдӧс пӧвсӧ, лешакъясӧс, татчӧ кольлыны... Сідзи и вӧчи, сэсся пыжӧ шнӧпки чери тыра кулӧмӧс, сәтчӧ жӧ пункті пелысьяс, босытчи ӧтар боксянныс, кыззи верми, котӧрӧн сорӧн шлопйыны гортӧ, дачаӧ... «Чожа-гажаа», — Клим эськӧ шуис... Серав кӧть шогав!

Ӧдуш аддзис менӧ татшӧмтӧ, ваӧ шыбитлӧм кутюпи кодьтӧ, да повзис, шлопкис кияснас бекъясас.

— Енмӧй, Енмӧй, мый нӧ лоис тәкӧд, кутюшка ва да?!

— Мый, мый... Чери кыйи...

— Ваас уялӧмӧн али мый?!

— Эн юась... Холодильникын, ме чайта, доз сулалӧ. Кысьт стӧканӧ да вай шонтысьны.

Гӧтыр котӧрӧн ветліс да бӧр локтіс куш дозийӧн.

— Холодильникад некутшӧм доз абу, а со, холодильник вылас сулаліс, но вайт абу.

«А-а, ад горшгъяс, нинӧм водзӧ йылысь думайттӧм йӧз... Колана кад кежлад вайт абу кольсьылӧма», — шевгӧдӧм киясӧн да паськыд кок вожӧн сулала да думысь пиняла ачымӧс.

— Вай ӧдйӧджык пӧрччысь пывсян кӧджас, сәні жӧ кос дӧрӧм-

гачыд. А ме вая мыйкө шоныдджыкөс. Пось чай өдийджык ю, пач плита вылын сулалө. А сэк кості ме пывсян ломта.

— Вай первой отсав меным бакилөяс пөрччыны.

Кызкө-мыйкө кыкөн мырдөн сорөн нетшыштім бакилөяс, пывсян көджын кок улө шняпйөдлі ва көлуйөс, кузьчышъянөн бура косөдчи-зыраси. Кучикөй понавмөн. Кос дөрөм-гач пасьталі, сэсся пось чай юөм бөрын лөсьыдджык лои, да вөлисти петавлі, пывсян водзын луд вылас шняпки чери тыра кулөмөс луд вылас да вевтти пыжөн. Аски югыднас видзөдлам, мый ради ме татшөм сямтөмасө пемыдас да көдзыд ваас бультикаси.

Сэк кості менам Одушлөн пывсяныд шоналөма. Содтөд шонтыси, ачымөс жалиттөг корөсьөн швачөдчи, куим пось пычки. Пывсян бөрын нөшта на чашка пось чай юи да воді дзикөдз лигышмунөм — шой кодь.

Чеччи асывнас, да лигышмунөмсө кылі на, но ньотчыдысь весиг эз несйөд!

Кад воис кулөм разявны гартчөм-дзугсьөмсыйс да видзөдлыны: пемыднад өд и сирпи вермас ыджыд чериөн кажитчыны.

Ньөжйөникөн сюрөсьясөдыс нюжөді кулөмөс: абу кажитчөма! Збыльысь ыджыд чери вөлөма! Дыр перйи сійөс гартчөм төбсьыс, босьті мездорө да керкаө пырті гөтырлы петкөдлыны. Пукті пызан вылө — нырыс өтар пызан помас, а бөжыс нюгыльтчис-өшйис мөдар помөдыс.

— Го-осподи, та ыджда чери овлө Укваын?

— Овлө тай... Тайө, буракө, менам резина утка вылө и уськөдчылөма... Тайөс лэптігөн и ваас бузгыси...

— Эм көть абуас... Мөдысь тэнө өтнадтө ог лэдз... Бур, абу пөдөмыд... Татшөмыд, колөкө, и морттө на курччыны вермас акула моз...

— Эг на тай кывлы-а, мый сир кодөскө коркө курччавлөма... Сэсся өд сійө кулөмө нин вөлі веськалөма да гартчөма. Уналаті эськө кулөмсө косялөма, но абу вермөма мынтөдчынысө.

— Мед. Öтнадтө ог лэдз сэсся,— чорыда кывкөрталіс гөтырөй.

— Кыкөн, чайтан, арся ваас купайтчыныыс шоныдджык лөө?.. Гажаджык да?..

— Тэныд, гашкө, теш, а меным абу.

Збыльысь, тайө здукас төрытъя чери кыйөмыс меным и аслым нин тешөн кутіс кажитчыны. Гажми да. Ыдждыд сирсьыс өтдор нөшта на кык сир веськалөма. Дзоляджыкөсь, дерт. И нель ёкыш. Öти на пиысь нинкөм кодь кыз да ыджыд — көкъямыссө грамм вылө, ме чайта, кыскис. Куш ёкышъяссьыс ми вежон чөж чөскыд юква сөйим.

А сирьяссө солалім да ыджыд кастрюля тыр лои. Виль вося пызан вылө жө веськаліс.

Сө збыль! Көть Öдушлысь юалөй...

Морт олём — востым

Тодлам олёмас
лёксö и бурсö.
Енмös казътывлам,
ёрччывлам сюрсөн.
Усьтöдз кодзывлам,
палявлам эссия...
Кытчöдз олан тай,
пыр мыйкö пессян

Ловъя Муыс да
лöz енэж костын.
Кадлөн визулас
морт олём — востым.
Сийö кустöдзыс
медсьöкыд уджным —
Чужны, овны да
бörья туй вуджны.

Гажа йöрын

Öшинь улыс — ыджыд йöра,
Асывводзын мös йöv кöра,
Вына, небыд, лышкыд муа,
Пывсян горлөн чöскыд руа.

Сöстём сынöd — муслун гыа,
Гажөн ойдём гудök шыа,
Челядыслөн серам гора...
Джуджыд юкмös кильчö дорас.

Оз ов озыра, оз гöля,—
Сылөн керка пöча-пöля,
Ичмонь гöтыра, ныв-пия,
Пачыс нэм чöж шонтысь биа.

Тшötшгья дорö гöсти вола,
Сыкöд орччөн сы кодь лола.
Менам кодзув эз öд кус на,—
Гашкö-й, тайö сиктыс мусмас...

Виччысьом

Менам Шондіой, шоньдй, югьдй менам,
Он тай кокньыдик вуджөрөн лов вывті мун.
Кусысь шыясён кора и чуксала тэнö,—
Ошинь дорын ме бара на колльода лун.

Бара сёлөмөй дойысла бөрдө и сырмө —
Тэтөг олөмыс тайö и Му вылыс — куш,
Ме öд радейта тэнö, но вынöй оз тырмы
И ме нетшыштны лов бердысь тайöс ог куж.

Бара помасьтөм синваөн ылькмунас лолöй,
Бара синьясö йиджтысяс виччысян шог.
Мед и пöрийдлас сёлөмөс ылөдчысь олөм,
Тэнö виччыся. Лок.

Бöрсяньыд

И бара войыс мыйкö бөрдö тэд,
Да муяс весьтти гумбырасьö вой төв.
И некор тэнö ог нин адзыв ме,
И мыйкö лолын шыасяс мен дойөн.

А кок туйястö тэнсьыд дзебö лым,
Мед, кöнкö, бöрсö локны он нин адззы,
Көн миян керка весьтын тшыныс гартчис.
И дзебö тэнсьыд кок туйястö лым.

И кольö керка — пемыд муяс бердын,
И тасала ме сылысь кушмөм лов.
Да быттö корысь, пета туйö бөрдны,
Но нинөм меным некодсянь оз ков.

И сёлөм дойöс быдөнлы ог эрдöд,
А сёлөм дойлы — ошиньясыс кын.
Ме корся эскөм, коркö муяс бердын
Мед бара гартчас керка весьтын тшын.

Комиөдiс **А.Ельцова.**

Водзкыв

Олома йоз син водзын на войнаодзса да войнаборса Сыктывкар. Войнаодз Комиын дзик на отка кар. Война дырйи нин чужисны Вөркута да Ухта. Сёрөнджык — Инта, Печора. Став выль карыс көрт туй дорын да та вöсна öдийö сөвмисны, паськалісны. А юркар колис көрт туйысь бокö.

1950 воö, кор пасйисны Сыктывкарлысь 170 во, сэн эз вöв асфальта туй. Изъялома дзик öти улича — Сöветскöй, и абу помсянь помöдз. Вольсалöма сиралöм пу лекъясөн Киров да Бабушкин уличаяс. Уна мукöдлаті арын да тулысын пидзöсöдз няйт. Унджыкыс карын олісны карасина биöн, эз быд керкаö пыр провода радио.

Сыктывкарлөн кольчöмын вöлі некымын помка. И медводз сійö, мый кар коли көрт туйысь бокö. Пинюг—Сыктывкар көрт туй, коді джынвийöысь унджык вöлі дась нин, 1933 воын дутдісны нюжöдны. Мыйла? Некод оз тöд. Öтияс шуöны, мый туй нюжöдысь заключённöйясыс бытгö пö ковмисны Беломорканал пискöданіно. Мöдъяс, мый көрт туй нюжöдöмыслы паныд сувтісны Войвыв крайын юралысьяс, кодъяс пукалісны Кардорын (Архангельскын), а Коми — крайыслөн «ковтöм» юкөн.

Пинюг—Сыктывкар көрт туй вылö коми войтырлөн вöлі зэв ыджыд лача. Мөвпавсис кыпöдны гырысь предприятиеяс карын, Слöбöдаын, Пустöшын, мукöдлаын. И нинöм эз артмы.

1936 воö, кор Мöскуаын кыптис Котлассянь Вөркутаодз көрт туй нюжöдöм йылысь мөвп, бара на вöлі надея, мый туйыс мунас Сыктывкар пыр. А артмис сідз, мый республикалөн юркар коли көрт туйсянь сё километрөн бокö. Сыктывкар зэв дыр кежлö воштіс аския лунсö.

Көрт туй эз во, и карын, позьö шуны, нинöм эз стрöитны. Война помасьтöдз на миянлысь мамöс Зеленеч сиктсöвет «мобилизуйтіс» отсасьны карын «Комистройлы» — вöлөн кыскасьны. Вöв гидняыс сулаліс Юхнин улича вылын, öнیا рынок местаын. Сэн жö орччөн сулалісны пилипызьöн тыртöмөн пöвйысь вöчöм баракъяс. Медбөръясö разисны квайтымынöд вояс пансигөн.

Сэкса Сыктывкар да сылөн «гөрöдъяс» йылысь зэв бура да стöча казтылöма З.В.Панев «Вехи в пути» книгаын.

Юркарлысь гöльун «гөрöд» разысьяс пиын вöлі Анатолий Васильевич Дёмин, коді 1955—1962 воясö веськöдліс «Комистрой» трестөн. Чайта, «Войвыв кодзув» лыддысьяс окотапырысь тöд-масысны сылөн пасйöдъясөн. Анатолий Васильевичлөн нимыс да гижан сямыс уналы тöдса нин.

А.Петрунев.

А.В.ДЕМИН


Төвся гым-чард бöрын

1937 воö, Ухтаын горно-нефтянöй техникум помалöм бöрын, менö мöдöдісны Вөркутаö. Уджалі сэні öтиöд номера «Капитальная»

шахта панөмсянь. А сэсса — армия, война. 1945 во помлань бөр локти Вөркутао да мато дас во на стрөити шахтаяс.

Пондiс кыскыны гортлань, Сыктывкарö, көни олісны и пöрысьмөм нин бать-мам. Водзвыв сёрнитчөм бöрын, 1955 вося февральын уволитчи «Воркутауголь» комбинатысь, сөвти чукөрмыштөм көлуйос төварной вагонö, прöщайтчи уна во öтлаын уджалөм ёртъяскөд и семьяөн мөдөдчи Сыктывкарö.

1955 вося март öтиөд лунсянь босьтчи уджавны «Комистрой» трестөн юралысьөн. И колö жö: буретш сійö луннас чардаліс. Татшөмыд войвылад зэв шоча овывлө. «Мый водзын эськө? — мөвпышти ас кежысь.— Гашкө, бурлань да?»



«Комистройын» сэки ставыс 750—800 морт уджаліс, на лыдысь Сыктывкарын — 450—500 (юркарысь öддор трест нуөдіс стрөитчан уджъяс Печора да Ухта каръясын, Вильгортын, Визинын, Көрткерөсын, Изьваын, Чилимдінын. Быдлаын — посныдик прорабскöй участкасьяс).

Меöдз трестөн юралöма К.А.Радецкий, төлка, опыта инженер. Сійö кольччыліс мекöд главной инженерөн, но кык во уджалөм бöрын век жö муніс Комиысь. Инженернö-технической уджалысьясөн кызыннас вöліны карса стрöйтехникум помалысьяс. Кодсюрö вель опыта нин, но унджыкыс — том йöз, война бöрын нин техникум помалысьяс.

Карса олысьяс весьтö содтыны стрөитысьяслысь лыдсö эз вöv позянаөн (карас йöзыс оліс квайтымын сюрсысь этшаджык). Та вöсна быд во трестö вайлөмаөсь оргнабор серти 350—400 вель уджалысьöс. И сымда жö бөр мунлөма. Кутшөмкө туналөм кытш быттö артмыліс. Дерт, медсясö мунлісны сы понда, мый уджалысьяслы трест эз вермы вичмөдны некутшөм юр сюянін. Став оланіныс — пача кык судта некымын керка (Гөрд партизанъяс улича вылын да больничной городокын), ватөм ни канализациятөм. Кор ме вои трестö, 1954 воö оргнабор серти локтысьяс пивысь морт сё олісны... пионеръяслы стрөитан дворецлөн пөвъясөн посныдик вежөсьяс вылө юклөм мөд судтаас.

А сэкся «Комистрой» трестлөн производственной подулыс? К.Маркс да Орджоникидзе уличаяс пельöсын сулаліс керъясөн пыклөм сарай, сідз шусяна столярной мастерской. Некутшөм косьтысянін эз вöv. Кыдзи Енмыс да шондi косьтылісны пөвплакасö да мукөдтор, сідзи и кольлі. Уджалісны сэн 18—20 морт, ставныс зэв киподтуяөсь, вежөраөсь, но косьтытөм вöрсыд бурöшинь рама ни öдзöс оз артмы.

Тентюков горулын, Эжва дорас, сулаліс кык рамаа вөр пилитан цех. Керйыс воліс кылөдөмөн. Уджъяснас сэн веськөдліс старшой мастер Ладанов, уджъяссö котыртны кужысь, писькөс вежөра морт. Колö пасыны, мый пилорама уджаліс бура, мөгмөдіс стрөитчысьясөс тырвийö.

Механической мастерской эз вöv, гаражбердса ичөтик мастерскойысь кындзи. Сійö меститчыліс Кырув вичко дорын, а вичко пытшкас дорчисны кузьнечьяс да сулаліс кык токарной станок. Изьвесьт да бетон ляти гудравлісны стрөитчанінъясас.

Эз тырмыв кирпич. Дырнөсса заводын гожомнас вочлісны уль кирпич, төвнас сэсса ожигайтлісны гөгрөс пачьясын. Татшөм ногөн удайтчыліс вочны во чөжөн 4—4,5 миллион кирпич, а коліс сійө куим-нэль пөв унджык. Сысыс кындзи, Дырнөсса заводыс тулыс-арнас кирпичсө эз позь вайны сибдалан няйта сөйөд туй понда (верстөн-джыйнөн). 1955 вося гожомнас чужліс весиг мөвп нюжодны кирпич заводсянь пединститут дорөдз векни ота көрт туй. Но мөд онас карса исполком отсөгөн Дырнөс кирпич заводдз лои вөчөма шогмана мир туй.

Трестын вывті этша вөлі удж кокньөдан техника: башняа өти кран, өти экскаватор и дзик жө өти бульдозер. Уна-ө верман стрөитчыны та мында механизмнас? Стрөитчанінгьясын грузьяс лэпталісны кызвыннас «Пионер» дзоляник краньясөн. Уналаын электроэнергия абутөмла пользуйтчисны киөн бергөддан лебёдкаясөн. Вылыс судтаясө весиг мыш выланыс кирпичсө кыпөддісны.

Карын эз тырмы электроэнергия. Медым йитчыны электросетьө кушөмкө моторөн, ковмыліс котравны да копрасыны некымын лун. Карса боки уличаяс вөліны битөмөсь.

Став автопаркыс «Комистройлөн» вөлі 35—40 машина. А медым ваявны стрөитчан грузьяс Айкинасянь, медматысса көрт туй станциясянь, төвнас ковмыліс кыксө автомашинаөдз. Союзса правительство ас кадө тшөктыліс ылі бокиингьясө цемент, изьвесыт, алебастр мөдөдны сөмын мешөкьясын. Но тайө индөдыс оломө эз пөртсы, став грузыс Котласө да Айкинаө воліс вагон джоджьясө кисьтөмөн. Ковмыліс тшын-бус пиас сөвтны мешөкьясө, а мешөкьясыс бара эз тырмывны. Со көн уджалыс йөзсө мучитлісны!

Карын некөн матын эз вөв каржа. Тырмымөн вөлі сөмын лыа. Сійөс ваялісны Красной Гөраыс, а сөрөнджык лыа босьтанінсө лөсьөдісны Тентюков помын.

Зэв өна падмөдіс Сыктывкарын стрөитчан уджьяссө и сійө, мый «Комистрой» трест пырліс РСФСР-лөн карса да сиктса стрөитчан министерствоө, а отсөгыс сэсянь воліс войт мында. Трест вылын збыль ыджыдалысьнас вөлі республикаса Совмин, коді и тыртліс стрөитчысысөс юр выв тырныс планьясөн. Шуам, 1956 воын сөмын Сыктывкарын трест нуөдіс уджьяссө ветымын кык стрөйба вылын, а уджалісны колана мындасыс сөмын кык коймөд юкөныс. Оланінгьяс абутөмла во чөжөн удж вылыс мунісны 444 морт, а вылыс локтіс 422.

Уджалісны дзоляник удждон вылө — сэтшөмөсь вөліны тарифьясыс. Та вөсна кадрөвой рабочөйяс зілісны уджавны содтөд кад, шөйччан лунгьясө, мед воыштас унджык сьөм, но машинаяс да колана материал абутөмла йөзыслы тшөкыдджыка ковмыліс пукавны уджтөг.

Ни өти воө «Комистрой» эз тыртлы стрөитчан плансө, но быд во сійөс водзө содтылісны.

Кор ме бурджыка да гөгөр төдмасы «Комистройлөн» збыль делөясөн, медводдзаяс кутшөмакө каитчи Вөркутаөс Сыктывкар вылө вежөмысь. «Воркутауголь» комбинатын уджавсис өна кокныдджыка быд боксянь: ставыс сэн вөлі өти кыин, и стрөйбаяссө он өткодяв Сыктывкаркөд — шахта, быдса посёлок, коммунацияс. Уджалысыс — мыйта колө. Шахта эштөдігөн чукөрмыліс куим сюрс мортөдз! А «Комистройын» ставсө ковмыліс панны дзик вылысь.

Трестса инженерно-технической уджалысысөд өтвылысь ми дасытім матысса вояс кежлө план. И медводз сувтөдім мог: лөсьөд-

ны аслыс трестыслы вына подув, весиг мукöд уджъяссö чинтöм весьтö. Быдöн тайöс гөгөрвоисны, и некод паныд эз сувт. Совминса председатель З.В.Паневкöд ми ветлим Мöскупаö. Аддызыслим РСФСР-са стрöйтчан министр Веселовскийкöд, миян вылын ыджыдалысь главкса начальник Константиновкöд, висьталим налы тöжд-могъяснымöс. Министр сетис кыв, мый отсаласны. Константинов кутшöмкö кад мысти волис Сыктывкарö да ачыс ставсö аддылыс.

Мый ми шуим вöчны медводз?

Локтан, 1956 восянь дзикöдз дугдыны вайны выль уджалысьясöс оргнаборөн. Вөркутаын менам öкмис ыджыд опыт кыпöдны выль стрöйбаяс заключённöйяс вынөн. И ме вöзйи, медгырысыджык стрöйбаяс Сыктывкарын кыпöдисны Вылыс Човса лагерын пукалысьяс. Водзджык ме сёрнитли нин та йылысьпытшкөсса делöяс министркöд. И сийö мекöд зэв окотапырысь воис öти кывйö, сы вöсна мый пукалысьясыслы уджыс эз тырмы.

Профтехобразование управлениеын сёрнитчим 1955 вося арнас нин восьтыны стрöительясöс велöдан училище. Та могысь трест сетис кык судта кирпич керка. И сийö арнас училищеас пырисны велöдчыны сёөн, а водзö вылö велöдчысьяслөн лыдыс содис кыксё ветымынöдз. 8-öд номера училищеса медводдза директорөн вöли водзмöстчысь морт — С.И.Морозов. Сийö вöчис зэв унатор, медым стрöйтчысьясöс велöдан училищеыс зумыда сувтис кок вылас.

1955 воö воисны медбөръя уджалысьяс оргнабор серти. Медым найöс овмöдны, яй вöчан комбинат дорын кыпöдим нель патераа кызы гөгөр щитъясысь чукöртöм керка. Öткымынын öнöдз на олöны. И сэки жö, кирпич абутöмла, босьтчим лэптыны брусоськөкъямыс—дас кык патераа кык судта керкаяс. Выхь уличаяс да кварталъяс артмисны. Трест кыпöдис аслас уджалысьясыслы некымын дас татшöм керка, ва шонтан öтувъя котельнöйясөн. Зэв унаöс могмöдм оланинъяснас. Тайö ёна отсалис бурмöдны и удж, и йöзлысь олöмсö.

Сийö жö 1955 воас босьтчим выльмöдны кирпич завод, медым позис вöчны кирпичсö во гөгөр да вайöдны заводлысь вося вынйöрсö 10—12 миллион кирпичöдз. И кык во мысти Дырнөсса завод пондис вöчны кирпич выль технология серти нин. Заводсянныс неылын кыпöдим выльысь босьтöм уджалысьясыслы олан керкаяс, дзоньталим клуб.

Сэки жö, 1956 воын, заводитим стрöитны Выхьгортса кирпич завод. Вöчим сийöс заключённöйяс вынөн. Öдйö кыпöдим, но вель дыр эз ладмы уджыс. И век жö кык завод пондисны вöчны онас 20—22 миллион кирпич, көть эськө выльгортса кирпичыс вöли лёкиник.

Колі котыртны и көрта бетон вöчöм. Та могысь öнйя Октябр шөр туй сайын, университет зданиеяс местаын, лöсьöдм бетон да ляти дасьтан завод. Сийö трестөн кыпöдан став стрöйбаяссö пондис тырвыйö могмöдны. Сэни жö лöсьöдм извьесът, цемент, алебастр видзан складъяс.

Котыртим и көрта бетонысь плитаяс вöчöм. Но тырвыйö могмöдны став стрöйбаяс көрта бетонөн позис сöмын сэк, кор лöсьöдм производственнöй предприятияяслысь комбинат (КПП). Столярнöй да механической цехъяс пондим вöчны 1956 воö, а мöд онас найö уджалисны нин. А көрта бетон вöчан завод кыпöдöм быд сикас помкаяс вöсна нюжалис 1958 во помöдз. Но тані колö пасйыны, мый көрта бетон вöчöм тырвыйö артмис сöмын сэк, кор Сык-

тытвародз нюжаліс көрт туй, и кутісны тырмымөн воны дрөбитөм из, көрт, цемент.

Трестлы производственной подув — кирпич заводъяс, КПП, олан керкаяс, а сэсся канализация да ва весаланінъяс — ставсө вөчисны заключённойяс. Вайлісны найөс автомашинаясөн Выхыс Човсянь, а сэсся өнія сю изан комбинат местаын лои котыртөма сюрс морт вылө торъя лагпункт. Ме думысь, стрөйкаяс вылын заключённойясөс удждөдымыс вөлі правильнойөн и коланаөн.

Стрөйтчан удждьяс содтөм да паськөдөм могысь престлы коліс пыр унджык баржа, автомашина, сөвтчысь-ректысь войтыр Айкинаын да Сыктытварын. Пасйи нин, мый олан керкаяс ветымынөд вояснас кыпөдалім брусысь, и брусыс коліс пыр унджык и унджык. 1955 воө Совмин сетіс престлы Льөмью вөрпункт. Пөрөдны да кыскыны Эжва дорөдз уна вөр, дерт, эз удайтчыв, но квайт-көкъямыс сюрс кубометр вөр төвбыдөн петаліс. Сійөс инавлім «Вычегдалесосплавлы», а сійө сетліс миянлы сымда жө вөр Тентюков улысь, престлөн тьөс пилитанінысь.

Мыйтакө вөр пөрөдлім и Тылаюын. Сэсь сійөс лэччөдлім затонса заводө, көні пилитлісны брус вылө. Бур кылөн көсья казытыштны «Вычегдалесосплавса» юралысьясөс — Г.С.Ярасовөс да Б.А.Соколовөс, кодъяс зэв гөгөрвоөмөн матыстчылісны «Комистройлөн» шыасьөмъяс дорө. Бур йитөдьяс артмисны и вөр пилитан комбинаткөд, көні сэк директораліс Чирков (ним-вичсө ог нин помнит).

Сійө воясө ми кыпөдім карын уна пу керка, брус да тьөс-плака видзим сюрс кубометръясөн. Миянөс өні кодсюрө мыжалөны сыысь, мый юркар шөрын быдса кварталъяс кык судта пу керкаясысь, найө пө мисьтөммөдөны Сыктытварсө. Но, ме думысь, тадзи мөвпалысьяслы колө вежөртны, мый буретш тайө керкаяссө кыпөдөмсянь пондиз сөвмыны карным.

И веськыда шуа, сійө кадө овмөдчыны выльөн кыпөдөм пу керкаса патераө, кодөс шонтөны пөсь ваөн,— быдөн лыддыліс ыджыд шудөн.

Сыктытварө көрт туй нюжөдтөдз став грузсө Айкинаын ковмыліс сөвтны баржаясө, а төвнас кыскавны автомашинаясөн. Айкинаса гөрөдсө позьө артавны медся «зэлыд гөрөдьясысь» өтиөн. Престлөн Айкинаас вөлі неыджыд олан керка, көні оліс төваровед, (сэні жө и мыйкө контора кодь), но ас грузчикьяс эз вөвны. Ковмыліс сөвтчысь-ректысьяссө ыстывны Сыктытварысь либө дугөдлыны удждьяс Айкинаса культура керка лэптанинысь да сэтчөс уджалысьяссө ыстыны сөвтчыны ю дорө. А мунлісны зэв неокотапырысь, ропкөмөн, торъя нин кор ковмыліс лэччөдлыны баржаө вагон джодждьясө кисьтөмөн воөм цемент. Сійөс ковмыліс сөвтны мешөкьясө (а мешөкьясыс эз тырмыны), лэччөдны баржаө, сэні ректыны, няйт мешөкьяссө бара катөдны вагонъясөдз. Кор баржаыс воліс Сыктытварө, сөвтчөм-ректысьөмыс сэні вөлі дзик жө татшөм.

Айкинаө воөм вагонъяс колі ректыны пырысь-пыр. Мөд нөгөн — сулөдөмысь штрафъяс, регыдөн и кутан сулавны республикаса прокурор П.Г.Лошкарев водзын. И эз өтчыд ковмыс сулавны. Тэныд пө, стрөга велөдліс, личнө аслыд лэччывны Айкинаас, тайө здукө жө, да котыртны вагон ректан удждьяс. Ковмыліс лэччывлыны, корсыны сэн шөйтысь «докерьясөс». А найө велалөмаөсь да төдөны нин, мый донысь позьө сөрнитчыны. Мынтысян сэні жө, сьөмөн. И тайө войтырыс нажөвитчыліс сэн

гожѳмбыд — ю вѳссьѳмсянь йи куттѳдз. «Мездылісны» груз бѳсь-
тысь йѳрмѳм начальствоѳс: «Мынтѳй — здукѳн ставсѳ вѳчам».

Мынтылім, дерт, кытчѳ вошан. Но и тайѳс колѳ кужны вѳчны!
Сѳмын карѳдз кѳрт туй воѳм бѳрын вежсис серпасыс, сѳвтчан-
ректысян уджъяс кокняммысны, айкинаса «докеръясысь» лои
мынтѳдчѳма.

Мѳд татшѳм «джаггѳрѳдѳн» 1958 воѳдз вѳлі Сыктывкарѳс
электричествоѳн могмѳдѳм. Кыдзи удайтчис разьны сійѳс, «Вой-
вив кодзув» лыддысь тѳдѳ нин З.В.Паневлѳн казтылѳмгъясысь.

Ветымынѳд воясѳдз юркарын, позьѳ шуны, некутшѳм ком-
мунальнѳй овмѳс эз вѳв. Муѳ суйѳм ва трубаяс воисны дзик ѳтка-
ѳтка керкаѳ. Няйт ва петкѳдан трубаяс, гѳгѳрвоана, вѳліны сѳмын
сэні жѳ. И няйт ваыс дзик весавтѳг Париж шѳртѳ лэччис веськы-
да Сыктыв юѳ. Тадз вѳлі кар шѳрас, мукѳдлаас керкаяссѳ вѳчлісны
гуа нужникъясѳн. И кѳні? Юркарын! ѳти кывйѳн, ва нюжѳдтѳг
да няйт ва петкѳдан трубаястѳг (канализациятѳг) нинѳм и вѳлі
сѳрнитны кар сѳвмѳдѳм-паськѳдѳм йылысь.

1955 вося тѳв шѳрын (январын) РСФСР-са Министръяс Сѳвет
вынсьѳдіс Сыктывкарѳс стрѳитан генеральнѳй план. И сійѳ жѳ
воас лои суйѳма няйт ва петкѳдан медводдза кыз труба Орджо-
никидзе уличатѳ. Кодйысьны ковмис зыр помысь — некутшѳм
техника эз на вѳв сэки. Кодйысисны медсясѳ Амировлѳн да
Головинлѳн бригадаяс, кодъяс уна во чѳж уджалісны сэсся ва
локтан да няйт ва петкѳдан трубаяс пьськѳданінгъясын, суйисны
эз ѳти километр труба — бетонысь и, кѳртысь и. 1956—1960 воясѳ
лои нуѳдѳма зэв ыджыд удж ва локтан, няйт ва петкѳдан труба-
яс суйѳм могысь. Няйт ваыс кутіс мунны кыз трубатѳ Тентюков
улѳдз, кѳні лои лѳсьѳдѳма няйт васѳ весаланін. Ставыс тайѳ сетіс
позянлун, медым ыджыд вынгъясѳн ырыштчыны республикалысь
мича, уна судта керкаяса юркар стрѳитѳмѳ.

Вогзѳ лоѳ на.



Семья вöсна тöждлунöн

Медым дорйыны асьнысö да челядьнысö, нывбабаяслөн медводдза котыръяс чужисны Францияын XVIII нэм помын на. Ышöдiс найöс öтувтчыны сэкса революцияыслөн гыыс. Ыззьöм кадас и нывбабаяс көсйисны лоны öти тшупöдын мужичöйяскöд, сулалiсны верöсьясныскöд орччөн баррикадаяс вылын. Налөн корöмныс: öткодь правояс мужичöйяскöд и удж вылö, да тшöтш и öткодь удждон вылö.

Россияын нывбабаяслөн татшöм водзмöстчöмыс сёрмис... пöшти сё во вылö. Заводъяс, фабрикаяс кутiсны воссявны Россияын XIX нэм шöрын. Унджык войтырыс олiсны видз-му да скöт помысь. Нывбабаяс тöждысисны гортгöгöрса овмöс вöсна. На вылын жö — ыджыд град йöръяс, скöт, челядь.

XIX нэм помын Россияса велöдчöм йöзлөн вöли ён йитöд суйöр-сайса государствояскöд, көни позис велöдчыны тшöтш и нывбабаяслы. Россияын кутiсны жö велöдны асьыныс нывъяссö купечьяс, кутшöмкö ремеслö помысь озырмöм йöз. Налөн нывъясныс помавлiсны гимназияс, институтъяс.

Нывбабаяслөн шöр профессияыс, дерт, вöли сöмын кык: врачьяс да учительяс. Найö и лоисны карьясын да сиктъясын культура паськöдысьясөн.

Октябрьса революция бöрын, 1918 воын чукöртчылис уджалысь нывбабаяслөн да крестьянкаяслөн Ставроссияса медводдза съезд. Сэни вынсьöдiсны резолюция: кыскыны нывбабаясöс общественной уджö, медым найö видзöдiсны и мукöд семьясын быдмысь челядь бöрся, эз лэдзыны увтыртны найöс. Съезд вылын делегаткаяс корисны öтувтчыны нывбабаяслөн котыръясö, но талы паныд сувтiсны власть кутысьяс. Рабочöйяслөн да крестьяналөн выль олöм кыпöдöм-сöвмöдöмыс вöсна тышыс пö öтувъя, и та вöсна оз позь торйöдчыны.

Съездлысь индöдъяссö олöмö пöртöм могысь Усть-Сысоьльскын, РКП(б) областной комитет бердын восьтiсны нывбабаяс пöвстын политической да общественной удж нуöдысь юкөн. Юрнуöдысьнас сэтчö индiсны Т.М.Маеговаос. Бöрынджык нывбабаяслөн öтувтöм котырөн веськöдлiсны Потапова, Забоева, Анисимова, Безносова (Йоль) да мукöдъяс.

1920 вося августын Усть-Сысоьльскын нуöдалiсны нывбабаяслысь кварталъясса чукöртчылöмъяс, а сэсся, август 20 лунö воссис налөн карса конференция. Сэтчö бöрийöм делегаткаясыслы эз вöв быть лоны партияса шленөн, колiс сöмын водзмöстчöм.

Карса партийной организация да Сöветъяс регыд гöгöрвоисны, кутшöм ыджыд отсöг налы сетöны коми нывбабаяслөн котыръяс да зiлисны паськöдны найöс.

Конференция вылын вынсьöдiсны резолюция: бырöдны нывбабаяс пöвстын пемыдлун, да мöдiсны восьтавны гырысьясöс велöдан школаяс. Медся водзмöстчысь, грамотаа нывбабаяс ёна колiсны и выльөн воссялöм уна лыда сöветской учреждениеясö.

Нывбаба котыръяслысь отчётъяссö видлалісны öтувъя собраниеяс вылын да сэнi жö индылісны водзö вылö виль могъяс. Делегаткаяссö кутісны бöрйыны велöдчöм да водзмöстчысь нывбабаяс пöвстысь во джын кежлö, 1923 восянь — во кежлö, а 1929 восянь — кык во кежлö. Юрнуöдысьнас индылісны быд дас морта крестьянкаяс пöвстысь либö профсоюзса вит шленысь öтиöс. Йöз пöвстын удж нуöдöмысь кындзи, котырöн веськöдлысьлы быть коліс судзöдны «Крестьянка» журнал да тöдмöдны вильторъяснас.

Медводдза воясас нывбабаяслöн котыртчöмыс эз во сьлöм вылас мужичöйяслы — нывъяслöн батъясныслы, ыджыдджык вокъясныслы, верöсьясыслы.

— Гортын юр выв тыр уджыс, а нем абунас ноксянныд! — скöралісны айяс да кодсюрöяс эз и лэдзны гортсьыныс нывсö, гöтырсö, дзевлалісны көм-паськөмнысö, грöзитчисны, да весиг нöйтлісны.

— Верöс сайö петан кад, а рытбыд, вой шöрöдз шöйтан! — повзöдлöны нылöс. — Коді нö тэнö эгатшöмсö верöс саяс босьтас? Он кө вот дугöдчы делегаткаасьöмсьыд! Мутиясыс тiянысь вежөрнытö гудыртöмаöсь, гортсьыд ош гөнөн тшынöмаöсь! Чурка кө ваян, гортысь вöтлам!

Уна ногөн повзöдлісны том аньясöс. Та вöсна кодсюрö эновтчылісны либö зэв көсьытöг мунлісны делегаткаясö. Öд медводдза кадас «делегаткаыс» видчан кыв кодь вöлі. Но 1924 восянь нывбабаяслöн котырö кутісны локтавны и мужичöйяс — комсомолецъяс да том йöз.

Нывбабаяслöн усть-сысольскса котыр видзöдіс, кыдзи олöны семьяяс, бура-ö тöждысьöны бать-мам челядь вöснаыс, чырыштлісны дыш, дурка олысь, кампужитчысь мужичöйясöс, корсьлісны уджаланін либö отсавлісны нывбабаяслы сям сертиыс восьтавны ичöтик кустарнöй артельяс, предприятиеяс, видзöдісны, мед налы колана мында мынтысисны вöчөмторсьыс, эз нюжöдны уджалан кад, уна челядялы судзöдлісны вотъяс мынтан кокньöдöмъяс, отсасисны öтка пöрысь войтырлы горт гöгöрас — вайлісны пес, гöрлісны град йöрсö да весиг öтувъя сёянін вермытöмъяслы восьтісны. Праздникъяс дырйи сэнi вердлісны судзсьытöм йöзöс дон босьттöг, а мукöд лунас ёна донтöг. Школаяс, больничаяс нывбаба котыръяслöн жö дöзбөр улын вöліны.

Торйөн нин бура дасьтысисны да кыпыда нуöдісны Усть-Сысольскын Нывбабаяслысь Йöзкостса лун — Март 8 лун. Нывбабаяслы висьтавлісны, кыдзи, көні да кор чужис тайö став Мирын пасьян праздникис, сылөн медшөр могнас тöдмöдлісны. Зэв гöль йöзлы тайö праздник кежлас дасьтылісны козинъяс — челядьлы паськөм, сёян, а кодсюрöлы отсалісны и сьöмөн. Тайö воясас вöлі нин карын «Мам да кага» фонд. Деньгасö сэтчö нывбабаяслöн котыръяс мирыслысь уръясөн-шайтъясөн чукöртісны. Вичмöдлісны и МОПР-ö, и войнаяс вылын ёна доймалöмаяслы.

Торйөн нин ыджыда тöждысисны том йöз вöсна. Ныв-зонмöс индылісны велöдчыны кутшöмкö предприятиеаса сяма морт дiнö велöдчыны, босьтны профессия. Унджыкыс сэсса нэм кежлас сэтчö и колччылісны, асьныс нин сямнысö том войтырлы сетісны.

Комынöд вояс бöрын карын уна нывбаба кужис нин лыддысьыны да гижны. Сэки делегаткаясö да нывбаба котыръясөн веськöдлысьяссö мöдісны иңавны ёна нин бöрйысьöмөн — медся водзмöстчысьяссö, грамотнöйджыкъяссö, Сöветъяслысь политикасö пыдісянь гöгөрвоысьясöс, кодъяс кужисны кыскыны виль олöм

Төвся серпасъяс









Снимокъясъс Г. Лисецкийлѳн.

сөвмөдөмас мукөдөс. Медбуръяссө на пиысь босьтисны Советьяслөн органъясө, индिसны юрнуөдысьясөн парткомъясө, комсомолө, профсоюзьяслөн комитетъясө.

Вочасөн сэсса эз ло коланлуныс нывбаба котыръяссиянь бөрийөм делегаткаяслөн. Пытшкөсса да ортыса политика кутис нуөдсыны Коммунистьяслөн партия нимсянь парткомъяс пыр, том йөзөн веськөдлісны комсомолөн комитетъяс, а уджалысь войтырөн — профсоюз. Нывбабаяслөн котыръяс пыдди воссялісны Советьясын нывбаба юкөнъяс. Öтувья уджсө виддалісны нывбаба-депутаткаяслөн слётъяс да конференцияс вылын. Медся төдчана, шөр могнас лоис социализмы зумыд подув лөсьөдөм, Советьясын да сылөн уна лыда органъясын политической да творческой удж. Нывбабаясөс кутисны чуксавны, медым найө босьтчисны мичмөдны кар, лөсьөдны шойччан местаяс да мукөд гажөдчанінъяс. И том йөз, медводз нывъяс да нывбабаяс, босьтчисны весавны нййтсыс да мичмөдны кар. Уличаяс бокө садиталісны уна дас сюрс пу. Сэки жө лөсьөдісны Сыктыв ю бокө ыджыд парк. Идралісны став лөпөгсө, вежөдісны, вөчалісны лабичьяс, качайяс, уна-уна мукөдтор.

Великөй Отчественнөй война öзйытөдз на кутисны чуксавны нывъясөс, медым найө удж выланыс босьтисны мөд профессия да, ковмас кө, вермасны вежны станок дорын, трактор-машинаяс вылын фронт вылө мунөм мужичөйясөс. Сэки жө кутисны велөдны, курсьяс вылын уджысь ордчывтөг, санитаркаясөс, дасьтыны нывбаба-снайперъясөс. Производство вылын и вөр лэдзанинын котыртисны военной «всеобуч». Нывбабаяс, нывъяс велөдчисны мужичөйяскөд да зонъяскөд öтлаын.

Война öзйөм бөрын Коми АССР-ысь уна том нывбаба, дас көкъямыс да ыджыдджык арөса нывъяс, мунісны фронт вылө санитаркаясөн, зенитчицаясөн, шоперъясөн, а тылө кольөмаяс вежисны мужичөйясөс видз-му овмөсын, и промышленностьын, и вөрын да сплавын, пуксялісны тракторъяс вылө. Став сьөкыд уджыс вичмис налы. Военкоматъясын тайө воясас котыртсялісны нывбабаяслөн отдельяс. Налөн могыс — корсьны эвакуируйтөм войтырлы патераяс, уджалан местаяс, а челядьныслы — детсадьяс, яслияс, школаяс. Нывбабаяслөн советъяс отсавлісны уна челядя верөстөм-батътөм семьяяслы көм-паськөмөн, сөян карточкаясөн, батътөм челядьлы быд төлысса сьөмөн. Военкоматса, сельсоветса, райисполкомса, партия райкомса нывбаба-юрнуөдысьяслөн тайө сьөкыд кадас вөлі öти мог — отсавны мужичөй-вердысьятөт көлөм семьяяслы кыпөдны-быдтыны посни челядьсө.

Эз этшаджык тужа-нужасө ковмы нуны нывбабаяслы и война кусөм бөрын. Унджык фронтовикыс воалісны гортаныс өна доймалөмөн, вермытөмөн. Мый бергөдіс производство вылын, видз-му овмөсын нывбаба, сійөс и водзө кутис мыркны, кыпөдны киссьөм овмөсьяс, дженьдөдөмөн тыртавлісны вит вося планъяс, коліс бергавны и горт гөгөраныс, төждысьны челядь вöснаыс. И тані сійө коли öткөн. Нывбабаяслөн советъяс да торъя котыръяс тайө кад кежлас бырисны. Эз сьөдз вөв, а сэсса öд колхозьясын, сиктсоветьясын, мукөдлаын, юрнуөдысьяснас, кызвыннас, нывбабаяс и вөліны. Кутшөм нөшта торъя котыръяс сэки колісны, кор нывбабаяс став овмөсьяссө кутисны, веськөдлісны киссьөм колхозьясөн, зэв важ станокъяса промышленнөй предприятиеясөн. План, чорыд план и нянь вылө, и йөв-яй вылө, и көрта-пуа көлуй вылө, а вөрыс мыйта коліс жуглөм-сотөм страналы. Сідзкө нывбабалысь удж-олөмсө кокньөдөм да бурмөдөм йылысь эз и вермы

лоны регыдъя кадö некутшöм сёрни. Нывбаба вöчис медся сьöкыд уджсö, ас пыддиыс, вöв пыдди, машина пыдди и ставсö сöмын ки помсыс. На вöсна тöждысьнысö вöли некодлы. Некод бур ногөн сийö кадас эз и шойччывлы.

Сöмын война кусöм бöрын дас öти во мысти, 1956 вося мартын, СССР-са Верховной Сöветлөн Президиумлөн Указөн, көнi вöли индöма кокньöдыштны нывбабаясöс удждонсö чинтытöг.

Нывбабаяслөн котыръяс выльысь воссялисны сöмын сэки, кор страна «бурдöдiс» чорыд войнаөн кольöм дойяссö, партия да правительство кутiсны чуксавны веськöдлыны государствоөн став войтырöс наөн бöрйöм депутатъяс пыр. Эз кольны бокö и нывбабаяс. Ассияныс кутiсны бöрйiны депутатъясöс, предприятиеясөн веськöдлысьясöс, Сöветъясөн юрнуöдысьясöс. На пöвстын ёна содiсны грамотной, велöдчöм йöз, кодъяс гөгөрвоисны политика, экономика, культура, кужисны веськöдлыны овмөсьясөн, промышленной предприятиеясөн, тöдiсны видз-му овмөс, скöt видзöм — став олöм подувсö.

Нывбабаяслөн сöвет Сыктывкарын котыртчис 1957 воын. Председательнас сэтчö бöрйисны И.К.Устиноваöс. Медшөр могнас карса нывбабаяс котырлы индiсны восьтавны выль, кокниджык уджалан местаяс — столövöйяс, вурсян-кысян фабрикаяс, уна мукöдтор. Сэк жö вöли индöма, восьтны карын нывбабаяслы консультация керка, кытчö эськö вермис воыны могнас быд ань. Нывбабаяслөн сöвет босьтiс ас дözьор улас школаяс, больничаяс, видзöдiс, мед быдлаын вердiсны челядьöс пöсь сёянөн. Ыджыд пай выль босьтчöмас пуктiсны Е.Д.Леканова, А.А.Протопопова, Н.В.Шарапова, М.Н.Шилина, Н.С.Михеева да мукöдъяс.

1960 восянь карын кутiсны нуöдсьыны республикаса нывбабаяслөн съездъяс, конференцияс, көнi индылисны нöшта на кыпöдны да паськöдны республикаса быд пельöсын тайö бур босьтчöмсö. 1964 воын республикаса нывбабаяслөн коймöд съезд вылын котыртiсны республикаса нывбабаяслысь сöвет, кытчö пырисны быд карысь да районуысь бöрйöм аньяс. Тайö кадсянныс ёна вынсялис республикаса нывбабаяслөн öтувъя котыр. Сийöс кутiсны пыдди пуктыны властьяс, а партия обком гежöдджыка кутiс мöдöдавны велöдана индöдъяс. Нывбабаяслөн сöветса председателъяс местаяс выланыс öтшöтш вöлисны и парткомъясса членъясөн, öтвыв уджалiсны народной депутатъяслөн Сöветъяскöд. Сыктывкарса горсоветлөн быд заседание вылын вöлисны и нывбабаяслөн карса сöветысь кывкутана йöз.

70—80 воясын нывбабаяслөн сöветъяс кутiсны котыртсьыны и карса ыджыд предприятиеясын да организациясын. Председателъяссö бöрйiлисны асланыс котырысь, велöдiсны республикаса сöветлөн курсъяс вылын. Некод эз уджав сьöдас, быдöнлөн вöли öтувъя могъяс, бура мурталöм планъяс. Сийö воясас ыджыд тöдчанлуна мог сувтöдiсны наставникъяс водзö. Том морт помалö профессионально-технической училище, техникум, институт да локтö удж вылö. Сийöс индöны ыджыд сяма специалист-практик дiнö. Мортислөн öд тöдöмлунъясыс сöмын на книгаясысь, а сяма морт дорын регыдөн и аслас кияснас ставсö бура кутас кужны вöчны. Том йöзлысь сям кыпöдöм да бур опыт паськöдöм могысь нывбабаяслөн сöветъяс быд во котыртавлiсны том специалистъяслысь да наставникъяслысь слётъяс, фестивалъяс, республикаса конкурсъяс. Нывбабаяслөн сöветса веськöдлысьяс и спортын ордысьöмъяс котыртiгөн эз сулавны бокын. Налөн

водзмөстчөмөн нуоддывлісны «Спортивной семья» ордйысьомгыя и мунліс сійө праздник моз. Тайө кадас карса нывбабаяслөн сөветын ёна водзмөстчисны А.С.Дунина, И.И.Веселова, Ф.М.Перегудова, Т.В.Худяева, Д.К.Сичкарь, Н.Б.Габова, Е.В.Бессонова, Н.Н.Кузькокова, А.П.Батманова, В.В.Кулимова, Р.М.Микаэлянц, Р.М.Сажина, В.Н.Сергачева, А.П.Беляева да мукөд.

90-өд воясө странаын вежсис общественно-политической оломыс. Кутшөмакө вьль туйвизь ковмис бөрйыны и нывбабаяслөн сөветлы. 1991 вося майын коми нывбабаяслөн IX съезд вылын нывбабаяслөн сөветыяс отувтчисны «Коми АССР-са нывбабаяслөн союз» ним улын. Председательнас бөрйисны Г.Н.Кравченкоос. Сэки жө котыртчис и Сыктывкарса нывбабаяслөн союз. Вынсьөдісны вьль Устав. Председательнас бөрйисны Т.И.Худяеваос. Вьль котырлөн могыс — велөдны нывъясөс да нывбабаясөс вьль профессияө, отсавны котыртны аспом предприятиеяс — гортса кысян, вурсян да мукөд кокниджык уджыяс.

1997 воын карса нывбабаяслөн союза отчетно-выборной конференция вылын шуисны отувтчыны «Сыктывкарса нывбабаяс» котырө. Президиумса председательнас индісны Г.А.Янгосороваос, «Тепличной сервис» ичөт кывкутана котырса директорсө. «Сыктывкарса нывбабаяслөн» президиум кутіс топыд йитөд Социальной вопросыяс управленийкөд, мед отывив отсавны ыджыд семьясын быдмысь челядьлы школаө ветлан паськөмөн, мөдөдавны быдмысь войтырөс гожся каникулыяс дырйи шойччан да бурдөдчан лагерьясө. «Райда» центрын нывбабаяскөд нуөдөны консультацияяс, конкурсыяс. Коймөд во нин нуөдсьө нывбабаяс пөвстын «Зарникияс» конкурс. Медся ёна водзмөстчөны тайө котырас М.В.Липина, Т.В.Петунина, Т.В.Изъяурова, Л.Л.Афанасьева, Е.В.Семейкина. Найө тшөкыда ветлывлөны карса предприятиеясө да организациясө, аддзысьлөны сэтчөс нывбабаяскөд, сёрнитөны, вөзйөны асаяныс отсөг.

Нывбабаяслөн водзмөстчөмөн Сыктывкарын воссялөны вьль котырыяс. Дас во сайын отувтлісны уна челядя нывбабаясөс. И воддза кадас тайө вөлі зэв буртор — магазиньсь өчередьтөг позис судзөдны вурсян, пеласян машинаяс, холодильникыяс, сөян-юан, новланторыяс. Юрнуөдө тайө котырнас В.В.Русанова «Коминтеравиа» акционер котырысь отделса начальникөс вежысь. Котыртсялөны бөрья кадө и нывбабаяслөн клубыяс.

Уна во чөжөн, дерт, паныдасьлісны и уна сьөкыдторгыяс. Босьтчөм некор абу кокни, а бура, кужөмөн делөсө нуөдны нөшта на сьөкыдджык. Быдөн дорө колө пөсь сьөлөмөн сибөдчыны, властьясөс эскөдны, но шөр могсө нывбабаяслөн котырыяс пөртлісны оломө. Олом ладыс унаысь вежсьыліс и бурланьө, и гудыртчывліс, но нывбабаяслөн котырын кызьөд нэм пуксян вояссянь өзтөм биыс пыр ломаліс и өні на өзйө, социальной туйвизьбөд колана ногөн нуөдсьө, да та вөсна сыкөд лыддысьөны и властьяс, и общественной организациейяс. Кутны зумыд киясын отувъя и гортгөгөрсө овмөс, быдтыны челядьөс — сьөкыд, кывкутана мог, и мамъяслы, семьяслы тані отсөгыс, дерт, колө. Өд аския оломыс нывбабаяс сайын, налөн быдтасыяс — челядь сайын. Сідзкө, и ыджыд уджйөзаөсь ми асланым нывбабаяс водзын.

Владимир БЕЗНОСИКОВ



Пыр ышөдіс-өзйөдіс

Пыдди пуктана ёртъяс да другъяс!

Ёна и мича журнал мөдіс петны! Ышөдны эськө колө коми войтырсө, мед унджыкөн судзодасны «Войвыв кодзувтө», но кыдзи? Менам со эбөсөй нин оз судзсы, сөмын библиотекарөс сямми крукыштны, сылөн уджаланинө журналыс оз вөлі во да. Төндзи шуө: выпишиті пө.

Нөшта на мичаджыка журналтө лэдзны сиа, бурджык гижөдъяс корсьны и.

Ті, көнкө, чайтанныд: Ыбса Ладимер пө, буракө, дзыкөдз нин нёмдіс — немтор нин оз гиж да ысты журналө. А ме со ловъя на. Ог төд, дыр-ө понда вишкыны да лун-вой каттыны, а сьөкыда овсьө. Сэсся өд абу и дивө: декабрь 26 лунө 73 арөс нин точкөбтіс. А мортыдлөн өд со на кыдзи:

**Эзысьмис нин тошкөй,
Шешкө пиньтөм вом,
Копыртөдө коскөй,
А сьөлөмөй век том.**

Юрын эськө эмөсь на теш сяма висетьяс, но верма-ө найөс йөзлы лыддьөмөдз вайөдны?

Гудйыси пызан йөрын да смелмөдчи ыстыны тиянлы Изъяур Иванлыс вит письмө.

Ветымын во гөгөр ме ёртасьлі-другасьлі коми гижысьяскөд. Частө на синъяс водзө мыччысьлөны найө, кодъяслөн помасис югыд шонді улын олөм-вылөмныс. Төдчана гижысьяслөн коми литература вөсна пойгөм-төждысьөмыс ясыда мыччысьө письмөясын, кодъясөс ыстылісны менам ним вылө. Письмөясыс пызан йөрын өкмөма дзонь йөрыш, но тані вайөда сөмын Иван Васильевич Изъяуровлыс некымын ыстөмтор.

Со сылөн 1962 волөн сентябрь 14 лунся письмөыс, кодөс аслас посни шрифта машинка вылын точкөдөма-печатайтөма газетной бумага вылө. Рөмсө нин вежөма кабаалаыс, но ясыда на төдчө.

Бур лун, Володимер!

Со и бара ар воис. Мисътём, няйт ар. Лун-лун со зэрö. Сыктывыд бара тувсовъя, тэнсьид повесть помтö казътывлö.

Висъттö сетим. Көнкö, аддзылин нин. Неуна ковмис джень-дöдыштны. Экспозицияыс зэв кузь. Öкульыдлön öти-мöд сайö верöс сайö петалöм йылысь казътылёмгъясыс прöстö ковтёмöсь, татшöм сералана геройыдлы та кузьта пыртöд оз ков. Водзö вылö артыит: юмористическöй висътыд кымын дженьыд, сымын бур. Шöрсъыс куплетгъассö шыбитны жö лоис. А дзик помсö орö-дiсны секретариатын.

Гожöмбыдöн чери кыйны воыны сiдзи и эз удайтчыв. Öни мöдам овны арнас кöч кыйны волан надеяөн. Бөрвылас öд и висът поэяс гижны сы йылысь, кыдзи ме гöтыр корöм серти Бiбöдз кайли кöч кокла да бөр вои куш киөн. Дасъ висът вылö сюжет. Мед и ме лоа юмористöн.

Карын некод оз шыав. Ставныс керöны картофель. Локтан вöскресеннöй менö ыстöны жö. Ог тöд, мый артмас весиг, асыв-водзнас тай гöтыр вольпасъ вылысь чеччыны отсалö-а. Коскöй оз нюклясь, картофель мешöк лэптыны оз вермы — мучитча поясничнöй невралгияөн. Тыдалö, квайтымын арöстö тыртигөн лö на кутчысьлыны зырьö. Гортын тай во-мöд нин картофель оз пуктыв, дасънас ола. Но, нинöм, кыдзи шуö Педöр Щербаков, бор кузяыс пöкаживайтыштам.

Г.И.Торлопов межадорчили отсалö көрым база ёнмöдны. Öни вайöмаöсь повестка гöтырыслы. Эновт пö челядътö да мун тöлысь кежлö тишöти совхоз ёнмöдны. А вот базар вылын быд лун ветымын мужик сур киоскгъяс дiнын, и некод оз лысьт найöс тывйыштны ыджыд тывйөн да мöдöдлыны дырджык кежлö. Бур бригада эськö артмис.

Уджала «Бiтва» вылын. Уджыс мунö бура, но зэв унатор думайтанаыс. Пропашинойяс йывсьыд зэв кужöмөн колö сетны. А менам героиняыс сы гөгöр жö ноксьö. Кукурузаыд эськö и уналаын кыптылис, но кымис сулалигас. Неважөн вöлим учёнöйяслөн поле вылын. Вавилов шуис, мый сийö кө эськö Дмитрин местаын, кукурузаён эз ноксьы, а босьтчис мальваö. Став тайö тышсö-тöждысьöмсö позис, дерт, петкöдлыны гижöдын, менам öд сы гөгöр сюрöсыс мунö, но оз на тöд, кодарö решитча. Сэсся öд, вывти кө лöй, вермасны и не печатайтны.

Но нинöм, кадыс думайтнысö да решитны эм на. Лист нельöс гижы, мöд сы мында колö на. Герöйяслөн судьбаыс яснöй, а вот фон кузяыс уна на решиттём, оз тöд, мый вылö ки кыпалас. Ми öд зэв полысьöсь, збойлуныд озджык тырмы. Карын няйт жö. Гөгöр няйт. Ме тай кодсюрöс тишöкта вöли гижны фельетон «Кыдзи асфальт вылын вöчны няйт» тема вылö, но некод оз босьтчы. А мян строительяс кужöны вöчны няйтсö асфальт вылö. Абу кө няйтис, наросьнö асфальтсö писъкöдасны да няйт вöчасны. Вот и ставыс.

Совещание лöй сентябрь помын. Локтасны пö Москваысь йöз.

Аддзысьлытöдз. И.Изьюров.

Ки помысь улиас содтöд: Аски Семен лун. Петöма выль закон: ошгъясöс гожöмын кыйны оз позь. Мед пö рöдмыштасны, а то весиг челядъöс нинöмөн лöй повзёдлыны.

А со 1974 волөн январь 16 лунся гижöд:

Бур лун, Володя! Ыджыд аттьö письмöйд вылö. Бур, мый он вунöд, лыддян ёртöн пöрысь мортöс.

Ме гөгөрвои тэнö, Володя. Зэв сьöкыд, кор тэ öтнад, кор зэв окота лоö, да петны некытчö, сёрнитны сьöлöмсянь некодкöд. Меным татшöмыс зэв жö тöдса. Кыдзкö нин сідзи артмис, мый и мян тані разьсисны крепыд гөрöдгясыс. Томгяс дінö кыдзкö абу лöсьыд сибöдчыны да вöзйысьны. Асьныс ёнасö оз жö пырöдчыны. Пöрысьджыкгяс гортаныс, тыдалö, унджык кадсö куткырвидзöны паччөр выланыс, кодлөн сійö эм. Войдөр кыдзкö мөдджык вöлі. Но ме ёна ог норась. Эмось вернöй друггяс — книгаяс. Сэсся öд корсюрö йöз дїнас петавлан жö, көть шочиника да. Меным, сьöлөмөн журналистлы, мукöддырйиыс, кыдзи шуласны, телепит лоö пыркнитчывны, и ветлывла. Неважөн на вöлі Мезень вылын. Юрий Васютов да Лёня Палкин катерөн новлөдлісны Мозын кузя: сиктгясö суетавлім, кодсюрөкөд аддзысьлім, сёрнитыштім. Вöлі и болгаргяс ордын. Выль көрт туй кузя Косланöдз прöйдитім. Кутшöмкö пöльза век жö эм. Көть аддзылі этшаника йöзсö.

Мый ме вöча? Лыддысья, гижышта ичöтика. Дзик выль пöв гижи ставнас «Судзöд меным öшкамöшка». Ме ногөн, бурджык лои. Содті сы дінö кык висьт («Менам друг Митя» да «Сизим море вомөн»), выльысь жö вöчөмөн, В.Савин йылысь да И.Вокан йылысь казтылөмгяс, и сеті издательствоö. Кор лэдзасны — ог тöд. Менам тай öні магазингясын ни öти книга коми кыв вылын некөн абу, а 75 воö тырö 65 арöс. Позьö невиджыд книга-тö и лэдзны. Миян юралысьяс жö мукöд йывсьыд медся этша висьöны, асьнысö быдлаö сүйöны да тойлалöны.

Гижанторйыд, дерт, эм. Коліс эськö көть невиджыд гижöд кольны ас бöрся и война йылысь. Век жö воуйті, көть омöлика да, аддзылі войнасö, ас вывті нуи. Бура уна пасйöдгяс вöчөма нин, гижöма. Коліс эськö ветлыны воуйтанінö, Заполярьеö. Шыöдчылі 72 воын Москваö, деньга весиг ыстылісны, но синмöй висьмис да сэки эг вермы. Öні выльысь шыöдчыны кыдзкö абу лöсьыд. Таво тырö 30 во Заполярье мездöмлы, локтан воö — 30 Победа лунлы. Гижи жö кык невиджыд висьт война кад йылысь, сеті журналö. Ог тöд, кор сетасны. Ме öд ог радейт ветлөдлыны да корны. Кыдзи шуласны, слава богу, деньга менö медся этша интересуйтö, тырмөнзья ола, винатор вылад век лишалыштас, мый сэсся пиньтöм мортлы колö!

Но, тырмас ас йылысь.

Кутан кө лöсьöдны подстрочник «Жар гожöмыдлысь», дерт, колö вильмöдны, көть неуна, думыштылыны и сюжет йывсьыс. Ме неважөн на сійöс выльысь лыдди. Ог тöд, кыдзи сы вылö видзöдласны талун роч издательствоаясад, но гижöдыс, кыдзи аслыснога — «сиктса серпасгяс» — эм.

Пукала со, точöда тайö письмöсö, и думайта: мый гижан письмөад! Тыдалö, матыса кадö век жö вола тэнад Ыбö лун-мöд кежлö. Менам öд сэнї, кыдзи тöдан, эм друг, матö 40 во сайын öтлаын пукавлім тюрмаын. Интереснö аддзысьлыны сы мында во бöрын. Тайö öд писательыдлы материал жö. Сэсся и Таскаевыслөн интереснöй боевöй туй. Вот петала А.Сажин дінö да сёрнитча, мед сетас командировка. Делöыс, дерт, абу командировкаын, а мед вöчөм гижöдсö сетас, шуам, февраль тöлысьнас, Армия лун кузя, шуам, гоз-мöд номерын. А интереснөйджык кө сюрас материалыс, позяс и майскöй номерö

«Войвыв кодзув» журналлы лӧсьӧдны. Позьӧ весиг ас нимсяньыс и вӧчны, Таскаев нимсяньыс. Пасйышт, сулалӧ-ӧ тайӧс вӧчны, ме эськӧ мӧд вежоннас и вола. Тайӧ вежоннас ог вермы — локтан пекничай издательствоын тиӧктисны вӧчны политинформация, парторганизациялӧн задание.

Вот, пӧжалуй, и ставыс. Помала та вылын.

Телефильмгъяс йывсьыд. Сы вылӧ первой колӧ сценарий, а сӧсса режиссёр. Колӧ и бур оператор. Художественнӧй телефильмгъяс-тӧ ӧдвакӧ на миян вермасны кыпӧдны, весиг дженьыдикӧс. А репортажгъяс-тӧ вӧчӧны. Мӧд делӧ — кыдзи артмӧ. Ме тай со гижы сценарий Степан Пермскийлӧн алфавит йылысь, да коймӧд во кыскӧны. Пыр кӧсйысьӧны, а делӧыс оз мун.

Топыда кутла китӧ. Аддзысьлытӧдз. (Ручкаӧн кырымпас).

Со 1974 волӧн июнь 25 лунся письмӧ:

Бур лун, Владимир Иванович!

Важӧн лӧсьӧдча гижыштны гоз-мӧд кыв, но весь олигад да лун-лун куйлигад тай век некор. Важӧнкодъ аддзылі тӧнсьыд переводчиктӧ, висъталіс — висян пӧ.

Эн дивит, Володя, эн вид ни. Шулывлӧны тай: кытчӧдз мортыдлы ас вылас оз во, йӧзыдлӧн маетаӧдз сылы шогыс зӧв ичӧт. Тайӧ кывгъясыс, тыдалӧ, збыльӧсь, инмӧны и меным. Но ӧд тэ и ачыд ёнасӧ он ныргъяс, он шыасьылы ачыд друг код-дӧмгъясыс дінӧ.

Виччыся, мый гижан асьыд нӧрпалӧмтӧ да висьӧмтӧ. Юасьны уна ог мӧд, ачыд гӧгӧрвоан, мый менӧ интересуйтӧ. Мый шуӧны врачьяс висьӧм кузяыд и мый сиӧны водзӧ вылӧ?

Сӧсса ас йылысь.

Дерт, вильторйыд миян эм, и абу этша. Ӑти висьӧдчӧ, мӧд...

Сыктывкарын гӧсть — англичанин Джон Гордон Коутс, комиӧн кӧ пӧ, Педӧр Вань, кыдзи ачыс шуӧ. Сійӧ гижӧма докторскӧй диссертация «Аспекты современной коми-зырянской литературы». Быдса кык том. Философия докторлысь ним сётмаӧсь. Дерт, ас ногыс ставсӧ донгъялӧ. Ёнджыкасӧ гижӧ Илля Вась, Нёбдинса Виттор, Тима Вень да Н.П.Попов (Жугыль) йылысь, видлалӧ коми поэзия да драматургия. Проза йылысь сӧмын казтыштӧ ӧткымынлаын. Колӧ шуны, добросовестнӧя тӧдмасьӧма коми книгаянас, 300 саяс книга ачыс лыддӧма, сёрнитӧ комиӧн. Коми кывсӧ велӧдны да миян литератураӧн водзӧ тӧдмасьны и воӧма Сыктывкарас кык тӧлысь кежлӧ. Прӧстӧй сідзсӧ мортыс. Код тӧдас, мый сійӧ кутӧ юрас. Но, ме ногӧн кӧ, сверхзадачаыс сылӧн татшӧм: тӧдмасьны, кыдзи коммунистгъяс пӧртӧны асьыныс программанысӧ песни кывгъяс водзӧ сӧвмӧдӧм йылысь. Тӧдса нин венгерскӧй да финскӧй литературакӧд, кывгъясыскӧд и, а ӧні локтіс комиӧ видзӧдлыны аслас синмӧн, мый миян вӧчсьӧ, кодарӧ ми мунам. Ёнджыкасӧ Педь Ваньыс филиалын, но нуӧдлісны и Лӧмгӧю, миян дачаӧ, оліс сәні некымын лун. И ми ветлім сёрнитны сыкӧд.

Миян ӧд йӧйӧсь. Весиг «Югыд туй» тайӧ лунгъясас коми литература йылысь да коми писательяс йылысь нинӧм оз гиж, ковмӧма та вылӧ вылысянь индыны. Меным срочнӧя тиӧктисны Ю.Васюттов йылысь гижны, корӧны неуна гижыштны и тэ йылысь.

Ещӧ миян мый? Июнь 28 лунӧ мунас тавося Куратовскӧй лыддӧмгъяс. Воис нин талун Илля Вась. Висьӧдчӧ ёна, а локтіс.

Окота пö, гашкö бөрзяысь, Сыктивкарас волыны. Дерт, көн-кö, и Педь Ваньыд сэн лоас.

...Июль төлысянь заводитасны журналын печатайтны В.Напалковлысь выль повесть. Ме сэтчö кидс пуктыли жö. Первой юкöныс буракодь артмис, помыс эзджык на. Гашкö, и уджыштны на авторыскöд ковмас. Но, ме ногөн кö, прозаын Викторыс ёнджык, поэзияын серти. Июльын жö менам мунö «исторической опус», 20-öд нэм заводитчигөн Емва вожын параходгяс стрöитöм йылысь. Редколлегияын дыр нин мунö вен — сетны сийö «опуссö» али не. Öткымынгяс (Я.Рочев, С.Попов) «категорически прöтив», нинöмла пö тайöс йöзыслы төдны. Но, ачыд лыддян.

Став бурсö, Володя. Кутчысь и уджав, дона ёрт!

Ыджыд копырөн — И.Изгюров.

Копрася гöтырыдлы.

Нöшта öти гижöд, кодöс Иван Васильевич ыстöма 1974 вося июль 4 лунö:

Бур лун, Владимир Иванович ёрт!

Пыр на корсюрö думыштлывла тэнад письмö йылысь. Медся водз, дерт, кызкö да быть колö бурдöдчыны, мый вермана да поэяна. Овны тайö кадсянь инвалид туйö сьöкыд лоö, ковмас мыйкö вöчны, и медся матыса да дона удж тэныд, төдöмысь, гижöм.

Мыйöн вермöдчыны мöдан, уджав. Асьтö вен да уджав.

Тэ медся вына сиктса йöзöс да сиктса олöм петкöдлöмын. Д.Конюхов тай гижлис — бытописатель пö. Тайö кывгясас торгя лёкыс нинöм абу.

Заводит да пан выль гижöд. Ме эськö рекомендуйти сиктса механизаторгяс йылысь. На пöвстын öнi зев интереснöй йöз эмöсь. Со и менам другыд — Егор Таскаевыд — вичкоын друг венчайтчöма, а ачыс öд войनावывса ветеран. Думышт интереснöйджык персонажгяс. Шуам, öти герой — бур тракторист, уджсö ассьыс ачыс зев вылö пуктö, и йöзыс сийöс пыдди пуктöны. Гашкö, сылөн вокыс, шуам, сельсöветын юралысь, и трактористыс шуö сылы — не кö пö ми вокыс, сельсöветылöн доныс зев ичöt, нинöм туйö колян.

Тэнад гижöдгясын олан туйыс озджык тыдав, а гашкö и общöй фоныс сиктыслөн да сиктса олöмыслөн. Талунгя йöзыдлөн интересгясыс уна да гырысьöсь, быдөн кужö донгявны да колана вылнаын кутны асьсö. Вот и колö петкöдлыны сэтшиöm йöзсö паськыдджыка, бурсö и тырмытöмторгяссö налысь восьтыны. Тэ тайöс кужан, уна оз ков висьтавны. Думышт талунгя ситуация, талунгя конфликт ёсьджыкöс, и заводит уджавны. Сэки и висьнытö кокниджык лоö.

«Вильыш Вöргю» йывсьыд öнi этишаджык думайт. Кызкö меным тайö гижöдыс первойсянныс эзджык во сёлöм вылö. Ме эськөн эг и рекомендуйт лэдзны сийöс торгя книгаöн. Гажтöмджык лоö, он кö тайö гижöд дорас мыйкö содты. А мöд повесть бердын эськö и вермас лоны местаын. Эн дözмы, верман öд мекöд и не сөгласитчыны.

1975 во вылö издательствоыдлы плансö вöчöма и вынсьöдöма. Сёрни вермас лоны сöмын 76 во йылысь. Во помöдзыс заявка колö вöчны, көсгян кö быттьö. А кык повестья книга кö артыштны, дерт, заявкатö рукописьтöгыд оз примитны. Но,

гашкө, Ен сетас вын, да төв помөдзыс повестьсө верман вөчны. Мед книгаыс петас 77 воын, лоө зэв бур. А уджавны, Володя, кытчөдз верман — колө. Думыштлы менам кывзяс йылысь да ачыд решит.

Эн дивит, мый висъысь мортөс тишөкта уджавны да нөшта и велөда. Но шуа тай: уджавны кө мөдан, и висъөмтө кокниджыка венан.

Видзөдлин эн мянлысь «Быль о пропавших книгах» фильмсө? Онi и аслым сийө сьөлөм вылө эз мөд воны. Сэтшөма дзугим да бергөдлим, ни то ни сө артмис. Мырдөн сорөн петис экран вылас. Гырысь йөзлы, тыдалө, тайө петкөдлөмыс эз эськө ков. Мыйла пө важас пырөдчыны, кор талунзьяыс уна. Ачым сэсся нинөм эг мөд гөгөрвоны, вежөрын ставыс сэтшөма гудрасис.

Воддза письмөас тай гижли англичанин йывсыйд. Кодлыкө сийө шуөма, быттьө пө газетзясид нинөм оз гижны коми писательяс йылысь. Онi «Югид туйлы» сетөмаөсь команда — унджык гижны! Вот и менө корисны мыйкө гижыштны да ме пасйи кыв-мөд Ю.Васютов йылысь. Талунзья газетын со и С.Попов йылысь гижөны. Со өд мян кызди мукөбдырйиыс артмө: колө англичанинлөн чуткөм, мед газетзяс сёрнитисны писательяс йылысь!

Тешкодь зэв!

Но ладнө, Володя!

Лунзьяыс мичаөсь, гожсяөсь. Жар, лалавнысө сьөкыд. Колис эськө прамөйджык зэр — гожся шоныд зэр. Мед турун и быдтасзяс кыптисны, и вотөсзяс эз косьмыны, и тшак мед писькөдчис.

Мортыдлы тай пыр уна колө!

Топыда кутла китө. Став бурсө. И.Изгюров.

И нөшта өти письмө, неуна норасяна помланьыс, кодос ыстөма 1977 вося ноябрь 11 лунө:

Бур лун, Владимир Иванович!

Сёрмөмөн, да век жө ыста пөсь чолөм кольөм ыджыд празник кузя. Аслыд дай став семьяыдлы.

Эн дивит татишөмторсыйс: сөмын төрыт, ноябрь 10 лунө, асывнас вои Сыктывкарө, төлысь коставлөм бөрын. Вөлим гөтыркөд лунвылын, мича Сьөд саридз дорын, Ялта карын. Шойччим бура. Вөлим өтлаын А.К.Микушевкөд да А.Ванеевкөд. Позьө шуны, гажтөм эз вөв. А кор өд некыт оз вись торзясө, и шойччынытө кызкө кокниджык да гажаджык. Аслам өти гижөд вылын уджалышти жө, гижөмсө нин лөсьөдышталі. Тайө лоө военной повесть, нимыс «Куим лун, и ещө өти вой». Микушев тай лыддис да шуө, воис пө сьөлөм вылө, комиын пө война йылысь татишөм гижөдыс эз на вөв. Мед тайө кывзьясыс кольөны сылөн сөвесть вылын, ме ог требуйт найөс. Журнал көсийсысь повестьсө йөзөдны локтан вося Победа лунөдз на.

Сэсся тай, весиг премия сетөмаөсь өти акта пьесаыслөн конкурс вылын. И посни гижөдзяссө во чөжнас гижөма. Сидзкө, воис эз коль весь. А тайө — главнөйыс.

Лунвылын поводдяыс вөлі зэв бур, шоныд. Бархатнөй ар! Ноябрьын ыркөдыштіс, но век жө матө 20 градус шоныд. А Сыктывкарө воим да, 21 градус көдзид! Одва и кыссим квартираөдз! Муртса эг турдөй, комиөн кө шуны.

Удж тай век эм. Повестьөс колө кытсюрө перепечатайтны.

Куратов йылысь важгя висьтӧс колӧ паськӧдны да рочӧн вӧчны. Матысмӧ Сыктывкарлы 200 во. Эм дум гижны пьеса. Весиг нимыс эм: «Сыктывкарса роман». Тайӧ, колӧ лоны, коми интеллигенция йылысь пьеса. Дерт, кутам кӧ на овны во-мӧдсӧ, оз кӧ смертыд шу: тырмас пӧ, другӧ, колӧ мукӧдгяслы места сетны. Босьтас дай зыртыштас. И нинӧм он шу. Пиньяс киссисны нин дзикӧдз, сингяс кутисны омӧльтчыны, и пельӧй дугдӧ кывны.

Вот татшӧмӧсь делӧясыс, Володя. Ог норасьӧм ради гиж та йылысь. Менам олӧма нин. Весиг аслам планын та мында воыс эз вӧв.

Дерт, колӧ аддзӧдчывны. Но тэ, другӧ, ачыд он жӧ пырав, кор карас волан. А ме важгя волӧмсӧ ассьым казътыла, и пыр на чужӧмӧй гӧрдӧдлӧ. Вывтӧджык лои. Ӧнӧдз гӧтырсянныд абу лӧсьыд. Но, вунӧдам важгясӧ, и сэся некор ог казътылӧй, и кутам думайтны выль аддзисьлӧмгяс йылысь.

Став бурсӧ, Володя, и Нинаыдлы тшӧтш, и челядьыдлы.

Топыда кутла китӧ.

И.Изьюров.

Выльысь лыдди Иван Васильевичлысь письмӧяссӧ, и быттӧ ловзылыс мортыс. Ыджыдджык ӧртыдлысь индӧдгяссӧ, дерт, корсюрӧ пель сайӧ сюркнявлі: мыйӧкӧ эскылі, а мыйӧкӧ и — эг. Радейтліс мортыс ми вок коддьӧмсӧ велӧдны. Ме, шуам, некор эг дӧзмывлы сылӧн восьса критика вылӧ, но дзик сы ног некор эг вӧчлы. Дай мыйла вӧлі колӧ дзик И.Изьюров моз мӧвпавны да гижны, кодыр быд гижысылӧн эм аслас ордым.

Со и тані, ӧти письмӧын, менӧ дивитӧ: «Вильыш Вӧрьюыд» пӧ эджык сьӧлӧм вылӧ во, гашкӧ пӧ оз и ков торъя книгана с лэдзны. А ме ӧд сійӧ ю кузяыс ачым тшӧтш керьяссӧ кылӧдлі. Тайӧ гижӧдас — ставыс збыльтор. Сьӧкыд удж йылысь вӧчӧма гижӧдсӧ: эм сэні и вензьӧм-видчӧм, эмӧсь и теш сяма серпасгяс, петкӧдлӧма и том йӧзлысь сӧстӧм радейтчӧм. «Вильыш Вӧрью» книгаыс важӧн нин абу некутшӧм лавкаын, росмӧмаӧсь и библиотекаясын. Сідзкӧ, Иван Васильевичлӧн коркӧя донгьялӧмыс абу дзик стӧч вӧлӧма.

Воыс рӧдтӧны сярӧбӧн. Ыджыд ӧртӧй важӧнкодъ нин абу миян пӧвстын, ӧнія том гижысыс, гашкӧ, эз и паныдасылыны мортыскӧд. Но И.Изьюров кужліс ышӧдны ӧртгяссӧ сьӧкыд творческӧй удж вылӧ. И, ме чайта, Иван Васильевич Изъюров йылысь паметыс уналӧн дыр на оз кус.

Войпель, пам, өксы...

Казьтыштам медводз И.А.Куратовлөн «Пама» гижöдысь татшöм стрöкаяс:

«Пама! Ачыд тэ медтöдысь тун!
Войпель оз эльт сылы кевмысьяссö!»

(И.Куратовлөн «Менам муза» небöгысь, кодi петалис Сыктывкарын 1979 воö).

Тöдса, мый Пама нимсö пасйöма и важся гижöдъясын, сийö йитчöма перым (важ комияслөн) эскöм вежан кадкöд. А поэтлөн гижöдысь аддзам и важ ен ним — Войпель.

Эм татшöм пöлөс эрдöдöмыс и мукöд гижысьяслөн. Со М.Н.Лебедевлөн öти гижöдысь ошкан-кевмысян кывъяс:

«Югьд енэж вылын олö
Ыджыд Войпель!
Лыдтöм во нин сэни олö
Ыджыд Войпель!
Веськыд кияс шондi кутö
Ыджыд Войпель!
Шуйга кияс тöлысь кутö
Ыджыд Войпель!
Мусö видзö, оз и узылы
Ыджыд Войпель!
Зэрсö кисьтö, лымсö лэдзö
Ыджыд Войпель!»
Водзö шуö став йöзыс:
«Войпельöй енмöй,
чардалан би,
Тэ улын олам
Му вылын ми!»

(«Бөрйöм гижöдъяс» небöгысь, кодi петавлис Сыктывкарын 1940 воö).

Важ культура да история туялысьяс пасйылисны, мый Пама вöли важ религия (эскöм) кутысь «верхонöй жрец», да сэки жö и «военачальник». Казьтывсö гижöдъясын тшöтш «Пам-сотник». Сёрнитисны важөн нин и «Пам Шипица» (либö, комион кө,— Шыпица) йылысь да с.в.

Коми войтыр важысян туялö ассьыс уна нэмся историясö, культурасö, кадысь кадö овлöм вежсьöмъяссö. Учёнойяс велöдöны-тöдмалöны язычество да христианизация кадколастъяс. Но унатор на кольö тöдмавтöмөн.

Культура туялысь-велöдысьяс казялöмаöсь важ коми кывъяс (терминъяс) — «пам», «пан», «чадэ», налөн вежöртасыс — «жрец». Кывъясыс кольöмаöсь фольклорын. Мукöдыс казьтылöмаöсь тшöтш «айка», «тун» — матысса жö либö сийö жö вежöртасын; кöнсюрö шуöма весиг — «тунъяс-памъяс» (жрецъяс). «Тун» — «ыджыд тöдысь» — пасйыссьö и коми-пермякъяслөн. Лöсялана вежöртасын И.А.Куратов тшöтш тöдö уськöдлис «кам» кыв (термин), да с.в. (И.Куратов. «Ты бесконечна, жизнь», 1988 во). Та йылысь эмöсь

пасйодъяс и мукөдлөн (А.Красовлөн, П.Сорокинлөн, А.Микушевлюн, Ф.Плесовскийлөн).

Дерт, вермис важ кадө нин төдчыны орччаяслөн олөм-вылөмыс. Төдсаөсь 14-өд нәмся вежсьөмъяс, выль эскөм примитөм. Лунвылын и Войвылын, уна пөлөс коми вожъясын оласногыс, дерт, торъя кадколастьясө эз нин вөвлы өткодьөн, өтмозаөн. Төдса, мый важ коми кывйө ас кадө волөма весиг «кан» кыв (вежөртасыс — «царь», сідз жө важся гижөдъясын пасйөма «хан» вежөртас). Пасйөны и «баяр» кыв (фольклористъяс, торйөн кө, казтылөны и «роч баяр» — «русский князь» вежөртасын).

Видлавын кө водзө важ кывкуд, П.Савваитовлысь 1850 воын лэдзөм «Зырянско-русский и русско-зырянский словарь», сәні эм «өксы» кыв; вежөртасыс — «барин»; нөшта пасйыссьө: «коми өксы» — «зырянский барин». Кывйыс тайө ловъя сөмын коми фольклорын. 1961 воын лэдзөм «Комиа-роча словарын» (В.И.Лыткинлөн редакция улын) пасйыссьө мөд ногөнджык: «өксы» — «князь» (фольклорса жө). Тадзи кымын жө пасйывлөмаөсь А.С.Сидоров да В.В.Гудкова, кыв да культура велөдысьяс. Чайтөны, мый кывйыс тайө өна нин важся; уна пөлөс, торйөн кө, рөдвуж кывъяс да фольклор велөдысьяс татшөм кывсө аддзөмаөсь жө, «царь» да «көзяин» вежөртасаөс; весиг казялөмаөсь өткодь кывъяс лунвысаджык, «иранскөй» кывъя войтыръяслысь, да с.в. 1983 воын лэдзөм «Удмуртско-русский словарь» пасйө: **эксэй** — царь; 1985 вося «Коми-пермяцко-русский словарь» индө: **өксу** — государь. Чайтсьө, мый важ вежөртасыс коркө вежсьыштөма, паськалөма (весиг некымын финн-йөгра кывйын). Дерт жө, төдчис тані роч да мукөд войтыръяслысь культурасө төдмалөм-аскодялөмыс.

Көть эськө ыджыд вензьөмыс абу, вөлісны али эз йөгралөн либө коми-пермякъяслөн важ кадся «князьяс», важся оласног, культура туялысьяс пөвстысь эз (да и өні оз) быдөн пасйыны, мый коми-зыряналөн важ пөч-пөляслөн тшөтш вөлісны татшөмъясыс. Бура төдса сөмын, мый комиясөс Кростослы эскөмө пыртөм бөрын нин Комиө, Емдинө да мукөдлаө, вөлісны роч князьяс. Кольөма места нимъясын и «князь» кывйыс. Та йылысь гижисны П.Доронин, топонимика велөдысь А.Туркин, историк И.Жеребцов да мукөд.

Чайтөны, мый вөйдөр «памъяс» вөлісны тшөтш «старейшинаясөн», а 14-өд нәмся Памаөс кодсюрө лыддьö «военачальникөн», көть эськө тайө лөсялөджык өксыяслы.

Вермас-ө лоны, мый «өксы» кывйыс важ комияслөн босьтліс аслыспөлөс либө «князь» кывлы лөсялана вежөртас? Дерт, позьö чайтны, мый важся Новгородскөй «феодалной республикакөд» аслыссяма йитөдъяс кутігөн, войвывса «иностранческой» «памъяс» дыркодь кутчысисны (кызди и мукөд войтырлөн жрецъяс), но көнсюрө, шум, лунвыв муясын, торъя нин мукөд войтырлөн муяскөд орччөн, вермисны нин важ кадсян нимавны мукөд пөлөс ыджыдалысьяс (феодалъяс — «өксыяс» да мукөд). Кывйыс төдса, кызди нин казтывсис, и мукөд рөдвуж войтырлы (аслыссяма кодь вежөртасын), да весиг өткодь кыв эм кутшөмсюрө лунвыв войтыръяслөн кывъясын (В.И.Лыткинлөн, Е.С.Гуляевлөн этимологиялы сийөм уджъяс серти). Рочысь босьтөм — «князь», «царь» (комиөн — «сар») кывъяс лоисны жө төдсаөсь коми войтырлы, да с.в. Бөръя кадө, торйөн кө, роч вылысь вуджөдөм коми небөгъясын тайө кывъяссө өні пасйөны тшөтш «өксы» кывйөн.

Тодö уськöдам тані тшöтш **öксём** кыв. Вичко небöгъяс комиöдиг-вуджöдигөн Г.С.Лыткин ас кадö вöдитчöма **öксём** кывнас — «судилище» вежöртасын. Казытылöм нин «Коми-пермяцко-русский словарь», торйөн кө, индö рöдвуж коми-пермяк войтырлысь татшöм кывъяс: **öксём** — чукöртчöм; **öксыны** — чукöртчыны.

Важ кадся «памъяс-тунъяс», «öксыяс» йылысь войдöр позис, да öнi позьö лыддыны гижöд-небöгъясысь, дерт, медсясö художествоа литератураысь. Тöдса, мый «öксы-баяр», «кан» кывъяс (мукöддырйи — ас нога вежöртасын), сідзжö, кольöмаöсь коми фольклорын, öткымын важ гижöдъясын.



Конкурс

Коми Республикаса печать Управление, гижысьяслөн Союз да «Войвыв кодзув» редакция 2001 воын нуöгöны журналлөн 75 вося юбилейлы сиём конкурс литературарын медбур гижöг вылö.

Медбур гижöдъясысь шуöма сетны:

ПРОЗАА ГИЖÖДЪЯСЫСЬ

- 1 премия 7 сюрс шайт*
- 2 премия 4 сюрс шайт*
- 3 премия 2 сюрс шайт*

КЫВБУРА ГИЖÖДЪЯСЫСЬ

- 1 премия 4 сюрс шайт*
- 2 премия 2 сюрс шайт*
- 3 премия 1 сюрс шайт*

МЕДБУР ПЬЕСАЫСЬ 5 сюрс шайт

КРИТИКАА МЕДБУР ГИЖÖДЫСЬ 5 сюрс шайт

ПУБЛИЦИСТИКАА МЕДБУР ГИЖÖДЫСЬ 4 сюрс шайт

Гижöдъяс колö сетны гижысьяс Союзö либö «Войвыв кодзув» журнал редакцияö тавося октябрь 1-öд лунöдз.

Гөститісны

Кирö Вась да Митрей Павел — öти сиктысьсöсь, шоперъяс.

Öтчыд ёртъяс лэччөдісны карөдз делөвöй вөр. Машинаяссö ректöм бöрын зонъяслы коліс виччысьлыны асылөдз, кор сөвтасны мөд пөлөс груз сиктаныс катөдөм вылө. Найö пыртөдісны машинаяссö гараж йөрö да мунісны гостиницаö, мыссьыштісны.

— Кытчö нö сёйыштнысö ветлам?— юалис Павел.

— Лэччылам уліас, ресторанас,— вочавидзис Вась.

— Татшөм паськөмнас?

— А мый нö, ми öд сэні сёйыштам сөмын.

Ресторанысь кыліс музыка шы. Йöзыс эз вöv уна. Зонъяс падмыштлісны: кажитчис, мый ставөн видзөдöны на вылө. Но недыр кыйкъялыштöм бöрын веськөдчисны пельöсын сулалысь тыртöм пызанлань. Кынөмъяс сюмалöны, столөвöйö мунны сёр нин, а вокзалса буфетысь көдзыд котлет няклявны — абу жö ужын. Корисны пöсь шыд, гуляш.

— Мый кутам юны?— юалис официантка.

Зонъяс видзөдлісны öта-мөд выланыс.

— Сё граммөн водка,— петіс аслас көсйытөг Павеллөн.

— Нинөм, аскиөдз руыс петас,— öвтыштіс кинас Вась.

Юыштісны да кутчысисны пöсь сёян дорö. Пытшкөсьяснышоналыштісны, лои лöсьыдджык. Другъяс эз нин некодысь вежавидзны, гораа варовитісны.

Вась мыйкө юалис Павеллысь, но мөдыс эз вочавидз. Сэки Вась видзөдліс ёртыс вылө да казяліс, мый сійö вилка вылө сатшкөма сола öгуреч, вайөдөма паськөдөм вом дорас да сідзи и кынмөма. Синъясыс гөгрөсмөмаөсь, видзөдöны кытчөкө водзö. Вась бергөдчис, и вомыс сідз жö паськаліс.

Веськыда налөн пызан дорö локтіс ныв. Мича, синъястө көть эн вештыв сы вылысь: быттö енэжсьыс андел лэччөма. Пелькиник тушаа, пельпомъяс вылас лэдзалөм еджыд юрсиа, кельыдлөз синъяса. Дженъыдик юбкаыс гум кодь мича кокъяссö оз сайөд. Мед зонъяс любуйтчöны наөн. Вöснъыдик ковта пырыс төдчисны вöсни коскыс да кыпыд морөсьясыс. И тайö анделыс локтіс Вась да Павел дорö. Киас нывлөн дипломат. Гашкө и служащöй на?

— Позьö тiян дорö?— юалис мелі гөлөсөн ныв.

Зонъяс ас көсйытөгыс надзөнник сувтісны, звук-мөд нинөм эз слöймыны вочавидзны, сэсся Павел, коді водзджык воис ас садяс, кызмырдөн пычиктіс:

— Пуксьöй, тані прөст.

Гөстя корис официанткаөс, тшөктіс вайны шампанскöй, коньяк, дона закускаяс.

— Вайöй төдмасымöй. Таня,— нюжөдіс кисö зонъяслы.

Таня вөлөма зэв сибыд, öдйö и крукыштіс Павелөс да Васьöс, и недыр мысти найö сёрнитісны нин, кызди важся бур төдсаяс. Павелөс ныв кутіс шуны Павликөн, а Васьöс Василөкөн. Зонъяс сідзи и сылісны Танялөн видзөдлас улын.

— Ме тайö карас аслам көсйытөг веськалі, самолётөс поводдя

вөсна эз лэдзны лэбны водзё, кольөдісны аскиөдз. Лэба вөлі гортө, мам дорө, чужан лунөс празднуйтны. Öд талун меным тыри 18 арөс. Сідзкө, тiянкөд пасьям тайö лунсö.

Зонгьяслы зэв ёна кажитчис бур нылыс, сылөн небыд сёрниыс, и, дерт жö, сійö, мый Таня став ресторанса зонгьяс пиысь бөрйис буретш найöс.

Вайисны шампанскöй. Таня кисьталіс куимнанныслы:

— Ме гөститöда,— шуис.

Юисны 18 арөс вөсна. Шампанскöй лөсьыда гильөдыштис горшгьяснысö. Шампанскöй бөрын кутчысисны коньякө, закуситисны. Таня корис вайны нöшта кык доз коньяк да куимнан вылас сёян. Бара юисны.

Водзёсö зонгьяс помнитисны вöтын моз. Найö йөктисны, сылисны, öта-мөд вежмөныс кутлісны Таняөс.

...Ресторанын лөнис музыка, сёйысь-юысьяс разөдчисны. Официантка матыстчис зонгьяслөн пызанлань аслас блокнотөн, а зонгьяс сійöс быгтьö оз кывны ни оз аддзыны.

— Ме Танякөд номерö кайла, а тэ, Павел, мун да гуляйтышт.

— Ок, кутшөм сюсь тэ вөлөмыд? Ме, колөкө, сы вылө гөтрасьны көсья?— Васьлы пинжак соскас кутчысис Павел.

— Тэ ме дорын зырымбедь на, ещö и тшөкөлдывайтны лысьтан!— щөтитчö Вась.

Павел чашнитіс морөссö да мыччөдіс тельняшкасö:

— Ме вөдөвöшник! Шуйга киөн тэнö пыдзырта!

Вась кутліс чеччыны, но бөр шлапкысис места вылас. Ёна коддзöма.

— Абу-ö нин кад тiянлы мынтысьны?— шыясис официантка.

Мыйөн зонгьяс кылісны лыдпассö, муртса юрсиныс эз сувт. Шöйөвошөмөн видзөдлісны öта-мөд вылас.

— А Таня?— дум вылас уси Васьлы.

— Да, сійö öд миянөс гөститöдіс. Со и дипломатыс тані, локтас да мынтас,— шыясис Павел.

...Асывнас кык друг петісны карса вытрезвительысь. Павел лөн киас вөлі нывлөн дипломатыс.

— Вот и гажөдчыштім, весиг муртса косьөдз эгö воій,— ышловзис Вась.

— Бура и гөститім! Ресторанын да весиг и милицияын,— нурбыльтіс Павел да шургис дзик тыртөм важ дипломатсö орччөн сулалысь ёг новлан машинаö.



Александр НЕКРАСОВ (Гамса)

Роч Вань

Роч Ваньөн сиктсаяс шуöны совхозса конюкөс öта-мөдныскөд сёрниын. Но ськөд паныдасиггьясö видзаасьöны юрнысö копыртлөмөн, ыдждөдлөны Иван Ивановичөн. А кыдзи нö? Пес, скөтлы турун вайыштны, тувсов гөра-көдза дырйи вөвла сы дорө колө шыасьлыны. Он кө пыдди пукты, ыргьянитысь вөв сетас либө град йөртө медбөрын ковмас гөрны. Конюкыд сиктад — сар батюшко кодь.

— На машину и трактор надейся, а коня не бросай,— тшöкыда тöдчöддывлö войтырлы Роч Вань.

Война бöрын воис сиктö фронтвик-другыскöд Иван Иванович, гөтрасис коми ань вылö, но коминас сёрнитны эз и велавлы. Гөтырыс, Митрей Анна, шань, мелі, уджач нывбаба. И мичлунсö Енмыс лышкыда козьнавлöма, но Иван Ивановичлы öти гөтырыд абу тырмымön, оз бурмы сьölöмыс дай пом. Гусьöникön мусу-касьлывліс томджык дөваяскöд.

Анналön чойыс, Катя, мөдöд во нин дөвуйтö. Кык чой — двöйни пöвъяс, дзык öткодöсь туша-рожанас и статьянас, быттьö кык ва войт. Весиг и гөлос сертиыс он вермы торйöдны.

Öтчыд Катя локтіс конюшняö вöвла.

— Дона гулюй, медбур, медвына, медся кывзысьысь вöвсö доддыла тэд вылö, но сьölөмсянь кора: волы талун рытнас, пемдас да, конюшня керкаö,— кевмсян ногön шöпкөдыштіс Катялы пеляс Роч Вань.

— Н-но, инö, вола,— вель дыр чөв олгтыр мөвпалөм бöрын көсьысис Катя.

Катя висьталіс Анна чойыслы Роч Ванькöд конюшня дінын гуся сёрнисö да содтіс:— Норасьö верöсыд. Вот и ветлы ме пыдди пемдыштöм бöрас сы дорö да могмөд мортсö...

Иван пукаліс аслас ичөтик жырийын дзузган би дорын. Пызан вылас сулаліс чөскыд вина доз, ёді черинянь, шоколад кампет куд, шөралөм небыд шобді нянь.

— Лок, лок, муса Катюш,— радпырысь корис ёна виччысяна гөстяös Иван.

Сөйисны-юисны, варовитісны и мусукасьöмөдз воисны. Кор нывбаба мөдöдчис мунны, Роч Вань мыгчис сылы кызь шайт денгыа да меліа шöпкөдыштіс: «Сенцо продам да еще дам».

Гортас Иван локтіс дас час бöрын нин, но öдзöсыс мыйлакö вöлі томана. Недыр мысти воис и Аннаыс.

— Где так долго была, до ночи гуляла?— скöрыськодь юаліс Иван.

— Где была, ни была, а двадцать рублей нажила, а сенцо продаст да еще даст!— нюмъялігтыр крапкис Анна.

Иван кыв ни джын эз шу, öдйö пасьтасис да петіс керкаысь. Лун-мөд-коймөд гортас абу волöма.

□ □ □



Журнал петö «Сыктывкарса ЛПК»
акционерьяс восьса котырлөн бумага вылын.

*Журналын йöзöдтöм гижöдъяс
редакция оз рецензируют и авторыслы найös оз мөдöд*

Техн. редактор **А. Одинцов.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26
Телефоны редакции: 42-47-52 (гл. редактор), 42-51-52 (отв. секретарь).

Подписано к печати 07.02.2001. Формат 70x108^{1/16}. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1173. Заказ № 3967. Регистр. № Ф0095.

ОАО «Коми республиканская типография», 167610, г. Сыктывкар, ул. Первомайская, 70.



«Зарни ёль» ансамбльысь сьылысь Виктория Пыстина.

Снимокыс Р. Ногинлӧн.

Индекс 73069

Доныс сёрнитчём серти.

